

Nlir Nfa

Mbæk anung aIsarila ka aMasar.

¹ Adin ovan oga aIsarila ova ga aMasar ka uYakup, udanggo ka nzhi wò te oma ta.

² URuben ka uSimeyon, ka uLawi ka uYahuda,

³ ka uYisakar, ka uZebulun, ka uBenjamin,

⁴ ka uDan, ka uNaftali, ka uGat, ka uAsher.

⁵ Akum ijili aYakup pa kpaktak te, isəm pa ifangshat. UYusufu ka ya chit ka ashe mbin aMasar jiwò.

⁶ UYusufu ka nkpaktak ogənanang wò ka nlwàk oza kú.

⁷ Ká nna te oga aIsarila myak ga mpyal pa makmak, á kam pa gənggəng kang oza yəl mələk ashe mbin aMasar.

⁸ Te uponzhi upipye uro wong ya ka aMasar, uva nyi iyam iro ka apal aYusufu kat.

⁹ Uza là onəm wò pa, <<Ó dər, onəm oga aIsarila ova ta yəl kang à kam chit ji yi.

¹⁰ Re í mwo aghan aga nggəl mmyak oza kat te, onəm oga nkpàng yi á ru yi ká ikum te, oza i gwang awo ká oza i lung yi. Te i wong i chəng i re mbin yi.>>

¹¹ Te uPonzhi uga aMasar ká onəm ochum-chum wò nak onəm oga mpángchí ozwal pa á na inok idəkdək ôvan oga aIsarila i va i na idumdùm ôza pa makmak. Á me oga itong kakul mbut iyam ûFirona va mí wór pa aFitom ka aRamaset.

12 Kap ká nva pa oga aMasar kà nnəm idumdùm oIsarila te, oIsarila ga mpyal ká mmyak ga chu iyél oza ban nna ayər oga aMasar.

13 Te oga aMasar nəm ifan oza pa zhalatzhalat kà nnəm izwal.

14 Oza dungshi igwak oga aIsarila ká inok idəkdək, i nak oza i kəp amyè, i tòng, i nəm abərki ká. Kang à nəm ifan ôza kà nnəm inok ka ashe íram oza.

15 UPonzhi oga aMasar là ôchar va kà nnəm inok nkam amar óchar oHiburu, oma uSifira ka uFuya pa,

16 <<O wong nkamshi ochar oHiburu kà mmarr te, o dər a yà pa uyennungwan te, o gba, kang a yà pa uyenchar nnyi te, o re na ka iriri.>>

17 Kakul pa ochar ova ta ra ayər Inan ra te, oza kpak iyam iva uponzhi là kat, oza re onungwan ka iriri kpa.

18 Te uponzhi oga aMasar wór ochar ova ta bəp oza pa, <<Sang kang o nəm wa nva ta yà? Ó nəm sang kang o re ovan onungwan ka iriri yà?>>

19 Ochar ova ta là uFirona pa, <<Ochar oHiburu wa oga aMasar kat, oza kam byet, kang î ga ka atak oza te, oza mar chit.>>

20 Inan nəm inənan ôchar oga nkam amar ava ta. Te à nak onəm yél kang oza kam pa gənggəng.

21 Kakul ochar ova ta oma ka ayər Inan te, Inan na ovan ôza pa makmak.

22 Te uFirona nak npaktak onəm wò pa, <<Nza uyennungwan nggo mmá mar te, o mang ka ashe awang aNilu. Kang nza uyenchar nggo te, o re ka iriri.>>

2

AMar AMusa

¹ UNəm uro ka akum aLawi kam uchar ka akum oza.

² Uchar uva ta yar anyám te, á mar uyennunggan. Uza ya ri igwak à na te, à bwam na apye pa shatding.

³ Kang uza ya pa ò kur mbwam na làp kat te, uza yar nya mbandar nro nva ngga nlòk ká amár kang uza bam nsəsəm ka njəng ikáng, te uza nak uyen va ta ka ashishe, à yar gá nak ka ashe oga isəksək ka anung akonkong awang aNilu.

⁴ Ugənanng ayenbak uva ta uchar tal ka atak aro pa gbəngbəng na ô dər pa iza i nəm na yà.

⁵ Uya aFirona uyenchar fər ga ngwòr izər ka awang aNilu, kang ovan ochar ozwal oga nnəm inok á na nnyi te, oza ka nchen ka anung awang aNilu. Uza ya nya mbandar ka ashe isəksək te, á re uzəngtəng ka ashe ovan ochar va ta à ga yar.

⁶ Uya aFirona uva ta bol te, a ya uyenbak ka nyéng ka ashishe. Te à rwa igwak à na uza là pa, <<Uyen uva ta amar oHiburu.>>

⁷ Te ugənanng ayenbak uva ta bəp uya aFirona pa, <<N ga n ram uchar uga nna mbyal uyen ka ashe oHiburu na á ba á nak ishi a bu ka uyen uva ta dak bo?>>

⁸ Uya aFirona man á na pa, <<À, ga.>> Te uza ga wór unang ayen ava ta ba.

⁹ Uya aFirona là uchar uva ta pa, <<Yar uyenbak uva ta ga ká, nak ishi ka na á mi, te mi mwa bu kà.>> Unang ayen yar uyen uva ta ga ká, nak ishi ka na.

¹⁰ Uza nyáng te, unənanɡ ga ka na ũya aFirona uyenchar, uza sat uyiye unungwan. Uya aFirona sok ađin á na pa uMusa, <<Ka kul n yar na ka ashe ndəng.>>

¹¹ Ka nra nva uMusa nyáng unəm te, uza fa ga atak onəm wò. Uza ga ya apir mbək anung va mí nəm ôza. Uza ya unəm oga aMasar ka nnəm unəm wò uHiburu.

¹² Te uza dər atak, uza ya unəm uro ka t te, uza gba unəm oga aMasar va ta, dər na ka ashe ashishiri.

¹³ UMusa fa chit kàđi ka ipin ikpakpak te, uza ya oHiburu pa oparəm ka nlung ikum. Uza là ũvəngva ka mpat pa, <<Sang kang bu nəm ugənanɡ bu yà?>>

¹⁴ Te uza là pa, <<Uda nak bu uponzhi ká unəm uga nnap-akwali á yi yà? U dom pa u gba mi wa nva u gba unəm oga aMasar dō?>> Ta byet te ayər nəm uMusa pa, <<Ya mmá nyi nnap va chit.>>

¹⁵ Ka nvəng nva uFirona fe nnap va ta te, uza mo asal aga ngba uMusa. Te uMusa chər uFirona á ga təm ka mbin aMidiyan ka anung ndəng mbokbok.

¹⁶ Unəm uga mpyal awop oga aMidiyan uwa yà ka ovan ochar pa ofangshat. Oza ba ndyang ndəng na ó yəng oga agulong oza, kakul nna iya nkang apo oza.

¹⁷ Te onəm oga nkpak iya nkang oro ba bək ovan ochar va ta. Te uMusa wong fa ka oza ka awo onəm va ta, dyang ndəng na iya nkang oza.

¹⁸ Te oza le atak apo oza uReyuwel (uwa uYeturo), kang upo oza bəp oza pa, <<Sang kang

o le pa_kəlak nda va_ta_yà?>>

¹⁹ Oza_là ûpo oza_pa, <<Unəm oga aMasar à fa ka_yi ka_awo onəm oga nkpak iyam nkang. Kang uza_dyang ndəng kpá na iyam nkang yi.>>

²⁰ Upo oza_bəp oza_pa, <<Unəm va_ta_ka_che yà? Sang kang o re na ka_ta_yà? O ga o wór na á ba, na uza_á ri iyam-nrì nzəng ká yi.>>

²¹ UMusa mañ təm nzəng ka_oza. Unəm va_ta na uyen wò uZipora á na təm uchəchar.

²² UZipora mar uyennungwan te, uMusa sok ađin á na pa_uGershom, a nyám pa, <<Mmami uđyanəm ká mbin nkak.>>

²³ Kà nvəng izun pa_kyák te, uponzhi oga aMasar kú. Te onəm ólsarila shìn ka_mbək anung inok, oza_yəng ka_nkam i ram nkamshi, ayəng oza_aga nram nkamshi ka_ashe idumdùm á ga chu atak Inan.

²⁴ Inan fe ashìn oza. Te Inan rəng nsar nnap-nlà wò va_ò yar ká uAbəraham, ká uIshaku, ká uYakup á.

²⁵ Te Inan ya ovan oga ólsarila, Inan nyi mbək anung oza_kang à dər oza_ká adər.

3

Inan wór uMusa

¹ Ká nda nro te, uMusa uwa ká nkpak iyam nkang ágwar wò uYeturo unəm uga mpyal awop oga aMidiyan. Uza_ga ká iyam nkang ka_asal awu ntar alum ka_ashe nzam te, uza_ba chu aHorep va mí i wór pa_abam Inan.

² Te uMaleka aYawe fa á na wa aməlam apər ka_ishimshe ikun iyenyen. Uza_dər te, uza_ya apər ká

nsal ka ashe ikun iyenyen va ta, ka nna kpa te, a ri iya iro kat.

³ UMusa la pa, <<Nva ta nnap mpipye, mi song mi ga dat na n der, sang kang aperi ka nri kang ikun pwak kat ya?>>

⁴ Nvangva uYawe ya uMusa ka mba ndat pa o der te, Inan wor na ka ashe ikun va ta pa, <<AMusa, aMusa.>>

UMusa man pa, <<Mmami na ta.>>

⁵ Uza la pa, <<Kang wa ba dat kat, zep akwap aga ashar bu kakul atak va u sat ka ta te, Atak Ayeryer.

⁶ Mmami na Inan okoka bu, Inan aAbraham, Inan aIshaku, ka Inan aYakup.>> Ayer nem uMusa te, a ka asal awu wo na kang o der Inan kat.

⁷ Te uYawe la pa, <<Nnander, n ya idumdum onem mi va ya ka mbin aMasar. N fe ayeng oza chit kakul onem oga nkpak ozwal. N nyi mbek anung oza nyi.

⁸ N vang chit pa n fa ka oza ka ashe awo oga aMasar, ka mbin va ta na n ga ka oza ka ashe mbin nnenan mbalbal nva mbyal ka mmal irizhe i nang ka.* Atak oKanana, ka oHiti, ka oAmori, ka oPerizi ka oHivi, ka oYebusi.

⁹ Der, ayeng aga mbek anung onem oga aIsarila ba chu atak mi chit. N ya apir mbek anung va chit oga aMasar ka nnem oza.

¹⁰ Kakul nva ta te, ga, Mmami ka nre bu ka atak aFirona na u fa ka onem mi oIsarila ka aMasar.>>

* **3:8 3.8** mbin nva mbyal ka mmal irizhe i nang ka ka nnyam pa mbin ndopdop.

¹¹ Te uMusa là Inan pa, <<Mmami uda kang mi ga mpyal aFirona pa n fa ka onəm oga aIsarila ka aMasar yà?>>

¹² Uza là pa, <<Nna mi yà nzəng ka bu. Iyam va ta i nyám pa mmami na n re bu. Nvangva u fa ka oza ka ashe aMasar te, ó wop Inan ka apal abam va ta.>>

¹³ Te uMusa là Inan pa, <<A yà pa n ga ka atak onəm oga aIsarila n là ôza pa, <Inan okəka wo à re mi ka atak wo,> kang oza á bəp mi pa, <Adidin pa uda yà?> Te mi là oza sang yà?>>

¹⁴ Te Inan là uMusa pa, <<Mmami na Mmami.>> Iyam va ta bu là onəm oga aIsarila, <<Mmami>> Mmami na n re bu ka atak wo.

¹⁵ Inan là uMusa kpa pa, <<Iyam va ta bu là onəm oga aIsarila, <UYawe, Inan okəka wo, Inan aAbəraham, ká Inan aIshaku, ká Inan uYakup à re mi ka atak wo.> Adin mi nata, ghar mbyet. Nnà mí rəng ká kà nza nlwàk nggo.

¹⁶ <<Ga, but onəmgbak oga aIsarila là ôza pa, <UYawe, Inan okəka wo, Inan aAbəraham, ká aIshaku, ká uYakup, fa nyám ishi wò á mi kang uza là pa, <<N nak ishi ká wo kang n ya iyam va chit mmá nəm a wo ka aMasar.

¹⁷ N là pa mi fa ká wo ka ashe idumdùm oga aMasar. Mi ga ká kà mbin oKanana, ká oHiti, ká oAmori, ká oPerizi ká oHivi, ká oYebusi, mbin va mbyal ka mmàl irizhe i nang kà.>> >

¹⁸ <<Te oza í gwong achwang ka iyam va mi là. Bu ga nzəng ka onəmgbak oga aIsarila ka atak aponzhi oga aMasar, na o là á na pa, <UYawe, Inan oHiburu, á nyám ishi wò á yi chit. Kakul nva ta te, kusukkusuk, re yi na í ga achen aga nra pa

nshatding ka ashe ñzam na í na nləfər iyam ipápa
ûYawe, Inan yi.>

¹⁹ Ká nnà te, n nyinyi pa uponzhi oga aMasar i
re wo o ga kaṭ, ya mí nak awo ka na kang.

²⁰ Te mi yichi awo, mi lèp aMasar ká nkpaktak
iyam iga ndaktak va mi nəm ka ashishe. Nna chit
te, uza i re wo o ga dak.

²¹ <<Mi nak nchər oIsarila í bàl kà mpyal oga
aMasar, na o wong nfa te, o fa ká awo alakchi kaṭ.

²² Nza uchar nggo i bəp oga iyam isham iga
aazurfa ka azənariya ká ilukwan ka atak ochar
oga aMasar oga mbəp nzhi oza ka oga ashe ñzhi
oza, oga iyam isham va ta na o mwak ôvan wo
onungwan ka ochar. Wa nnà ta o vyat iyam oza
ká.>>

4

NRe aMusa

¹ Te uMusa man uYawe pa, <<A yà pa oIsarila à
na nnandər ká mi kaṭ, á nak ishi ká iyam va mi
là kaṭ, kang oza a là pa, <UYawe nyám ishi wò a
bu kaṭ> dō?>>

² Te uYawe bəp na pa, <<Iza ta ka awo bu yà?>>
UMusa là pa, <<Idari.>>

³ UYawe là á na pa, <<Mandar kà mbin.>>

UMusa mandar idari kà mbin te á wal izwa, te
uza myat fər ka cho.

⁴⁻⁵ UYawe là ûMusa pa, <<Yichi awo bu kpán ká
ka aswal, kakul pa na oza á na nnandər pa uYawe,
Inan okəká oza, Inan aAbərahām, Inan alshaku,
ká Inan àYakup à nyám ishi wò a bu.>> Te uza
yichi awo wò kpán ká te á wal idari ka awuwo.

6 UYawe là ûMusa kàđi pa, <<Pá awo ka ashe abasəm bu.>> Te uza pá awo ka ashe abasəm wò kang à tur fa te, awo yà ká nlak, fèr wa adədal.

7 Te uYawe là pa, <<Le ká awo ka ashe abasəm bu kàđi.>> Te uMusa le ká awo wò kang uza fa ka te, awo le yà wa abo izəzər.

8 Te uYawe là pa, <<Kang a yà pa oza á na nnandər ká bu kať, kang oza nak ishi ká iyam iga ndaktak iga nggəshi kať te, oza í na nnandər ká iga ipəpar.

9 A yà pa oza na nnandər ká iyam iga ndaktak iga iparəm va ta kať kang oza nak ishi ká ichu bu kať te, pá ndəng ka ashe awang aNilu, tar kà mbin, te ndəng va ta i wal nchər.>>

10 Ká nnà te, uMusa là ûYawe pa, <<ÁPonzhinan, mmami ka n yà unəm uga ibaksok, n nyi nnap-nlà kať, kap ká nva ka u yà kà nlà nnap ká mi, ghar ñyangmata.>>

11 Te uYawe bəp na pa, <<Uda nəm anung anəm, kať te uda nəm na i là nnap kať, kať te i fe achwang kať, kať te i ya atak kať, kať te a fufo yà? Mmami na uYawe kať dò?

12 Gá ñyangmata. Mi yà nzəng ká anung bu, mi dyang a bu iyam va bu là.>>

13 Te uMusa là pa, <<Kusukkusuk, áPonzhinan, re unəm ukak á ga.>>

14 Te igwak shì uYawe kà uMusa, uza là pa, <<Ugənang bu uHaruna unəm oLawi sang yà? N nyi pa uza nyi nnap-nlà nyi kang uwa cho kà mba nggwang bu ka asal. Uza i ya bu te igwak i chàng na.

15 Te bu là nnap á na, kang bu nak nnap-nlà ka anung. Mi yà nzəng ká anung bu ká anung kang mi dyang á wó iyam va ó nəm.

16 Uza i là nnap a bu ká onəm, kang uza i yà anung bu, te bu yà wa Inan katətak.

17 Yar idari ata ka awo bu, ká í yà bu nəm iyam iga ndaktak.>>

18 Te uMusa le ga atak agwar wò uYeturo, á là á na pa, <<Kusukkusuk, re mi n le atak onal mi va ka aMasar kakul na n dər mo te oma yà ká iriri nggo.>>

Te uYeter là ũMusa pa, <<Ga ka nnap nnənan.>>

19 Te uYawe là ũMusa ka aMidiyan pa, <<Le ga aMasar kakul nkpaktak onəm va ka yà ká mmwo iriri bu te, oza kú chit.>>

20 Te uMusa yar uchar wò ka ovan wò onunggan nak oza ka apal azhaki, te á kpán asal mbin aMasar. UMusa kpán idari aYawe va ka awo wò.

21 Te uYawe là ũMusa kàđi pa, <<Nvangva u le aMasar te, nkpaktak iyam iga ndaktak va n na ichumchumchumchum ka awo bu, te bu nəm oza ká mpyal aFirona. Ká nnà te, mi nak igugwak i twat, uza i yà ka nre onəm i ga kat.

22 Te bu là ũFirona pa, <Iyam va ta uYawe là, uIsarila uwa uyen mi ununggwan uga nggəshi.

23 Ka n là a bu pa, <<Re uyen mi ununggwan á ga kakul na uza a wop mi,>> te u yang ka nre na pa á ga. Kakul nva ta te, mi ga ngbal uyennunggan bu uga nggəshi.>>

24 Ka apal asal ka atak njul te, uYawe gwang ka na te, á mwo pa o gbal na.

²⁵ Te uZipora yar ikpàl iriri uza pà ache uyen wò ká, kang à dok ashishar ká. Te là á na pa, <<Mmabu ubar mi uga nchër.>>

²⁶ Te uYawe re na. (Nva uza là pa, <<Mmabu ubar uga nchër,>> te uza kà nlà nnap mpà ache va ta.)

²⁷ Te uYawe là ûHaruna pa, <<Ga gwang uMusa ka ashe ñzam.>> Te uza ga gwang na ka abam Inan, uza má njàng á na.

²⁸ Te uMusa là ûHaruna nkpaktak iyam va uYawe re na ká, ká nkpaktak iyam iga ndaktak va uza nak na pa á nèm.

²⁹ Te uMusa ká uHaruna ga but nkpaktak onëmbak oIsarila.

³⁰ UHaruna là nkpaktak iyam va uYawe là ûMusa, te uMusa* nèm oga iyam iga ndaktak va kà mpyal onëm.

³¹ Onëm na nnandër ká. Nvangva oza fe pa uYawe nak ishi ká kang à ya mbæk anung oIsarila chit te, oza kúchi nèm awop.

5

UMusa ká uHaruna ga mpyal aFirona

¹ UMusa ká uHaruna tar atak áFirona kang à là á na pa, <<Iyam va ta uYawe, Inan oIsarila là, <Re onëm mi á ga kakul na oza á nèm awop aga nri ká ngwa á mi ka ashe anyin.> >>

² UFirona na aman pa, <<Uda uYawe va kang mi fe ichèchu mi re uIsarila i ga yà? N nyi uYawe kat, kang mi re uIsarila i ga kat.>>

* **4:30 4.30** uMusa: ká iHiburu nggwan nnap-nlà nva mmá nèm inok ká ka ta te, uza.

³ Te oza là pa, <<Inan oHiburu à gwang ká yi. Kusukkusuk, re yi í nēm achen aga nra pa nshatding ka ashe anyin kakul na i na nləfər iyam ipápà ũYawe, Inan yi, le kang uza a ləp yi ká arwa abángbang kat te ká ndokchi kat.>>

⁴ Te uponzhi uga aMasar là pa, <<ÁMusa ká uHaruna, sang kang o yar nnap nnəm onəm ka atak inok oza yà? Ó le atak inok wo.>>

⁵ UFirona là kpa pa, <<Dər, onəm oga mbin va ta yəl byet, kang ó dǎng oza kà nnəm inok oza.>>

⁶ Ká nda va ta uFirona nak onəm oga nkpak ozwal nzəng ká ogá nak ishi ká inok pa,

⁷ <<Kang o ga mpyal ka nna idùktum iro ónəm va ta kakul nnəm abərki wa nva kà nra va watar lap kat, re oza á ga á mwo kakul ishi oza.

⁸ Ká nna te, nak oza á nəm abərki wa kà nra va watar, kang á yən kat. Kakul oza onəm pwompwom, nna nak kang oza kà nyéng ayéng pa, <Re yi í ga i na nləfər iyam ipápà Inan yi.>

⁹ Kàr oza ká inok imakmak, kakul na á dǎng oza kà nggwong achwang kà oga akwàm va ta.>>

¹⁰ Te onəm oga nkpak ozwal ká oga nnak ishi ká inok ga là ónəm pa, <<Iyam va ta uFirona là, <Mí na idùktum a wo kat.

¹¹ O ga o mwo idùktum ka ishiwo ka atak va o ya kà á, ká nna te, mí yà ká nkəlap inok a wo kat.>>

¹² Te onəm lyangshin ka ashe nkpaktak mbin aMasar i cák idùktum.

¹³ Onəm oga nkpak ozwal sat atak ôza, í là pa, <<O nəm inok wo iga nza nra nggo wa nva mmá ka yà kà nna idùktum a wo á.>>

14 Te onəm oga nkpak ozwal aFirona ném oIsarila oga nak ishi ká inok va oza kyep ka apal oza, bəp pa, <<Sang kang o yél mmák abərki wa nva ka yà ó nəm ká nlam ká nda va ta kaṭ yà?>>

15 Te oIsarila oga nak ishi ká inok ga atak áFirona yéng á na pa, <<Sang kang bu nəm ózwal bu wa nta yà?

16 Mmá kà nna ìdùktum ózwal bu kaṭ, ká nna te, oza là á yi pa, <Ó nəm abərki.> Dər, mmá kà nnəm ózwal bu kakul mpat onəm bu na.>>

17 Te uza là pa, <<Ó pwom paḍi. Nna nak kang o là pa, <Re yi í ga í na nləfər iyaṃ ipápà ũYawe.>

18 Nyangmata, o le, o ga atak inok, mí na ìdùktum a wo kaṭ, ká nnà te, o nəm mmák abərki wa mmatmat.>>

19 OIsarila oga nak ishi ká inok nyi pa mmawó ka ashe ndaktak, nva mmá là óza pa, <<Ó yà ká nnəm mmák abərki va ta i yen aga nza nra nggo kaṭ.>>

20 Nvangva oza fa ka atak áFirona te, oza gwang uMusa ká uHaruna tong kà nlok oza.

21 Oza là ũMusa ká ũHaruna pa, <<Re uYawe á dər wo á nap akwali a wo, nva o nak í tong onəm obángbang kà mpyal àFirona ká ozuzwal. O nak ndokchi ka awo oza pa á gbáng yi.>>

22 Te uMusa le ga atak áYawe là pa, <<Sang kang u na mbək anung ónəm va ta wa nva ta yà, áPonzhinan? Sang kang u re mi yà?

23 Á bàn matmat nva n ga atak áFirona pa n là nnap ká aḍin bu te, uza nəm mbək anung ónəm va ta, kap ká nnà te, nna u fa ká onəm bu chit kaṭ.>>

6

¹ Te uYawe na aman ûMusa pa, <<Nyangmata te, bu ga ñya iyam va mi nəm uFirona. Uza i re oza i ga kakul ikam awo mi, kakul ikam awo mi uza i wa oza i fa ka ashe mbin wò.>>

² Te Inan là ûMusa pa, <<Mmami na uYawe.

³ N nyám ishi mi uAbərahā, ká uIshaku, ká uYakup, wa Inan iChumchum, kang m bol ôza pa adin mi pa uYawe kat.

⁴ N yar nsar nnap-nlà ká oza pa, mi na mbin ngga aKanana ôza, mbin nva oza kà ntəm ka ashishe wa onəmchən.

⁵ Kàdi te, n fe ashin onəm oIsarila chit, nva oga aMasar í nak nkpak oza í nəm inok wa ozwal, kang n rəng ká nsar nnap nla mi chit.

⁶ <<Kakul nva ta te, là ôIsarila pa, <Mmami na uYawe, mi fa ká wo ka atak inok iga nkpak oga aMasar, mi fən wo ka atak nnəm izwal ôza, mi kamshi wo ká awo mi akamkam, ká akwali achumchum.

⁷ Mi kam wó o yà onəm mi, kang mi yà Inan wo. Te o nyi pa Mmami na uYawe, Inan wó, uva fa ká wó ka atak inok iga nkpak oga aMasar.

⁸ Te mi ba ká wó ka ashe mbin va n sɔng anung pa mi na ûAbərahā, ká ûIshaku, ká ûYakup, te mi na á wó i yà njiwó. Mmami na uYawe.> >>

⁹ Te uMusa là iyam va ta ôIsarila, te oza gwong achwang kà na kat. Á rusok izər ôza kakul oza ka ashe inok idəkdek.

¹⁰ Te uYawe là ûMusa pa,

¹¹ <<Ga là uFirona uponzhi oga aMasar á re oIsarila á fa ka ashe mbibin.>>

¹² Te uMusa là kà mpyal àYawe pa, <<A yà pa oIsarila i gwong achwang kà mi kat te, i yar sang kang uFirona i gwong achwang kà mi yà? Nnà mmami unəm uga abələm adəkđək á?>>

¹³ Te uYawe là nnap-nlà ûMusa ká ûHaruna pa, <<O ga o là ûsarila ká ûFirona uponzhi oga aMasar, pa n nak wo chit pa o fa ká oIsarila ka ashe mbin aMasar.>>

Akum ALawi

¹⁴ Onəm oga mpyal akum ijili okəká oza omata.

Ovan aRuben uya aIsarila uga nggəshi, oma uHanok ká uFalu, ká uHezuron ká uKarmi, omata akum aRuben.

¹⁵ Ovan aSimeyon, oma uYemuyel, ká uYamin, ká uOhat, ká uYakan, ká uZohar, ká uShawul uwa unəngang uyen oga aKanana, omata akum aSimeyon.

¹⁶ Adin ovan aLawi omata ká akum oza, oma uGershon, ká uKohat, ká uMerari. ULawi nəm izun igbal pa izəng ká isəm pa ishatding aman pa fangshat.

¹⁷ Ovan aGershon oma, uLibəni ká uShimayi, ka atak akum oza.

¹⁸ Ovan aKohat oma, uAməram, uIzhar, uHebəron, ká uUzayel. UKohat nəm izun igbal pa izəng ká isəm pa ishatding aman pa shatding.

¹⁹ Ovan aMerari oma, uMakli ka uMushi. Akum oLawi nata, mmá dat oza ka akum ka akum.

²⁰ UAməram kam uYokabyet ugəngang apupon, kang uza mar uHaruna ká uMusa

á na. UAməram nəm izun igbəl pə izəng ká isəm pə ishətding amən pə fangshat.

²¹ Ovan aIzhar oma, uKora, ká uNefek, ká uZikri.

²² Ovan aUzayel oma, uMishayel, ká uEləzafan, ká uSitəri.

²³ Te uHaruna kam uElisheba uya aAminadap ugənang aNashon, á mar uNadap, ká uAbihu, ká uEliyaza, ká uItama á na.

²⁴ Ovan áKora oma, uAshir, ká uElkana, ká uAbiyasap, omata akum oKora.

²⁵ Te uEleazar uya áHaruna kam uzəngtəng kə ashe ovan aFutiyel. Uza mar uFinehas á na. Oma onəm oga mpyal onəm aLawi kə atak akum oza.

²⁶ UHaruna ká uMusa, oma uYawe là ôza pə, <<Ó fa ká oIsarila kə ashe mbin aMasar idonkong idonkong.>>

²⁷ UMusa ká uHaruna, oma là nnap ũFirona uponzhi oga aMasar pə, uza á re onəm oIsarila á fa kə ashe mbin aMasar.

UMusa ká uHaruna kə mpyal aFirona

²⁸ Kə nda və uYawe kə là nnap ká uMusa kə ashe mbin aMasar te,

²⁹ uza là á na pə, <<Mmami na uYawe. Là ũFirona uponzhi oga aMasar nkpaktak iyam və mmami kə nləla a bu.>>

³⁰ Te uMusa na amən kə mpyal aYawe pə, <<Mmami unəm uga abələm adəkdek, n nyi nnap-nlə kat, te i yar sang kang uFirona i gwong achwang kə mi yà?>>

7

¹ Te uYawe là ûMusa pa, <<Nak nnap nnəm bu pa dakdak kà nnap va ta. N nak bu chit wa Inan kà mpyal aFirona, kang uHaruna ugənanang bu i yà unəm uga nlà ichu bu.

² Bu là nkpaktak iyam va n là a bu ûHaruna ugənanang bu, kang uza i là ûFirona pa á re oIsarila á fa kà ashe mbin wò.

³ Te mi nak igwak aFirona i twat kakul na n nak oga iyam iga ndaktak mi kà iga nnəm ayər á yà pa kyak kà ashe mbin aMasar.

⁴ Te uFirona i gwong achwang kà wo kat, te mi nak awo mi kà apal aMasar kang mi fa kà nggatək onəm mi oIsarila kà ashe mbin aMasar kà akwali achumchum.

⁵ Te oga aMasar i nyi pa mmami uYawe, nvangva n yichi awo mi kà apal aMasar kang n fa kà oIsarila kà ashe oza.>>

⁶ Te uMusa kà uHaruna nəm dakdak wa nva uYawe là ôza.

⁷ UMusa kà yà uyen uga izun isəm nanne kang uHaruna uyen uga izun isəm nanne aman pa shatding kà ashe nra va oza là nnap kà uFirona.

⁸ Te uYawe là ûMusa kà ûHaruna pa,

⁹ <<Nvangva uFirona á là a wo pa, <Ó nəm iyam iga nnəm ayər á wò,> te là ûHaruna pa, <Yar idari bu mandar kà mpyal áFirona.> Te i wal izwa.>>

¹⁰ Te uMusa kà uHaruna tar atak áFirona nəm dakdak wa nva uYawe nak. Te uHaruna mandar idari wò kà mpyal aFirona kà okparikpari, te á wal izwa.

¹¹ Ká nna te, uFirona wór onəm wò oga ntàn, ká onəm omámmàm oga aMasar, oza nəm ka atak nnap inunggwan oza kpa wa nva oza nəm.

¹² Nza uzəngtəng oza nggo mandar idari wò, te á wal izwa, kang idari aHaruna wur ijo oza mang.

¹³ Káp ká nna te, igwak aFirona ì yà tutwat, uza yang ká nggwong achwang kà oza, wa nva uYawe ka là.

Ndaktak nggəshi, nchər

¹⁴ Te uYawe là ûMusa pa, <<Igwak aFirona tutwat, uza yang ñre onəm pa á ga.

¹⁵ Ga atak aFirona ká ipin ya uza kà nfa ngga anung awang aNilu, sat ka anung akonkong lok na. Yar idari va kà wal izwa ka awo bu.

¹⁶ Là á na pa, <UYawe, Inan oHiburu à re mi pa n là a bu pa, <<Re onəm mi á ga kakul na oza a wop mi ka ashe anyin.>> Kang ghar ñyangmata u yang ká nggwong achwang.

¹⁷ Iyam va ta uYawe là, <<Ka apal nnata bu nyi pa mmami uYawe.>> Mi ngga mpan ndəng aNilu ká idari va ta ka awo mi, kang i wal nchər.

¹⁸ Te igwali iga awang aNilu i kú, aNilu i nəng, ndəng awang aNilu i mat oga aMasar kà ngwa.>>

¹⁹ Te uYawe là ûMusa pa, <<Là ûHaruna pa, <Yar idari bu na ú yichi awo bu ka apal oga ndəng ngga aMasar, ka apal oga awang oza, ka apal oga ngwangsang, ka apal oga apyáp, ka apal oga nshənggət, kakul na oza á wal nchər. Te nchər i yà ka ashe nkpaktak mbin aMasar, ká ashe oga iyam iga nchwong ndəng iga akún ká iga ipang.>>>

²⁰ UMusa ká uHaruna nəm dakdak wa nva uYawe nak. Ūza għap idari pàn ndəng ngga awang aNilu ká kà iwu aFirona ká okparikpari, kang nkpaktak ndəng ngga awang aNilu wal nchər.

²¹ Igwali va ká ashe awang aNilu kú, awang aNilu nnsəng, ndədəng mat oga aMasar kà ngwa. Kang nchər gang ashe mbin aMasar pa lat.

²² Ká nna te, onəm omámmàm oga aMasar nəm ká atak nnap inungwan oza kpa wa nva oza nəm. Te igwak aFirona twat, kang uza fe oza kat, wa nva uYawe ká là.

²³ UFirona gaḃaṇ ga ashe ñzhi wò, kang uza nak ishi ká nkpaktak oga iyam va ta kat na kpa.

²⁴ Nkpaktak oga aMasar bok akonkong awang aNilu pa na o ya ndəng o wá, kakul ndəng ngga awang aNilu mat oza chit kà ngwa.

²⁵ Á yél nra chit pa nfangshat kà nvangva uYawe pàn awang aNilu á.

8

Nđaktak ngga mparəm, mpwakap

¹ Te uYawe là ûMusa pa, <<Ga là ûFirona pa, <UYawe là pa, <<Re onəm mi á ga kakul na oza a wop mi.

² A yà pa bu yang ká ñre oza te, mi ga nre ñre ká oga mpwakap kà nkpaktak aswari mbin bu.

³ Awang aNilu i yél ká mpwakap, kang oza i táng ashe nkəlang iponzhi bu ká ashe ñzhi nra bu, ká apal alyer bu, ká nzhi okpari bu, kang ká apal onəm bu ká oga igəng iga ngwang iyam bu, ká oga asu aga nkál mmák bu.

⁴ Oga mpwakap i kyen a bu ka izər, ká onəm bu, ká nkpaktak okpəri bu.>> > >>

⁵ Te uYawe là ûMusa pa, <<Là ûHaruna pa, <Yichi idari bu ka apal oga awang, ká ng-wangsang, ká oga apyáp na oga mpwakap á fa ka apambin aMasar.> >>

⁶ Te uHaruna yichi awo wò ka apal oga ndəng ngga aMasar, kang oga mpwakap fa dāngchi mbin aMasar.

⁷ Te onəm omámmàm nəm ka atak nnap inung-gwan oza kpa, wa nva oza nəm, oga mpwakap fa ka apambin aMasar.

⁸ Te uFirona wór uMusa ká uHaruna, uza là pa, <<Chal uYawe kakul na uza á wur oga mpwakap á le á mi ká onəm mi, te mi re onəm i ga kakul na oza á na nləfər ûYawe.>>

⁹ Te uMusa là ûFirona pa, <<Yak awalang va u dom pa n chal kakul bu, ká okpəri bu, ká onəm bu, pa mmá yar oga mpwakap á le a bu ká oga nzhi wó, na oza á yà ka ashe awang aNilu na chwat.>>

¹⁰ Te uFirona là pa, <<İpin.>>

Te uMusa là pa, <<I yà wa nva u là á, kakul na u nyi pa, unəm uro yà wa áYawe, Inan yi kat.

¹¹ Uza i wur oga mpwakap i le a bu, ká okpəri bu, ká onəm bu, i re oza ka ashe awang aNilu na chwat.>>

¹² Te uMusa ká uHaruna fa ka atak aFirona, nna chit te, uMusa chal uYawe pa á wur oga mpwakap va uza re ñre ûFirona ká á le.

¹³ Te uYawe nəm wa nva uMusa bəp, kang oga mpwakap ka ashe oga nzhi, ká ashe agəlan, ká ashe ñzam kú.

14 Oga aMasar but mpwakap va ta nchəlóngnchəlóng, kang à nnəng ashe mbin va ta.

15 Te nvaṅva uFirona ya pa oga mpwakap ya lap kaṭ te, uza twat igwak wò, uza gwong achwang kà oza kaṭ, wa nva uYawe là.

Ndaktak ngga nshatding, mməsham

16 Te uYawe là ûMusa pa, <<Là ûHaruna pa, <Yichi idari bu na ú pàn mbwang mbin ká na á wal mməsham ka ashe nkpaktak mbin aMasar.>>>

17 Te oza nəm wa nnà ta, kang nvaṅva uHaruna yichi awo wò pàn mbin ká idari wò, te oga mməsham fa kyen unəmləbər ka izər ká iga iyaṃ nkang. Nkpaktak mbwang mbin ka ashe aMasar gaḅan ya mməsham.

18 Onəm omámmàm đak pa ó fa ká mməsham kpa ka atak nnap inungwan oza, te á maṭ oza. Oga mməsham káp ka izər ánəmləbər ká iyaṃ nkang.

19 Onəm omámmàm là ûFirona pa, <<Ifang Inan ta.>> Kang igwak aFirona i ya á tutwat, te uza gwong achwang kà oza kaṭ, wa nva uYawe kà là.

Ndaktak ngga nneding, ichəngchəng

20 Te uYawe là ûMusa pa, <<Wong ká ibotak na ú sat kà mpyal aFirona kà nfər ngga awang, là á na pa, <Iyaṃ va ta uYawe là, <<Re onəm mi á ga kaḱul na oza a wop mi.

21 Kang a ya pa bu re onəm mi i ga kaṭ, te nyi pa mi ga nre nre ká iga ichəngchəng pa makmak ka apal bu, ká okpari bu, ká onəm bu. Ashe nzhi oga

aMasar yél ká ichèngchèng kang ichèngchèng i dàngchi mbin oza kpa.

²² Kang kà ilum va ta te, mi van mbin aGoshen atak va onəm mi kà ntəm kà. Mí ya ichèngchèng kà ta juwo kaṭ, kaṭul na ú nyi pa mmami na uYawe, n na n ya kà ashe mbin va ta.

²³ Mi nak aswari kà ishimshe onəm mi kà onəm bu. Iyam iga ndaktak va ta i ga nfa ipin.>> >>

²⁴ Te uYawe nəm wa nnà ta, ichèngchèng fa pa makmak yél ashe nzhi iponzhi áFirona ká oga nzhi okparikpari. Te nkpaktak mbin aMasar vyap kaṭul iga ichèngchèng.

²⁵ Te uFirona wór uMusa ká uHaruna là ôza pa, <<O ga o na nləfər Ínan wo kà ashe mbin va ta.>>

²⁶ Te uMusa là pa, <<Ì mmá pa kaṭ. Nləfər iyam ipápà va í ga nnəna ûYawe, Inan yi te, i yà iyam iga nnəm ajan kà atak oga aMasar. A yà pa í na nləfər iyam ipápà iga nnəm ajan va ta oza kà nyəya te, oza i kwan yi ká ipang í kú kaṭ dō?

²⁷ Nkpak pa í nəm achen aga nra pa nshatding kà ashe anyin, na í na nləfər iyam ipápà ûYawe, Inan yi, wa nva uza i là á yi.>>

²⁸ Te uFirona là pa, <<Mi re wo o ga ashe anyin na o na nləfər iyam ipápà ûYawe, Inan wo. Ká nna te, kang o ga á gbàng kaṭ. O chal kaṭul mi.>>

²⁹ Te uMusa là pa, <<Mi fa kà atak bu i gbàng nvaṅg kaṭ te, mi chal uYawe kang ipin te, uza í nak iga ichèngchèng imakmak va ta i lar i le kà atak aFirona, ká okparikpari, ká nkpaktak onənəm. Ká nna te, kang wa tàng yi kàdī wa yang ká nre onəm pa á ga á na nləfər iyam ipápà ûYawe kaṭ.>>

³⁰ Te uMusa fa kà mpyal aFirona te, á chal uYawe,

³¹ te uYawe nəm wa nva uMusa là, kang à nak ichəngchəng vā ta lar kà atak aFirona, ká okparikpari, ká onənəm, kang ichəngchəng iro pā izəng re kəṭ.

³² Ká nna te, uFirona twat igwak wò kàḍi, á yang re onəm ga kəṭ.

9

Ndaktak ngga ntukun, iyam nkang

¹ Te uYawe là ũMusa pā, <<Ga atak aFirona là á na pā, <Iyam va tā uYawe, Inan oHiburu là, <<Re onəm mi á ga kəkul na oza a wop mi.>>

² Kang a yà pā bu ga mpyal ká nkpán oza, bu re oza i ga kəṭ te,

³ uYawe i nak awo wò aga ndaktak ndəkdək kə apal iyam nkang wo vā kə ashe ñzam, kə apal ipəri, azhaki, alakəmi, ína, oga inagàm ká ibəl.

⁴ Ká nna te, uYawe i vān iyam nkang oIsarila kə ashe ijo oga aMasar, kang na iyam nkang oIsarila iro pā izəng á kú kəṭ.> >>

⁵ Te uYawe nak awalang, á là pā, <<Ìpin te, uYawe i ga nnəm iyam ata kə ashe mbin.>>

⁶ Ìpin kpək te, uYawe nəm iyam ata. Nkpaktak iyam nkang oga aMasar kú, nnyi te, iyam nkang oga oIsarila iro kú pā izəng kəṭ.

⁷ Te uFirona re onəm ga sòng kang à ya pā, iyam nkang oga aIsarila iro pā izəng kú kəṭ. Káp ká nna te, igwak àFirona twat, te uza yang ká ñre onəm pā á ga.

Ndaktak ngga nkpakding, nsòmò

⁸ Te uYawe là ûMusa ká uHaruna pa, <<Ó kpak ñchwang ka ashe achër ka awo wà pa súr na uMusa á swang á ga apal kà ìwu aFirona.

⁹ I wal mbwang nnënan ka apal nkpaktak mbin aMasar, kang nsòmò nlóklok i fa ka apal onëm ká iyam nkang ka ashe nkpaktak mbin aMasar.>>

¹⁰ Te oza kpak nchwang ngga ashe achër sat ká kà mpyal aFirona, te uMusa swang á ga apabur, kang nòmò nlóklok fa ónëm ka izër ká oga iyam nkang.

¹¹ Onëm omámmàm chu pa o sat kà mpyal aMusa kat kakul oga nsòmò. Oga nsòmò fa ónëm omámmàm ká nkpaktak onëm oga aMasar.

¹² Ká nnà te, uYawe nak igwak aFirona twat kang uza yang ka nggwong achwang, wa nva uYawe kalà ûMusa.

Ndaktak ngga nfangshat, adədal

¹³ Te uYawe là ûMusa pa, <<Wong ká ibotak ga atak aFirona. Là á na pa, <Iyam va ta uYawe, Inan oHiburu là, <<Re onëm mi á ga kakul na oza a wop mi.

¹⁴ Pá kat te, mi ga nre ñre ka nkpaktak ndaktak mi ka apal ishi bu, ká okpari bu, ká onëm bu. Nnà chit te, bu nyi pa unëm uro yà wa njem lap ka ashe nkpaktak apambin kat.

¹⁵ Wa ñyangmata te, ká n yichi awo mi chit ká ñ ləp bu ká onëm bu ká ndaktak, kang ká n zhì wo chit ka apambin.

¹⁶ Ká nnà te, n re bu ka iriri kakul ipir nnap va ta, pa na ñ nyám ichumchum mi a bu, na mmá shet adin mi ka ashe nkpaktak apambin.

17 Ká nnà te, mmabu kà nnyám nggár ka apal onəm mi, u yang ka ñre oza pa á ga.

18 İpin ká atak wa nta te, mi pèng adədal va nna ka yà chit kat kà ñra va mmá pak aMasar ká á, ya ñyangmata.

19 Kakuł nva ta te, nak mmá ba ká iyaṃ nkang bu ka afo ká nkpaktak iyaṃ va mmabu ká ka ashe ñzam. Nza unəm nggo ká iyaṃ nkang va ka ashe ñzam kang mmá ba ká ka ashe kat te, i ga nkú a yà pa adədal pèng óza á.>> > >>

20 Onəm va ka ashe okpari áFirona va nəm ayər nnap-nlà aYawe te, oza nak ozwal oza ká iga iyaṃ nkang chəng táng afo.

21 Te onəm va gwong achwang kà nnap-nlà aYawe kat te, á re ozwal oza ká iyaṃ nkang oza ka ashe ñzam.

22 Te uYawe là ũMusa pa, <<Yichi awo bu á ga apabur na adədal á pəng kà nkpaktak mbin aMasar, ka apal ánəmləbər ká iyaṃ nkang, ká nkpaktak iyaṃ nsuk ka ashe íram oga aMasar.>>

23 Te uMusa yichi idari wò á ga apabur, te uYawe re ñre ká igbarman ká adədal. UYawe fər ká aməlam kang à pəng adədal kà mbin aMasar.

24 Adədal ká aməlam fər, apipir nnà yà chit ka ashe aMasar kat matmat nva uza ka yà mbin á.

25 Adədal chwan iyaṃ va ka ashe ñzam kà nkpaktak mbin aMasar, á ban kà unəmləbər, ká iyaṃ nkang, ká iyaṃ nsuk, kang à chwan ikún kpa.

26 Mbin aGoshen atak va oIsarila təm kà, nna byet adədal yà kà kat.

27 Te uFirona re ñre kà uMusa ká uHaruna là ôza pa, <<Ka walang ata mmami ká mpat. UYawe uwa unənan, kang mmami ká onəm mi ì pəpat.

28 Chal uYawe, igbarman ká adədal Inan kúr chit. Mi ga ñre wó, ó ga, á mal pa o kali lap kať.>>

29 UMusa là á na pa, <<Mi re ìtong va ta i gbàng nvàng kať, mi għap oga awo mi ũYawe te, igbarman i sat, kang adədal i yà lap kať. Te bu nyi pa apambin nja aYawe.

30 Te n nyinyi pa mmabu ká okpari bu o nəm ayər áYawe, Inan chit kať.>>

31 (Ñyangmata nfət ká ibəshi chwan, ka kul ibəshi yál chit, kang nfət te kà mbal.

32 Izangzəng jote, á vyap kať, ka kul i ya bwop chit kať.)

33 Te uMusa re uFirona fa re ìtong, te uza għap oga awo wò ũYawe te, igbarman ká adədal sat, ivar pəng ka apambin lap kať.

34 Kà nvàngva uFirona ya pa ivar, ká adədal, ká igbarman sat chit, te uza nəm nnap mbágbàng kàdi, uza twat igwak, uza ká okpari wò.

35 Igwak aFirona twat, uza yang ká nre oIsarila pa á ga, dakdak wa nva uYawe ka là ka atak aMusa á.

10

Nđaktak ngga nnanne, mbankum

¹ Te uYawe là ũMusa pa, <<Ga atak aFirona, ka kul n nak igugwak chit twat ká igwak okparik-pari, ka kul na n nyám oga iyam iga ndaktak mi va ta kà ishimshe oza.

² N nəm iyam vạ tạ kạkul na u shet ôvan bu kạ ôkẹka bu nvạ n nəm kạ oga aMasar pạ vyakshin kạ iyam iga ndaktak vạ n nəm kạ ashe oza, na o nyi pạ mmami na uYawe.>>

³ Te uMusa kạ uHaruna ga atak áFirona là á na pạ, <<Iyam vạ tạ uYawe, Inan oHiburu là, <I gbàng wa nsang nna u yang kạ òyen kạ ishi bu á mi yà? Re onəm mi á ga kạkul na oza a wop mi.

⁴ Kang a yà pạ u yang kạ òre onəm mi pạ á ga te, nyi pạ ipin te, mi ga nre òre kạ mbankum kạ mbin bu.

⁵ Oza i dàngchi apambin, unəm uro i ya mbin kạ. Te oza i ri abo iyam vạ re á wó kạ nvàng adədal, kang i ri nkpaktak ikun wó vạ kạ ntép kạ ashe òzam.

⁶ Oza i yəl oga ashe òzhi bu, kạ nkpaktak oga ashe òzhi okpari bu, kạ nkpaktak nzhi oga aMasar. OPo bu kạ okẹka bu oma ya mbankum chit wa nvạ ta kạ kạ ashe nra vạ oza ba ashe apambin kạ, á ba chu nra nvạ tạ.> >> Te uza gạbạn fa re mpyal aFirona.

⁷ Te okpari áFirona bẹp na pạ, <<I gbàng wa nsang ubàng vạ tạ i sat ndaktak á yi yà? Re onəm vạ tạ á ga kạkul pạ na oza a wop uYawe, Inan oza, Nna u nyi chit pạ aMasar agúng kạ dò?>>

⁸ Te mmá le nvàng kạ uMusa kạ uHaruna kạ atak áFirona. UFirona là ôza pạ, <<Ó ga ó wop uYawe Inan wó. Uda kạ uda i ga yà?>>

⁹ UMusa là pạ, <<Í ga nzəng kạ ovannzəm kạ ónəmgbak, kang í ga kạ ovan yi onungwan, kạ ochar, kạ oga iyam nkang kạ ína yi kạkul na i nəm awop aga nchang izər ũYawe.>>

¹⁰ UFirona là pa, <<UYawe á yà nzəng ká wó, a yà pa n re wó o ga nzəng ká ovan wó te, á nyám pa nna ó yà ká nrəng nggha ngga ka ashe wó.

¹¹ Pa kaṭ. O re onungwan má chwát á ga a wop uYawe, kakul iyam va ta ó pak mbəbəp.>> Te mmá bak oza re mpyal áFirona.

¹² Te uYawe là ũMusa pa, <<Yichi awo bu ka apambin aMasar na oga mbankum á fa ká mbin aMasar na á ri nkpaktak iyam nsuk va adədal ka chwan kaṭ.>>

¹³ Te uMusa yichi idari wò ka apambin aMasar, kang uYawe nak nyèr ngga asal awulum apyep ká nkpaktak ilum iga nda va ta ka nkpaktak izwam. Anung ipin ba te, nyèr ngga asal awulum ba ká oga mbankum.

¹⁴ Mbankum ba dāngchi nkpaktak mbin aMasar, á ru ká nkpaktak aswari mbin aMasar. Mmak mbankum ká yà chit pa kaṭ, kang i yà pa lap kaṭ.

¹⁵ Oza dāngchi nkpaktak apambin nva ta kang à nak mbin kpàr, kang oza ri nkpaktak oga iyam nsuk, ká nkpaktak awar ikún va re ká nvəng adədal. Iyam iga ndəng ipəpà iro yà re ka izər ikún, kaṭ te iyam nsuk kaṭ, ká nkpaktak mbin aMasar.

¹⁶ UFirona re nre ká uMusa ká uHaruna pa kəlak, á là pa, <<N nəm nnap mbāngbāng ũYawe, Inan wó, ká wó.

¹⁷ Kakul nva ta te, kusukkusuk, o chal uYawe Inan wó á yar nnap mbāngbāng á mi ka awalang va ta, kakul na uza á yar ikú va ta á le á mi.>>

¹⁸ Te uMusa re uFirona á ga chal uYawe.

19 Te uYawe gaḃaṇ ayér wal nyèr ngga asal awu ntar alum nkamkam pyep kang à wur oga mbankum swang ka ashe Íwá Ísəksək. Ko mbankum nro re pa nzəng kaṭ, ka ashe nkpaktak mbin aMasar.

20 Kang uYawe nak igwak aFirona twat, uza re oIsarila ga kaṭ.

Ndaktak ngga nfangzəngtəng, atak akpárkpàr

21 Te uYawe là ûMusa pa, <<Yichi awo bu á ga apaḃur kaḃul na atak akpárkpàr á zəpchi mbin aMasar, nkpaṛ atak va mí dudok.>>

22 Te uMusa yichi awo wò á ga apaḃur te, atak akpárkpàr aḃĩĩḃĩn á yà kà nkpaktak mbin aMasar, nra pa nshatḃĩng.

23 Ko unəm uro pa uzəng chu ñya uwanwò kaṭ, á nəm nra pa nshatḃĩng oza wong ka atak va oza kà kaṭ. Káp ká nna te, nkpaktak oIsarila ka ashe atak ghanghan ká atak va oza təm kà.

24 Te uFirona wór uMusa là á na pa, <<Ga, wop uYawe. Ovan wó kpa i gəga nzəng ká wó, nnyi te, oga iyam nkang wó ka ína nna byet i re kà nvəng.>>

25 Te uMusa là pa, <<Te bu na nləfər iyam ipápà ká iga nshì pa ḃwot á yi ka awo kpa, na í na ûYawe, Inan yi.

26 Iyam nkang yi i ga nzəng ká yi kpa, ko ifir í re kà nvəng kaṭ. Kaḃul í wur iro ka ashishe na í wop uYawe, Inan yi ká, te nna í nyi iyam va chit í ga ngwop uYawe ká kaṭ, ya í chu ka ta kang.>>

27 Te uYawe nak igwak áFirona twat, uza maṇ pa o re oza á ga kaṭ.

28 UFirona là ûMusa pa, <<Wong fa le á mi ka cho. Kang wa mañ wa ya asal awu mi lap kať. Kaťul ilum va bu ya asal awu mi te, bu kú.>>

29 Te uMusa là pa, <<Wa nva u là. Mi yà ka ñya asal awu bu lap kať.>>

11

Ndaktak ngga ngbapchi, uyen ugəshi

1 UYawe là ûMusa pa, <<Mi ga mba ká ndaktak kàđi pa nzəng ka apal aFirona ká mbin aMasar. Ká nvañg nva ta te, uza i re wó ó ga. Awalang va uza i re wó pa ó ga te, uza i bák wó ó fa ka ta.

2 Ñyangmata nak ka chwang oIsarila là oza pa, onungwan ká ochar á bəp iyam ishām iga aazurfa ká azənariya ka atak oMasar, onəm oga nggbak oza.>>

3 UYawe nak nchər oza bəl ká mpyal oga aMasar. UMusa yà unəm uchumchum ká mbin aMasar ká iwu okpari áFirona ká onəm kpa.

4 Te uMusa là pa, <<Iyam va ta uYawe là, <Ká ishimshe izwam te, mi watar ka ashe mbin aMasar,

5 kang nza uyennungwan nggo amar agəshi ka ashe mbin aMasar i kú. I bən ka apal ayen unungwan ugəshi áFirona, i ga i chu uyen ugəshi àyen uchar uzwal uva ka apal akò, ká nza amar ágəshi nggo aga iyam nkang.

6 Te mí fe ayəng aga adər ká nkpaktak mbin aMasar ava nna mmá ká ya chit kať, kať te pa nna mí ga ñyiya lap kať.

7 Kang ka atak nkpaktak oIsarila te, iva ìro ìswak unəm kať, kať te iyam nkang kať, kaťul na o

nyi pa uYawe nyám nvaṇ chit kà ishimshe oga aMasar ká oIsarila.

⁸ Nkpaktak okpári bu va ta, oza i fěng i kuchi kà mpyal mi, i là pa, <<O fa mmaḅu ká nkpaktak onəm va i yar nvang bu,>> kà nvang nva ta te, mi ga.> >> Te igwak shì uMusa fa re atak áFirona.

⁹ UYawe là ûMusa pa, <<UFirona i yà ká ngg-wong achwang ká wó kaṭ, kakul pa na í nəm oga iyaṁ iga ndaktak ka ashe mbin aMasar.>>

¹⁰ UMusa ká uHaruna nəm nkpaktak oga iyaṁ iga ndaktak va ta kà mpyal áFirona, te uYawe nak igwak áFirona twat, te uza re oIsarila pa á fa ka ashe mbin wò kaṭ.

12

ÌLum nggantál

¹ UYawe là nnap ká ûMusa ká ûHaruna kà mbin aMasar pa,

² <<Apye va ta, i yà apye aga nggəshi á wó ka ashe izun.

³ Là nkpaktak mbut ôIsarila pa, kà nra ngga ngbapchi ka apye va ta te, nza unəm nggo á kpán iya iyaṁ nkang* kakul nza ñzhi nggo.

⁴ Kang a yà pa ashe ñzhi va yəl kur nrì iyaṁ nkang va ta kaṭ te, re uza á kap ka unəm uga ngbak ñzhi wò, ka apal iyəl onəm oga nrì iyaṁ nkang va ta kà nza ñzhi nggo.

⁵ Iyaṁ nkang va ta á yà inunggwán iga izun pa izəng, itam kaṭ te ibəl, iva yà ká mbyèt kaṭ.

* **12:3 12.3** *iya iyaṁ nkang*: Ka iHiburu te, iya itam kaṭ te ibəl.

⁶ O nak ishi a ga chu nra ngga ngbapchi aman pa neding aga apye va ta, te nkpaktak mbut oIsarila i pa iyam nkang va ta ka arurong.

⁷ Te oza i dok nchachar i bap ka oga ndar ngga mparəm ngga oga anung nzhi ka apal oga anung nzhi nva oza i ri ka.

⁸ Oza i ri izhe iwangwàng va ta ka izwam va ta, nzəng ka nzəngkəng ngga nya ka anyer kat ka azang aduldul.

⁹ Kang o ri iro ilulong, kat te ipəkpək ka ndəng kat. Ó wàng ka pər, ishishi ka oga mbwəngbwəng, ka oga iyamfu.

¹⁰ Kang o re iro achu ipin kat. O shi ivəngva le kang atak á tən ka kat.

¹¹ Asa va ta o ri ka. O ran ilukwan wo ka ngbat, akwap wo ka ashar wo, kang idari wo ka awo wo. O ri ka nghan, iyam-nri áYawe iga nggantal.

¹² <<Te mi watar ka ashe mbin aMasar ka izwam va ta, kang mi gbəng nkpaktak amar aga nggəshi ka ashe mbin aMasar, unəmləbər ka iyam nkang, te mi gəl akwali nkpaktak oga inan iga aMasar. Mmami na uYawe.

¹³ Nchər va o bap ka anung oga nzhi te, i ya iyam iga nnyám atak va mmawó ka, a ya pa n ya nchər te, mi gantal wó. Nfaktak ikú i dok wó kat, ka awalang va n ləp aMasar á.

¹⁴ <<Nra va ta i ya iyam iga nrəng ka, te ó nak na i ya nchang izər awop ũYawe ka ashe nkpaktak nlwək wó, o nak ishi ka nnap nnəm va ta ghar mbyet.

¹⁵ Nra pa nfangshat o ri nzəngkəng nva mmá nəm ka anyer kat. Ka apal nra ngga nggəshi te,

o fa ka anyer ka ashe oga nzhi wó, kakul unəm va ari iyam iga anyer á bàn kà nra ngga nggəshi ga chu ngga nfangshat te, mí tutur í fa ka ashe aIsarila.

¹⁶ Mbut nyéryər á yà ka apal nra ngga nggəshi, kang mbut nyéryər í yà kà nra ngga nfangshat. Inok iro yà ó nəm ka ashe oga nra va ta kat, ya nnəm iyam-nrì chwat pa ko udanggo á ri, nna byet o nəm.

¹⁷ <<Ó nəm nchang izər ngga nzəngkəng ngga nyà ká anyer kat, kakul kà ilum iva ta n fa ká nggatək wó ka ashe mbin aMasar. O nak ishi ká nnap nnəm va ta ghar mbyet ka ashe oga nlwək wó.

¹⁸ Ka ashe apye aga nggəshi, á bàn ká arurong aga nra ngga ngbapchi aman pa neding ga chu arurong aga nra ngga isəm pa iparəm aman pa zəng te, o ri nzəngkəng ngga anyer kat.

¹⁹ Kakul nra pa nfangshat mí ya anyer ka ashe oga ízhi wo kat. Unəm va kpaktak í ri iyam va ka anyer te, mí fa ká na ka ashe mbut oIsarila, uďyanəm kat te uyen uga mbin.

²⁰ Iyam va pa káp mmá nəm ka anyer te, a sat nkpak o ri kat, kà nkpaktak atak va o təm kà te, o ri nzəngkəng va yà ka anyer kat á.>>

²¹ Te uMusa wór nkpaktak onəmgbak oga aIsarila là ôza pa, <<O ga, o yak ivan iyam nkang kang ô pà, na nzhi wó á nəm nchang izər ngga nggantal ká.

²² Te o yar izuzul† o pá ka ashe nchər va ka ashe asu, ó bap kà oga ndar ngga mparəm ngga anung

† 12:22 12.22 izuzul: Ka iHiburu te, apir ikun iro iva mí bap iyam ká.

nzhi ká apal anung nzhi ka_nchêr va_ka_ashe asu. Te nkpak kang uro ka_ashe wo á fa ka_anung ñzhi kaṭ atak á tàn kang.

²³ Nvaṅva uYawe i watar pa_ô lèp oMasar, kang i ya_nchêr kà oga ndar ngga mparəm ngga anung nzhi ká apal anung nzhi te, uYawe i gantal anung nzhi va_ta, kang i yà ká ñre unəm uga nzhi atak i tar nzhi wó pa_á lèp wó kaṭ.

²⁴ <<O nak ishi ká nnap nnəm va_ta_kakul ishi wo, ká ovan onunggwan wo ghar mbyet.

²⁵ Nvaṅ nva_o chu mbin va_uYawe i ga nnəna a wo wa nva uza_là te, o ga mpyal ká nnap nnəm va_ta.

²⁶ Awalang ava_ovan wó á bəp wó pa, <Iza_ìpir nnap nnəm va_ta_ka atak wó yà?>

²⁷ te o là ôza pa, <Nləfər iyaṃ ipápà iga nggantal ũYawe, uva gantal oga nzhi oIsarila ká ashe aMasar, nva_uza lèp oga aMasar kang uza_gar oga nzhi yi.> >> Te onəm kúchi nəm awop.

²⁸ Te oIsarila nəm wa nva uYawe nak uMusa ká uHaruna.

²⁹ Ká ishimshe ìzwam te, uYawe lèp nkpak-tak ovan onunggwan oga nggəshi ka_ashe mbin aMasar. Uza_bàn kà uya aFirona ununggwan uga nggəshi uva təm ka_apal itok iponzhi, ghar ga chu uyennunggwan uga nggəshi anəm uga ashe ìkan uva kà nzhi ìkan, ká nkpaktak ivan iyaṃ nkang iga nggəshi.

³⁰ UFirona yendal ka_ìzwam, ká nkpaktak onəm ochumchum wò, ká nkpaktak onəm oga aMasar, kang ayéng náp pa_bóbó ka_ashe mbin aMasar, kakul ko nzhi nro pa_nzəng nva pa_unəm kú kà kaṭ te á yà kaṭ.

31 Te uza wór uMusa ká uHaruna ka ashe ìzwam va ta, á là pa, <<O wong, o fa ka ashe onəm mi, nkpaktak wó ká oIsarila. O ga o wop uYawe, wa nva o chal á.

32 O wur iyam nkang wó, ká ina wó, na ó ga wa nva o chal. O nak nnap nnənan á mi kpa.>>

33 Oga aMasar sat atak onəm oga aIsarila pa, oza á fa pa kəlak á re mbin va ta, oza là pa, <<Nkpaktak yi í ga nkú.>>

34 Te onəm wur mmák mbitbit nva yà ká anyer kat, ká oga asu oza aga nkál mmák, lur oza ka ashe ilukwan, kang à wur ka apal oga agar oza.

35 Te oIsarila nəm wa nva uMusa là, oza bəp ilukwan, ká oga iyam isham iga aazurfa ká azənariya ka atak oga aMasar.

36 Te uYawe nak nchər onəm va ta bàl ka atak oga aMasar, te oza na iyam va óIsarila bəp ká oza. Wa nnà ta oza vyat ndur oga aMasar ká.

37 OIsarila nəm achen ká ashar, á bən ka aRamaset ga chu aSukkot. Ìyèl onungwan ga wa ìkalong ìgbàl pa ìkpəding. Mmá kung ovan ká ochar kat.

38 Idonkong onəm oro pa makmak ga nzəng ká oza, ká nggatək oga iyam nkang ká ina pa makmak.

39 Oza wəng nzəngkəng ká mmák mbibit va oza fa ká ka aMasar, kakul á yà ká anyer kat. Awalang va mmá bak oza fa ka ashe aMasar te, oza kali kat, kang oza nəm iyam-nrì iro kakul ishi oza kat kpa.

40 Ntəm onəm oga aIsarila ka aMasar nəm ìzun ìgbàl pa ìneding ka ìsəm pa ishatding.

⁴¹ Kà nkur ìzun ìgbàl pà ineding ká ìsəm pà ishatding vā ta, ká nda vā ta nkpaktak nggatək onəm áYawe fa ká ashe mbin aMasar.

⁴² Ìzwam vā uYawe pángchí kākul na ó fa ká oza ká ashe mbin áMasar, te nkpaktak oIsarila ra nda ká ìzwam vā ta kət, kākul nna ichumchum ūYawe ká, ká ashe oga n̄lwàk ká n̄lwàk.

⁴³ Te uYawe là ūMusa ká ūHaruna pà, <<Oga nnap nnəm ngga nggantál nata, kang uđyanəm á ri iyam-nrì iga nggantál kət.

⁴⁴ Uzwál vā mmá yiyáp te, uza i riri a yà pà mmá pà ache á na chit á.

⁴⁵ Unəm vā mmá yar ká inok mbwai, ká unəmchən te, oza i ri kət.

⁴⁶ <<Mí ri ká n̄zhi pà n̄zəng. O yà ká ñyar ìzhe iro i fa agbai kət, kang o bəkchi akúkup aro kət.

⁴⁷ Nkpaktak mbut oIsarila í nəm nchang izər vā ta.

⁴⁸ <<A yà pà unəmchən təm n̄zəng ká wó kang á dom nnəm nggantál ūYawe te, re nkpaktak onunggwannungwan á pà ache, nna chit te, uza i nəm nggantál, te uza i yà wa áyen uga mbin. Kang nza unungwan nggo uva pà ache kət te, i ri nggantál kət.

⁴⁹ Nnap nnəm n̄zəngtəng vā ta i yà ká apal áyen uga mbin, ká unəmchən vā təm ká ashe wó.>>

⁵⁰ Te nkpaktak oIsarila nəm dakdak, wa nva uYawe nak ūMusa ká ūHaruna.

⁵¹ Kang ká nda vā ta uYawe fa ká oIsarila ká ashe mbin aMasar idonkong idonkong.

13

Nggar uyennungwan amar aga agəshi

¹ Te uYawe là ûMusa pa,

² <<Gar nkpaktak ovan onunggwan ólsarila amar aga nggəshi á mi, kaikul nza amar afu aga nggəshi anəmləbər, ká iyam nkang te, i jem.>>

³ Te uMusa là ônəm pa, <<O rəng ilum va ta, iva o fa ká ka ashe mbin aMasar, nzhi izwal, kaikul uYawe à fa ká wó ká awo wò akamkam. O rəng, kang o ri iyam iga anyer kať.

⁴ Nda va ta, ka ashe apye aAbip, mmawó kà ngga nfa.

⁵ Awalang va uYawe ba ká wo ka ashe mbin oKanana, ká oHiti, ká oAmori, ká oHivi, ká oYebusi, nva uza sɔng anung ôpo wó pa ò ga nna á wó, mbin va mbyal ká mmàl irizhe i nang ka ashishe, nkpak o nəm nnap nnəm va ta ka ashe apye va ta.

⁶ Nra pa nfangshat o ri nzəngkəng ngga nyà ká anyer kať, kang kà ilum iga ifangshat te, o nəm nchang izər ûYawe.

⁷ O ri nzəngkəng ngga nyà ká anyer kať ka ashe oga nra ngga nfangshat, kang mmá ya iyam iga anyer ka ashe wó ká nkpaktak aswari wó kať.

⁸ Kà nra ngga nfangshat va ta te, o là ipipir ôvan wó pa, <Kaikul iyam va uYawe nəm á yi ká ilum va í fa ká ka ashe aMasar.>

⁹ Re á tal á wó wa iyam iga nnyám ipir nnap ka awo wó kang wa iyam iga nrəng ká kà isu wó, na á nak nnap mpakpak àYawe á yà ka anung wó, kaikul uYawe fa ká wó ka ashe aMasar ká awo akamkam.

¹⁰ O kpak nnap nnəm nva ta ka apal nra va mmá nak, nza izun nggo.>>

¹¹ <<UYawe i ga mba ká wó ka ashe mbin

oKanána, wa nva uza sǒng anung á wó ká ôpo wó.
Awalang va uza i na á wó te,

¹² o na nza amar afu aga nggəshi nggo ûYawe.
Nza amar aga nggəshi iyam nkang inunggwan
nggo te, i ji áYawe.

¹³ Nza amar azhaki aga nggəshi nggo te, kam
ishishi ká iyam nkang, kang a yà pa o kam ishishi
kat te, o bəkchi ishishak. O kamshi nza amar áyen
ununggwan uga nggəshi ánəmləbər nggo.

¹⁴ <<Ka ashe nra ngga mba te, uyen bu i bəp bu
pa, <Iyam va ta ipipir iza yà?> te là á na pa, <Ká
awo akamkam uYawe fa ká yi ka aMasar, nzhi
izwal.

¹⁵ Nvangva uFirona yang ká nkak ishi pa ò re
yi í ga kat te, uYawe gbáng nkpaktak amar aga
nggəshi onunggwan ka ashe mbin aMasar, bən ká
amar aga nggəshi ánəmləbər ká aga nggəshi iyam
nkang. Nna nak kang í pa amar afu aga nggəshi
ûYawe, kang í kamshi nkpaktak ovan onunggwan
yi oga nggəshi.>

¹⁶ Re á tal á wó wa iyam iga nnyám ipir nnap
ka awo wó, kang wa iyam iga nrəng ká ká isu wó,
kakul uYawe fa ká yi ka ashe aMasar ká awo wó
akamkam.>>

Ndáng ilulu ká ndáng apər

¹⁷ Nvangva uFirona re onəm va ta ga te, Inan
wól ká oza ka asal va watar ka ashe mbin oFilitti
kat, káp ká nva nna asal adatdat á. Kakul Inan là
pa, <<A yà pa onəm á ya ikum te, i gaḃan igwak
oza, i le aMasar.>>

18 Te uza wòl ká onəm ka asal aga ashe anyin ava wòl isu Íwá Ìsəksək. Kang oIsarila re aMasar wa nra izər ikum.

19 UMusa wur akup aYusufu ka awo, kakul uYusufu nak oIsarila sòng anung pa, <<Nnandər Inan i kamshi wó, te nkpak pa o wur akup mi ká wo o fa ká ka ta.>>

20 Oza wong ka aSukkot oza ga lèp apak ka aEtam ka a ranchwang nzam.

21 UYawe lèp mpyal óza ka ashe ndáng ilulu ká alum na ó kpak oza ka asal, kang ká ndáng apər ká izwam pa á ghan atak oza kakul na oza á chen achen izwam ká alum.

22 Ndáng ilulu ká alum kà mpyal onəm, kang ndáng apər ká izwam kà mpyal oza.

14

Mpal Íwá Ìsəksək

1 Te uYawe là ûMusa pa,

2 <<Là ônəm oga aIsarila pa, oza a gaḃan oza á lèp apak kà mpyal aFi-hahirok kà ishimshe aMikdol ká iwá, oza á lèp apak á nak ikwoksok ká aBaal Zefon.

3 Te uFirona i rəng pa, <OIsarila kà nráγγang ka ashe mbin, ká nzwar kang n̄zam kuk oza chit.>

4 Te mi nak igwak aFirona i twat, uza i òak nvaṅ wó. Mí rup ká mi ka atak áFirona ká nkpaktak onəm ikukum, te oga aMasar i nyi pa mmami na uYawe.>> Te oIsarila gaḃan pak apak ka ta wa nva uYawe là ôza.

5 Awalang va mmá là ûponzhi oga aMasar pa, oIsarila chəng chit, te nrəng nnap áFirona ká

ókparikpari gaḅan ka apal oza. Oza là pa, <<Iza í nēm ta yà? Nna í re oIsarila ga kang í lang onēm oga nnēm inok á yi á.>>

⁶ Te uFirona gbar akeke ipəri wò kang à wur onēm ikum wò nzəng ka na.

⁷ Uza wur oga akeke ipəri anənan igbaḷ pa ikpaḍing nzəng ká abo akeke ipəri oga aMasar pa kpaktak ká onēm oga mpyal ikum ka apəpal.

⁸ UYawe nak igwak aFirona uponzhi oga aMasar twat, kang uza bák nvəng oIsarila, ova kà nfa nzəng ká nkam igwak.

⁹ Nkpaktak ipəri aFirona ká akeke ipəri ká onēm oga nkwák ipəri, ká onēm ikum oga aMasar bák nvəng oza. Oza bən oIsarila ləp apak ka anung awang kà ngbak aFi-hahirok kà mpyal aBaal Zefon.

¹⁰ Nva uFirona kà mba kang onēm oIsarila wong ká íwu ya oga aMasar kà mba kà oza te, ayər nēm oza pa gənggəng kang oza yəng ũYawe.

¹¹ Te oza là ũMusa pa, <<Kakul pa atak nli onēm yà ka aMasar kat kang u fa ká yi pa na i kú ka ashe anyin dō? Iza u nēm á yi ta, u fa ka yi ka ashe aMasar yà?

¹² Iyam va ta í là a bu ka aMasar pa, <Re yi na í nēm inok oga aMasar> kat dō? Kakul á kapkap á yi pa, í nēm inok oga aMasar ká nva pa, í kú ka ashe anyin.>>

¹³ UMusa là onēm pa, <<Kang ayər a nēm wó kat, ó tong pa kwák na ó dər nkamshi va uYawe i ga mba ká á wó nda va ta. Onēm oga aMasar va ó ya nda va ta te, ó yà ká nya oza lap kat.

14 UYawe i lung ìkum kākul wó. Ó máng pa kwák.>>

15 Te uYawe là ûMusa pa, <<Sang kang bu yéng á mi yà? Là ôIsarila pa oza á yà kà ngga.

16 Mmabu te, ghap idari bu, yichi awo bu ka apal iwá, te i kap na oIsarila á chen kà ishimshe iwá ka apambin ngwomwom.

17 Mmami nnyi te, mi nak igwak oga áMasar i twat, te oza i táng kà nvàng wó, kang mí rup ká mi ka atak áFirona, ká nkpaktak onəm ikukum, ká akeke ipəripəri, ká onəm oga nkwák ipəripəri.

18 Oga aMasar i nnyi pa, mmami na uYawe, nvàngva mí rup ká mi ka atak áFirona, ká akeke ipəripəri, ká onəm oga nkwák ipəripəri.>>

19 UMaleka Inan, va ka yà kà nchen kà mpyal oIsarila le ga asal nsəm oza. Ndáng ilulu le kà mpyal oza ga sat ka asal nsəm oza,

20 kà ishimshe onəm oIsarila ká onəm oga aMasar. Te ilulu va ta na atak akpárkpàr kà ngbak nro kang atak aghanhan kà ngbak nro, kang unəm uro dat ká uwanwò kat, nkpaktak izwam.

21 Te uMusa yichi awo wò ka apal iwá kang uYawe dàn iwá ká nyèr nkamkam ka asal awu alum nkpaktak izwam, te á nak iwá kap re mbin ngwomwom.

22 Kang oIsarila chen kà ishimshe iwá ka apambin ngwomwom, te ndəng nəm akamsəlang ka awo ari ká awo apəram oza.

23 Oga aMasar bàk nvàng oza táng ashe iwá, nkpaktak ipəri áFirona, ká oga akeke ipəripəri, ká onəm oga nkwák ipəripəri.

24 Ká íbotak te, uYawe ka ashe ndáng ngga apər, ká ìlulu, á dər onəm ìkum oga aMasar te, á nak onəm oga aMasar ka ashe nzwar.

25 Te uza ran ashar akeke ipəri oza á nak nchəng mat oza. Oga aMasar là pa, <<Re í chəng ka atak oIsarila kakul uYawe ka nlung ìkum ôza ka apal yi.>>

26 UYawe là ũMusa pa, <<Yichi awo bu ka apal iwá na ndəng á ledok ka apal oga aMasar, ká oga akeke ipəri, ká onəm oga nkwák ipəri.>>

27 UMusa yichi awo wò ka apal iwá kang ká ntàn atak te, iwá le atak nvaṅg wò. Oga aMasar kà nchəng pa o fa te, uYawe gún onəm oga nnəm ìkum ka ashe ndəng.

28 Ndəng le nvaṅg gún akeke ipəri ká onəm oga nkwák ipəri ká nkɸaktak onəm ìkum áFirona, va bàk nvaṅg oIsarila ka ashe iwá. Uro ka ashe oza le pa uzəng kat.

29 OIsarila chen ka apambin ngwomwom kà ishimshe iwá, ndəng nəm akamsəlang ka awo ari ká awo apəram oza.

30 Nda va ta te, uYawe fa ká aIsarila ka awo oga aMasar, kang oIsarila ya oga aMasar kú, ra ka anung iwá.

31 Awalang va oIsarila ya inok ichumchum va uYawe nəm ka apal oga aMasar te, onəm nəm ayər aYawe, kang oza na nnandər ká uYawe kang ká uzuzwal uMusa.

15

Nnap nshì áMusa

¹ Te uMusa ká ovan oga aIsarila shì nnap-nshì
va ta ûYawe pa,

<<Mi shì nnap-nshì ûYawe,
uza kúkúr pa mmá rup ka na.
Ipəri ká onəm oga nkúkwák
uza swang ka ashe iwá.

² UYawe uwa nggwanggwang mi nkamkam,
kang uwa nkamshi iriri mi.
Inan mi yà ta, kang mi shep na,
Inan apo mi, mi rup ka na.

³ UYawe uwa unəm uga nlung ikum,
adidin pa uYawe.

⁴ Akeke ipəri áFirona ká onəm ikukum,
uza swang ka ashe iwá.
Onənəm onənan oga mpyal ikum,
zhì ka ashe Ìwá Ìsəksək.

⁵ Ngbàng iwá gún oza,
oza zhip fa ga ijili wa ipang.

⁶ Awo ari bu, áYawe,
ká ikam ichumchum.
Awo ari bu, áYawe,
dəshin okpa ikum.

⁷ Ka ashe rup ichumchum bu,
u túng okpa ikum bu,
u re nre ká nfəl igwak bu
kang à ri oza wa akùkwa.

⁸ Ka atak mbur n̄yì ngga alúr bu te,
ìgum ndəng wong shàng.
Ndəng nnánngnáng but nchələng,
ngbàng ndəng nók kà ishimshe iwá.

⁹ Ukpa ikum là pa,
<Mi bàk oza, mi kpán oza,

mi wur idur oza,
ká nkpaktak iyam iva n dom.

Mi dapchi ndokchi mi,
kang awo mi nzhi oza.>

¹⁰ Te u bu r nyi bu,
kang iwa gun oza.
Oza zhip wa acham alabar
ka ashe inang iwa.

¹¹ Uda wa nji bu, aYawe, ka ashe oga inan ya?
Uda wa nji bu, ka ichumchum iga iyeryer,
uga nem ayer uva yel ka ashep,
uva i nem iyam iga ndaktak ya?

¹² U yichi awo ari bu,
kang mbin mang oza.

¹³ Ka ashe mman bu ngga nnander
u lep mpyal onem va u fa ka oza,
ka ikam u pangchi oza
ka atak ntam bu ayeryer.

¹⁴ Mbin fe te. Oza tan,
kang ayer kpan oFilitti.

¹⁵ Oponzhi oga aEdom tam ka nlep ichegwak,
ayer kpan onem oga mpyal aMowap,
onem oga aKanana sarak le,

¹⁶ nggam ka nlep ichegwak ru ka apal oza.
Ka atak ichumchum ikam bu
oza sat pa chok wa ipang
onem bu watar kang, aYawe,
onem va u yap watar kang.

¹⁷ U ba ka oza kang u bal oza ka apal abam bu,
aYawe, atak va u nem kakul ntam bu,
anem uga nzhi, Atak Ayeryer va awo bu pak.

¹⁸ UYawe i nem ichumchum mbyet mbyet.>>

Nnap nshì aMiriyaṃ

¹⁹ Awalang va ipəri áFirona, ká akeke ipəri, ká onəm oga nkúwák ipəri táng ashe iwá te, uYawe le nvaṅg ká ndəng iwá gún oza, kang oIsarila chen ká ishimshe iwá ka apambin ngwomwom.

²⁰ Te uMiriyaṃ uchar uga nlà ichu Inan, ugənanṅ aHaruna, yar akəshákkəshák ka awo wò, kang nkpaṭak ochar yar nvəvaṅg ká akəshákkəshák ká ngbap nzaṃ.

²¹ Te uMiriyaṃ shì nnap-nshì óza.
<<Shì nnap-nshì ũYawe,
uza kúkúr pa mmá rup ka na.
Ipəri ká unəm uga nkúkwák
uza swang ka ashe iwá.>>

Ndəng nduful

²² Te uMusa dàp nkpaṅgang oIsarila ka anung Iwá Ìsəksək, oza ga ashe anyin aShur. Oza chen ka ashe anyin nra pa nshatḍing, kang oza ya ndəng kaṭ.

²³ Oza ba aMara* te, ndədəng maṭ oza ká ngwa kakul á duful.

²⁴ Te onəm lwang nnap ka apal áMusa, i là pa, <<Iza í wá yà?>>

²⁵ Te uza yəng ũYawe kang uYawe nyám ikun iro á na. Uza kakchi mandar ka ashe ndəng te, ndəng chàng.

UYawe nak nnap nnəm óza, kang uza ma oza ka ta.

²⁶ Te uza là pa, <<A yà pa o gwong achwang pa dakdak ká ichu aYawe Inan wó, kang o nəm

* 15:23 15.23 aMara ipir aMara ká iHiburu na ta pa "ndul"

iyam va inenan ka mpipyal, o nak achwang ka oga nnap mpakpakpak, o kpak nkpaktak oga ndidyang te, mi ya ka nlèp wó ka arwa va ka n lèp oga aMasar ka kat. Kakul mmami uYawe uva tan wó.>>

²⁷ Te oza ba aElim, atak va oga acé aga mbèl ndəng ka, pa gbapchi aman pa parəm, ka oga ikún akulom isəm pa ifangshat, kang oza lèp apak ka ta ka anung ndəng.

16

¹ Nkpaktak mbut oIsarila re aElim oza ba ñzam aSin va ka ishimshe aElèp ka aSinayi, ka nra ngga ngbapchi aman pa tukun ka apye aga parəm ka nvaŋva oza re mbin aMasar.

² Nkpaktak mbut oIsarila lwang nnap ka apal áMusa ka uHaruna ka ashe ñzam.

³ AIsarila là óza pa, <<Kàpkàp ka í kú ka awo áYawe ka mbin aMasar, ka nra nva í təm ka anung ngbət izhe kang í ri iyam-nrì kúr yi, kang o ba ka yi ka ashe ñzam va ta na nkpaktak mbut va ta á kú ka ayang.>>

⁴ Te uYawe là ûMusa pa, <<Mi ga npəng nzəngkəng a wo ka pabubur, onəm i fa nza ilum nggo kang i wur i kúr oza nda va ta. Ka asal va ta mi mmá oza mwote oza i kpak nnap mpakpak mi kat te i kpak kat nggo.

⁵ Ka apal nra ngga nkpađing, nva oza i damshi iyam va oza i ba ka te, i mak i ya nvaŋ pa mparəm wa nva oza mà wur ka oga ilum.>>

⁶ Te uMusa ká uHaruna là nkpaktak oIsarila pa, <<Ká arurong te ó nyi pa uYawe àfa ká wo ká ashe mbin aMasar.

⁷ Ká ipin te ó ya izhàn àYawe kakul uza fe nlwang nnap wo chit ká apal áYawe. Kakul mmayi oda kang o lwang nnap ká apal ishi yi yà? >>

⁸ UMusa là pa, <<UYawe i na izhe pa o ri ká arurong ká nzèngkèng ká ipin pa na ákur wo kakul uYawe fe nlwang nnap va chit o lwang ká apal ishishi. Mmayi oda yà? Nlwang nnap wo ká apal yi kat ká apal áYawe.>>

⁹ Te uMusa là uHaruna pa, <<Là nkpaktak oIsarila pa <O ba datkulung ká mpyal àYawe, kakul uza fe nlwang nnap wo chit.> >>

¹⁰ Nva uHaruna là nnap ká nkpaktak mbut oIsarila te, oza gaḃan dər isu ñzam, kang oza ya izhàn àYawe fa ká ashe ilulu.

¹¹ UYawe là nnap ká Musa pa,

¹² <<N fe nlwang nnap oIsarila chit. Là óza pá <Ká anungrurong te ó ri izhe, kang ká ipin te ó ri nzèngkèng i kúr wo. Te ó nyi pa mmami uYawe, Inan wo.> >>

¹³ Ká arurong te, irèkpam wong gún apak, kang ká ipin te imimyang ra gáng apak.

¹⁴ Imimyang wong ká apal ñzam ngwomwom te mmá ya iyaḃ ro wa nzèngkèng ndátdàt ká apambin.

¹⁵ Nvaḃva oIsarila ya te, oza ḃep owan oza pa, <<Iza ta yà?>> Kakul oza nyi iyaḃ ata kat.

UMusa là óza pa <<Nzènkèng va uYawe na pa o ri.

16 Iyām va ta uYawe là, <Nza uzəngtəng wo nggo a but á mal ká ñri wò. Yél ikpáng* à nza uzəngtəng nggo ka atak iyèl onəm oga ashe aghəghal.> >>

17 Te oIsarila nəm wa nnà ta. Oro but pa makmak oro but pa dap.

18 Nva mmá ka ikpáng iga mmáyam te, ka udánggo but kúr anung ñri oza. Onəm va but pa makmak te, á mak ji nkàm oza kat, kang onəm va but pa dap te áyen oza kat.

19 UMusa là óza pa, <<Kang unəm uro are ipin akpak kà kat.>>

20 Te oza gwong achwang kà uMusa kat, oro re abubo ipin fa kpak kà, kang áru izur anəng. Te igwak lak uMusa kà oza.

21 Nza ipin nggo oza but. Ko udánggo ka anung ñriri, alum sur te ásərak.

22 Kà nra ngga nkpađing te oza but nzəngkəng ikpáng iga mmáyam pa iparəm kakul á nza unəm nggo. Nkpaktak mbut onəm oga mpyal ga là ũMusa.

23 Uza là óza pa, <<Iyām va ta uYawe là, <Ipin ikpakpkak te ilum njul, aSati ayéryər ũYawe. Ndata te o wəng iyām va o wəng, o pék iyām va o pék, kang abo iyām va le te o re íshiwo kakul ipin.> >>

24 Oza nak abubo chu ipin ikpakpkak wa nva uMusa là, te anəng kat kang izur yà ka ashishe kat.

* **16:16 16.16** Ikpáng va ka yà mí mma aMana ká te mí wór pa <<Omer>> ká iHiburu.

25 Te uMusa là pa_ <<O ri abufo ata ndata, kakul ndata aSati uYawe. O ya iyam ka_ ashe nizam kat_.

26 Ka_ ashe nra pa_ nkpađing ó but, kang ka_ nra ngga ñfangshat, aSati, iyam iro i ya kat_.>>

27 Ká nna te, ka_ nra ngga nfangshat onəm oro fa ga pa_ na o but, kang oza_ ya iyam kat_.

28 Te uYawe là uMusa pa, <<Igbàng wa nsang o yang ká_ nkpak nnap mpakpak mi ká_ oga ndyang mi yà?

29 O dər, uYawe na ilum aSati a wo chit, kakul nva_ ta te uza_ i na nzəngkəngg a wo kakul nra pa_ mparəm ka_ nra ngga nkpađing. Ko udánggo átəm ka_ atak va uza_ ká, kang unəm uro áre atak wò ka_ ilum iga ifangshat kat_.>>

30 Te onəm jul ka_ ilum iga ifangshat.

31 Nzhi àlsarila na adin iyam va_ ta pa_ amá na. Áfa izər ká_ nzəngkəng kang à chàng na mmá nəm ká_ izhin iləfər ká_ mmàl irizhe.

32 UMusa là pa, <<Iyam va ta_ uYawe là, <Yəl ikpáng ká_ aMana na mmá gor kakul oga nlwàk wo, na oza_ á ya nzəngkəng va_ n ri ká_ wo ká_ ka_ ashe nizam nva_ n fa ká_ wo ká_ mbin aMasar.> >>

33 Te uMusa là uHaruna pa, <<Yar idyeri nak ikpáng amá na pa_ izəng ka_ ashishe. Te gor ka_ mpyal àYawe kakul oga nlwàk wo.>>

34 Wa nva uYawe nak uMusa te, uHaruna nak ká_ mpyal akwati aga nsar nnap-nlà kakul na mmá gòr.

35 Olsarila ri amá na izun isəm neding, har oza_ ba chu mbin va_ oza_ i təm ká. Oza_ ri amá na har oza_ ba chu aswari mbin aKanana.

³⁶ (Ikpáng iga mmá iyam pa izəng mí wór ká iHiburu pa, <<Omer>> nna uzəng ka ashe agbapchi ka ashe nkatəp†.)

17

¹ Nkpaktak mbut oIsarila re n̄zam aSin, oza nəm achen ka apal nlà àYawe ága ləp apak ka aRefidəm, ka ta te ndəng yà ónəm pa áwá kat.

² Te onəm kyep nnap-nlā úMusa pa, <<Na ndəng á yi na í wá.>> UMusa là óza pa, <<Sang kang o kyep nnap á mi yà? Sang kang ó mmá uYawe yà?>>

³ Ndəng gbál onəm ka ta, te ónəm lwang nnap ka apal áMusa, oza là pa, <<Sang kang u fa ká yi ka ashe aMasar pa ú gbáng yi ká ovan yi ká iyam nkang yi, ká ndəng gbál yà?>>

⁴ Te uMusa yéng ûYawe pa, <<Iza mi nəm ká onəm va ta yà? I gbàng kat te oza i kwan mi ká ipáng>>

⁵ UYawe là ûMusa pa, <<Watar mpyal ónəm va ta te wur onəmgbak oIsarila oro nzəng ká bu. Yar idari va u pàn aNilu ká ka awo na ú ga.

⁶ Mi ga nsat ka ta ká mpyal bu ka apal ipáng ka aHorep, te bu pàn ipáng va ta kang ndəng i fa ka ashishe te onəm i wá.>> Te ûMusa nəm iyam va ta ká iwú onəmgbak oga aIsarila.

⁷ Uza wór atak ata pa aMasak ká aMeriba, kakul oIsarila kyep nnap, kang oza ma uYawe, i là pa, <<UYawe uwa yà ka ashe yi dō, kat te yà kat?>>

⁸ OAmalek ba ru oIsarila ká ikum ka aRefidəm.

† 16:36 16.36 Mí wór ká iHiburu pa <<ephah.>>

⁹ UMusa là uJoshuwa pa, <<Yak onungwan ayi, na o ga o lung oAmalek. Ìpin te mi ga nsat ka apal aduktum ká idari Inan ka awo mi.>>

¹⁰ Te uJoshuwa nəm wa nva uMusa là á na, uza lung oAmalek. UMusa, uHaruna ká uHur nnyi te kyen itəngtəng aduktum.

¹¹ Nvangva uMusa i għap awo wò ka apal te uIsarila i nəm igwan, nvangva uza i jul awo wò te uAmalek i nəm igwan.

¹² Kà nvangva awo wom uMusa te oza yar ipang nak á na kang uza təm ka apəpal. Te uHaruna ká uHur təp awuwo, uro ká ngbak nro kang uro ká nro te awuwo sat pa kwák har alum ga tar.

¹³ Te uJoshuwa ri uAmalek ká onənəm ká ndokchi.

¹⁴ Te uYawe là ûMusa pa, <<Lir iyam va ta ka apal awá na átəm iyam iga nrəng ká, te kung úJoshuwa, kakul mi dəkən nrəng ká oAmalek pa chatchat kavəng apabur.

¹⁵ Te uMusa me atak nshì iyam awop kang à wór adidin pa <UYawe Nissi*,>

¹⁶ te uza là pa, <Għap atani† aYawe ka apal.> UYawe i ga nlung oAmalek nlwàk ka apal nlwàk.>>

18

¹ UYeturo unəm uga mpyal awop oga aMidiyan, ugwar aMusa fe nkpaktak iyam va Inan nəm úMusa ká onəm wò oIsarila, ká asal va uYawe fa ka oIsarila ka ashe aMasar.

* **17:15 17.15** UYawe uwa atani mi † **17:16 17.16** Ipipir fa ká iHiburu pa càk kat

² Nvangva uMusa nak uchar wò uZipora ga te uYeturo ugugwar kam na

³ nzəng ká ovəvan pa oparəm. (Adin áyen ugəshi pa uGershom, kakul uza là pa, <<Mmami uďyanəm kà mbin nkak>>),

⁴ Kang adin áyen uga uparəm pa uEliyezer, kakul uza là pa, <<Inan àpomi kamshi mi chit ka atak ndokchi aFirona>>).

⁵ Te uYeturo nzəng ká uchar aMusa ká ovəvan ba atak aMusa ka ashe ñzam ka atak va uza ləp apak kà ka abam Inan.

⁶ Uza nak ñre ûMusa, <<Mmami uYeturo ugwar bu kà mba atak bu ká uchar bu ká ovəvan pa oparəm.>>

⁷ UMusa fa ga nggwang ugwar wò, te uza vāng ká izər kang uza má ñjang á na. Oza bəp ikángkáng owan oza te táng aghal.

⁸ UMusa shal úgwar wo ñchatchat iyam va uYawe nəm ûFirona ká oga aMasar kakul oIsarila, ká nkpektak nbəknung va ya oza ka asal, ká asal va uYawe fa ká oza.

⁹ UYeturo lan kakul nkpektak iyam inənan va uYawe nəm oIsarila nva uza fa ká oza ka awo oga aMasar.

¹⁰ UYeturo là pa, <<Nnap nnənan təm nja aYawe. Uza va fa ká wo ka awo oga aMasar ká awo áFirona, kang àfa ká onəm ka atak ikam oga aMasar.

¹¹ Ñyangmata n nyi chit pa uYawe rup ji nkpektak inan ji, kakul ñva uza fa ká onəm wò ka atak onəm va nəm nkak ishi óza.>>

¹² UYeturo ugwar aMusa ba ká nləfər iyam ipápà ká iga nshì pa dwot Inan. Te uHaruna ba ká

nkpaktak onəmgbak oga aIsarila na o ri iyamnri ká ugwar àMusa ká mpyal Inan.

¹³ Ìpin fa kpaḱ te uMusa tēm pa na ó kat akwali ónəm, kang onəm tong gáng uMusa ábàn ká ìpin har arurong.

¹⁴ Kà nvangva ugwar aMusa ya nkpaktak iyam va uza kà nnənəm ónəm te, uza là pa, <<Nza iyam ta bu nəm ónəm yà? Sang mmabu ká nkukwa kà ntəm kang nkpaktak onəm tong gáng bu ábàn ká ìpin har arurong yà?>>

¹⁵ UMusa là úgwar wò pa, <<Kaḱul onəm ba atak mi pa ní bəp Inan.

¹⁶ A yà pa oza a yà ká ndaktak te oza á ba atak mi, te mi kat ishimshe anəm ká ùwangwò, kang mi dyang nnap nnəm Inan óza ká ndidyang.>>

¹⁷ Ugwar aMusa là á na pa, <<Iyam va mmabu kà nnənəm te abyen kaṭ.

¹⁸ Bu bəshì, mmabu ká onəm va nzəng kábu ta, kaḱul iyam ata ji nkàm bu ji. U kúr nnənəm ká nkukwa bu kaṭ.

¹⁹ Gong achwang kà ichu mi ñyangmata, mi na ichən a bu, te re Inan á yà nzəng ká bu. Bu yà unəmsal onəm ká mpyal Inan, kang bu ga ká oga ndaktak oza Inan.

²⁰ Dyáng nnap mpakpakpakpak ká ndidyang ôza, kang bù nyám ôza asal va oza i tēm ká iyam va oza i nəm.

²¹ Te yak ka ashe nkpaktak onəm, onəm va kúkúr, oga nnəm ayər Inan, onəm oga nnandər, ova i yà ká ajan nkam iyam iga mmulam anung. Te kyep ka apal oza onəm ochumchum oga íkalong, onəm ochumchum oga ìgbál, onəm

ochumchum oga isəm pa itukun, onəm ochumchum oga ngbapchi

²² Oza i kat akwali ónəm nza awalàng nggo. Nkpaktak nnap-nlà nchumchum te oza i ba ká a bu, kang nkpaktak nnap-nlà nkəlapkəlap te oza á kat ká ishi oza. Ná ákəlap a bu te oza i yar a bu kà.

²³ A yà pa u nəm iyam va ta wa nva Inan nak bu, te bu ya nkám igwak kang nkpaktak onəm va ta kpa i ga òzhi ká ikángkáng.>>

²⁴ UMusa gwong achwang kà ichu agwar wò kang à nəm nkpaktak iyam va uza là.

²⁵ Te uMusa yak onəm va kúkúr ka ashe nkpaktak álsarila kang uza nak oza onəm oga mpyal ka apal onəm, onəm ochumchum oga íkalong, onəm ochumchum oga igbál, onəm ochumchum oga isəm pa itukun, onəm ochumchum oga ngbapchi.

²⁶ Oza i kat akwali ónəm nza awalàng nggo, nnap-nlà ndəkdək te oza ga ká ka atak áMusa kang nnap-nlà nkəlapkəlap te oza kat.

²⁷ Te uMusa re ùgwar wò, te uYetro kpán asal ga mbin wò.

19

¹ Ka ashe apye aga shatding kà nvəngva oIsarila re mbin aMasar, ká nda va ta oza táng òzam aSinayi.

² Kà nvəngva oza re aRefidəm te, oza táng òzam aSinayi kang oza ləp apak ka ashe òzam, te oIsarila ləp apak ka ta kà mpyal abàm.

³ UMusa kyen ba ga atak Inan, te uYawe wór na ka ashe abàm là pa, <<Iyam va ta bu là òzhi àYakup, kang bu là oIsarila.

⁴ <O yəya ká ishi wo iyam va n nəm oga aMasar, ká asal va n wur wo ká wa nva nkumànggáp i wur ovan wò ka apal abasəm kang n ba ká ka atak mi.

⁵ Kakul nva ta te, a yà pa o gwong achwang kà ichu mi pa dakdak kang ó kpak nsar nnap nla mi te, o yà iyam mi iga anung anì ka ashe nkpaktak onəm, kakul nkpaktak apambin njem.

⁶ Te o yà iponzhi onəm oga nshì iyam awop á mi, akum ayéryər.> Oga nnap-nlà va ta bu là oIsarila.>>

⁷ Te uMusa ga wór onəmgbak onəm, uza là nkpaktak oga nnap-nlà va ta kà mpyal oza wa nva uYawe nak na.

⁸ Te nkpaktak onəm man ka anung zəngtəng oza là pa, <<Nkpaktak iyam va uYawe là te í nənəm.>> Te uMusa le ká nnap-nlà onəm uYawe.

⁹ UYawe là úMusa pa, <<Dər, mi ga mba atak bu ka ashe ilulu idindin, na onəm áfe awalang va mi là nnap ká bu te pa dəkər oza i na nnandər ká bu.>> Nvəngva uMusa là uYawe nnap-nlà va onəm là,

¹⁰ te uYawe là ūMusa pa, <<Ga atak onəm na ú gor oza nda ta, kang ipín te oza i nàl ilukwan oza,

¹¹ te oza á gbar izər kà nra ngga nshatding, kakul kà nra ngga nshatding te uYawe i fər ka apal abam aSinayi kà iwu nkpaktak onəm.

¹² Nak aswari á gáng pa kpaktak kakul onəm, là pa, <Ó nəm dakdak kang o kyen oga apal abam, kaṭ te o dok ijilijili kaṭ. Ko udánggo va døk abàm te uza i kú ikúkú.

¹³ Awo i døk na kaṭ, kaḍor nva ta te mí kwan na kaṭ te mí tat, ka iyam nkang kaṭ te unəmləbər

i lár kaṭ.> Awalàng va agbèshi ìtam i nap pa gbángbáng te, oza i kyen i ga akum abàm.>>

14 Te uMusa fèr vàng ka apal abàm ka atak onəm kang àgor oza, te oza nàl ìlukwán oza.

15 Uza là onəm pa, <<Ó gbar izèr kakul nra pa nshatding, kang o dat ká ochar kaṭ.>>

16 Kà nra ngga nshatding ka ipín te igbarman lép ká ammélám, ká ìlulu idèkdèk ka apal abàm, ká nnap agbèshi pa gbángbáng, kang nkpaktak onəm va ka ashe apak tán.

17 Te uMusa fa ká onəm ka ashe apak na oza agwang ká Inan, te oza tong ka akum abàm.

18 UYawe vàng ka ashe apèr ka apal abàm aSinayi te nggu gún nkpaktak apəpal. Nggugu wong apal wa nggu ngga achèr ala acham, te nkpaktak abàm tán pa gənggəng.

19 Agbèshi ga mpyal ká nnap pa gbángbáng te, uMusa là nnap kang Inan man á na ká ichu.

20 Te uYawe fèr ka apal abàm aSinayi, kà itəngtəng abàm, kang uYawe wór uMusa kà itəngtəng abàm, te uMusa kyen.

21 UYawe là uMusa pa, <<Fèr gá na ú won onəm kang oza a pang aba pa o dər uYawe kaṭ, le kang mmákmak oza atək.

22 Onəm oga mpyal awop kpa, oma i ba datku-lung ká uYawe te, nkpak pa oza ágor ishi oza le kang uza anyám mmən ikum wò ka apal oza.>>

23 Te uMusa là uYawe pa, <<Onəm i yà ká nkyen abàm aSinayi kaṭ, kakul u won yi pa, <Nak aswari ka abàm na ú gor na.> >>

24 Te uYawe là á na pa, <<Fèr gá na ú kyen ú ba ká uHaruna. Kang onəm oga nshi iyam awop

ká onəm a pang aba atak aYawe kat, le kang uza anyám mmən ikum wò ka apal oza.>>

²⁵ Te uMusa fér ga atak onəm là nnap óza.

20

Oga Nnap mpakpak ngga Mgbapchi

¹ Te Inan là nkpaktak oga nnap-nlà va ta.

² <<Mmami na uYawe, Inan bu va fa ká bu ka ashe mbin aMasar, ká nzhi izwal.>>

³ <<Bu yà ká ìnan iro watar mi kat.

⁴ <<Bu yà ká nnəm ìchər iro kakul ishi bu, mwote iga nfa izər ká iyam iro ka ashe apabur ka apal, kat te iva ka apambin kayəng, kat te iva ka ashe ndəng kayəng kat.

⁵ Bu yà ká nkúchi óza kat, kat te bu wop oza, kakul mmami uYawe Inan bu, mmami Inan iga ikpar. Mi pyát mpat opon va yang mi ka apal ovan ka okəká, ka okəká oga ntəmbərəng.

⁶ Nnyi te, mi nyám mman ngga nnandər oga nlwək ìkalong ova man mi kang ká npak nnap mpakpak mi.

⁷ <<Bu yà ká òwór adin áYawe, Inan bu ka anungmwang kat, kakul uYawe i yà ká òre nyám ntàn úka udànggo va wór adidin ka anungmwang kat.

⁸ <<Rəng ká ilum aSati, gor na.

⁹ Bu nəm inok ka apal nra pa npađing te bu nəm nkpaktak inok bu.

¹⁰ Nra ngga nfangshat aSati uYawe, Inan bu. Npkak bu yà ká nnəm inok iro kat, mmaɓu, uyen bu unungwan, kat te uyenchar, uzwal bu

ununggwān, kaṭ te uchar, iyaṃ nkang bu, kaṭ te uḍyanəm va ka anung nkəlang bu.

¹¹ Kaḱul ka ashe nra pa nkpaḍing uYawe nəm apa bubur ká apambin, iwá ká nkpaṭak iyaṃ va ka ashe oza, te uza jul ka apal ilum iga ifangshat. Kaḱul nva ta te uYawe nak nnap nnənan ilum aSati kang uza gor na ya inənan.

¹² <<Ná ichumchum úpo bu ká unang bu na ú ya ká nra nṅanggang ka apambin va uYawe, Inan bu kà nna a bu.

¹³ <<Bu ya ká nṅbál únəm kaṭ.

¹⁴ <<Bu ya ká nra uchar anəm kaṭ.

¹⁵ <<Bu ya ká nnəm ayi kaṭ.

¹⁶ <<Bu ya ká nshet nnap ngga akwam ka apal áwan bu kaṭ.

¹⁷ <<Bu ya ká nnəm ikpar nṅhi áwanbu kaṭ. Bu ya ká nnəm ikpar achar áwanbu kaṭ, kaṭ te úzuzwal ununggwān kaṭ te uchar, inəna kaṭ te azhaki, kaṭ te ka iza nggo iya ija áwanbu.>>

¹⁸ Nkpaktak onəm ya aməlam ká igbarman, nnáp agbəshi, kang abəm kà ndung nggu. Nvəngva onəm ya te, oza tán kang oza tong ndàchi.

¹⁹ Te oza là ũMusa pa, <<Là nnap ayi, te í gwong achwang. Kang wa re Inan á là nnap ayi kaṭ, kaṭ te í kú.>>

²⁰ ũMusa là onəm pa, <<Kang ayər a nəm wo kaṭ, kaḱul Inan vāng pa na ô ma wo, na ayəyər á ya ka apal wo kaḱul na kang o nəm nnap mbāngbaṅ kaṭ.>>

²¹ Te onəm tong ndàchi kang ũMusa ga dat ká atak akpárkpār va Inan kà.

²² Te uYawe là ûMusa pa, <<Iyam va tabu là oIsarila, <O ya chit káishi wo pan là nnap káwo kaapabur.

²³ Kang o nəm oga inan iga aazurfa a ban kámi kat, kat te o nəm inan iga azənariya íshi wo kat.>
>>

²⁴ << <Bu me atak nshì iyam awop á mi aga amyè, te bu pa nɛfər iyam inana bu iga nshì pa ɔwot ká iyam inana iga ntəm ikánkáng, ítam bu ká ína bu kaapəpal. Kà nkpatak atak va n nak pa mmá rəng ká adín mi, mi ba atak bu kang mi nak nnap nnənan a bu.

²⁵ A yà pabu me atak nshì iyam awop á mi ká ipáng te, kang wa me ká ipáng ikpákpà kat kakul bu gaban idangsal kaapəpal te, bu vyap na.

²⁶ Kang wa kyen atak nshì iyam awop mi kaasal akyenkyen kat, le kang mmá ya imaləng bu.>
>>

21

¹ <<Oga nnap-akwali va tabu nak kà mpyal oza.>>

² <<A yà pau yáp uzwal uHiburu te, uzai nəm inok izun pa ikpading, kang kà izun iga ifangshat te uzai fa unəm ufənfən nzəng ká amwa kat.

³ Kang a yà pauza ba ká nkukwa te uzai ga ká nkukwa, a yà pauza ba ká uchar te uchəchar i ga nzəng kana.

⁴ A yà pa unəm uga nzhizhi na uchar á na kang uza mar ovan onungwan kat te ovan ochar á na te, uchar va ta ká ovan wò i yà oja anəm uga nzhizhi, te unəm va ta i ga ká nkukwa.

⁵ Kang a yà pà uzwal va ta là pà, <N man unəm uga nzhì mi man, ká uchar mi ká ovan mi, n dom pà ñ ga wa anəm ufənfən kaṭ,>

⁶ te unəm uga ñzhizhi i ba ká na ka atak Inan*. Uza i ba ká na ka anung ñzhi kaṭ te kà ndar ngga mparəm ngga anung ñzhi kang unəm uga ñzhizhi i tul achwang á na ká mbəmbəm, te uza i nəm inok á na mbyet mbyet.

⁷ <<A yà pà unəm yáp ká uyen wò uchar yà uzwal te, uza i yà ka nfa wa ozwal onunggwan kaṭ.

⁸ Kang a yà pà unəm uga nzhizhi va yak na kakul ishi wò, kang a dom na kaṭ te, uza i re mí kam ishishi. Uza yá ka ichumchum iga ñyàp ka na úfyanəm kaṭ, kakul uza nəm ka na chit pà vyakshin.

⁹ Kang a yà pà uza yak na kakul ayen wò ununggwan te, uza i nəm ka na wa nva nnap nnəm nyám pà mmá nəm ká ovan ochar.

¹⁰ A yà pà unəm va ta yar ùkak kàḍi kakul ishi wò te, uza i ya ká nret iyam-nrì, ìlukwan ká ngga atak nra kà na kaṭ.

¹¹ Kang a yà pà uza i nəm iyam iga ishatḍing va ta á na kaṭ te, uza i fa amwa aro yà ká kaṭ.

¹² <<Nza unəm nggo va lèp unəm kú te, nkpak mí gbaḷ na.

¹³ Kang a yà pà uza nəm ká avyal kaṭ, Inan re pà á yà pa te, mi nak atak ro kakul bu ava bu chər bu ga kà.

¹⁴ A yà pà unəm gúp uwangwò gbaḷ ká ntàn, kang uza a ga a bwam ka atak nshì iyam awop

* 21:6 21.6 onəm oga nnáp akwali

mi te, wa fa ka na mmá gbaḷ.

¹⁵ <<Nza unəm nggo va lèp upo wò kaṭ te unàng wò te, mmá gbaḷ na.

¹⁶ <<Nza unəm nggo va kpán unəm ká ayi, kang à yáp ka na kaṭ te mmá ya ka awuwo te, mmá gbaḷ na.

¹⁷ <<Nza unəm nggo va vyap upo wò kaṭ te unàng wò te, mmá gbaḷ na.

¹⁸ <<A yà pa onəm gbang anung kang uro lèp uwan wò ká awo kaṭ te ká ipang, kang unəm uga abáng va ta kú kaṭ, a ra kà ìgbán,

¹⁹ kang a yà pa uza wong chen ra nggang ka agbai ka idari wò te, unəm va lèp na te i fa ka ashe mpat. Uza i mwa nlak awalangwalang ka ntétan pa chatchat.

²⁰ <<A yà pa unəm lèp uzwal wò ununggwan kaṭ te uchar ká idari kang üzwal va ta kú ka awuwo te, nkpak mí pyát á na.

²¹ Kang a yà pa uza wong kà nra ngga nzəng kaṭ te ngga mparəm te, mí pyát á na kaṭ kakul uza ndudur.

²² <<A yà pa onəm ka ashe nlung ikum, kang uro lèp uchar uga anyám te nak na wak, kang abang yà ka kaṭ te, mí nak amwa á na iyam va ubar achar va ta dom katetak. Te uza i mwa wa nva akwali nak.

²³ Kang a yà pa abáng yiyà te, bu na irirì ka anung irirì,

²⁴ iwu ka anung iwú, inyin ka anung inyin, awo ka anung awo, ashar ka anung ashar,

²⁵ nshì ka anung nshì, mmətchi ka anung mmətchi, abáng ka anung abáng.

26 <<A yà pà unəm lèp ìwú úzwal wò unung-gwan kaṭ te uchar kang a vyap ìwúwu te, uza i re na i fa kaṭul ìwúwu.

27 Kang a yà pà uza lèp inyin azwal wò unung-gwan kaṭ te uchar tutur te, uza i re na i fa kaṭul inyinyin.

28 <<A yà pà ìna tap unung-gwan kaṭ te uchar kú te, nkpak mí kwan ìna va ta ká ipáng kang izhizhe mí ri kaṭ, te unəm uga ìna i fa ka ashe mpat.

29 Kang a yà pà ìna va ta iga ntáp onəm kang mma won unənəm, káp ká nna uza pángchí kaṭ kang à gbaḷ unəm kaṭ te uchar, te mí kwan ìna va ta ka ipáng kang mí gbaḷ unənəm kpa.

30 A yà pà mmá nak amwa á na te, uza i mwa ka anung irirì wò pà chur wa òva mmá nak á na.

31 Ka te a yà pà tap uyennung-gwan kaṭ te uyen-char, te mí nəm ka na ka apal akwali azəngtəng va ta.

32 Kang a yà pà ìna tap uzwal unung-gwan kaṭ te uchar te, uza i na ashekel isəm pà ishatding aga azənariya unəm uga nzhizhi kang ìna va ta mí kwan ká ipáng.

33 <<A yà pà unəm bòl ache kaṭ te bok ache kang à gún kaṭ, te ìna kaṭ te azhaki ru ka ashishe,

34 te unəm uga ache va ta i mwa akəkat, uza i mwa mbubwai únənəm kang iyam nkang ikukù i yà ijini.

35 <<A yà pà ìna anəm uro nak abáng ìna awang wò kang à kú te, oza i yáp ká ìna irirì te oza i kap mbubwai, kang oza i kap ìna ikukù kpa.

36 Kang a yà pà mmá nyi ìna va ta nyi ká ntáp atak kang únənəm pángchí kaṭ, te uza i mwa

akəkāt pā chur, ìna kà anung ìna kang ikukù i yà ijini.>>

22

¹ <<A yà pā unəm nəm ayi ìna kāt te ìtam kang à pā kāt te á yáp ká te, uza i mwa ìna pā ítukun kà anung ìna, kang ìtam pā íneding kà anung ìtam.

² Kang a yà pā mmá kpán uyi kà nchwan atak kang mmá nəm na mmá gbaḽ te, mí mwo nchəchər kà awo anəm uro kāt.

³ A yà pā mmá gbaḽ na atak tàn chit te, mpat ñtar nchər nna yà. A yà pā mmá kpán uyi va ta te, uza i mwa amumwa pā chur, kang a yà pā uza yà ká iyam iro kāt te, mí yáp kà na kakul ayiyi.

⁴ A yà pā mmá ya iyam ayiyi kà awuwo kà irirì, mwote ìna kāt te azhaki kāt te ìtam te, uza i mwa ndán pā mparəm.>>

⁵ <<A yà pā unəm kpak iyam nkang wò kà ashe ìram kāt te ìram ìbàngbàng, kang uza re iyam nkang va ta ga ashe ìram anəm uro te, uza i mwa amumwa ká iyam inənan iva ji iga ìrəram kāt te iga ìram ìbàngbàng bəngbəng.

⁶ <<A yà pā apər fa rap kà ashe ñzam, te ri ikur ìbənən ká ítóngtong, kāt te ashe ìram, te unəm va pá apər va ta i mwa amumwa.

⁷ <<A yà pā unəm na mbwai kāt te iyam inok ũwan wò pā á nak, te mmá nəm ayiyi ká nzhi anəm va ta, kang a yà pā mmá kpán uyi va ta te, uza i mwa ndán pā mparəm.

⁸ A yà pā mmá kpán uyi va ta kāt, te mí ba ká unəm uga nzhi va ta kà atak Inan na mmá dər a yà pā uza uwa wur iyam awang wò kāt nggo.

⁹ A yà pà ndap atam wong kà apal nnap ìna, azhaki, ìtam, ìlukwan, kaṭ te iyam ìro ìláràr ìvā unəm uro là pà, <Ìjəm ta,> te nnap-nlā nkpaṭtak oza ìga atak Inan. Unəm vā Inan ì nak mpat á na te uza ì mwa ūwan wò ndán pà mparəm.

¹⁰ <<A yà pà unəm na azhaki, kaṭ te ìna, kaṭ te ìtam, kaṭ te nza iyam nkang nggo ūwan wò pà á nak ishi ká, kang à kú, kaṭ te kam abang, kaṭ te mmá kpán kà ayi unəm uro ya kaṭ,

¹¹ te nsóng anung ká uYawe ì vān ishimshe mparəm oza, na a nyám pà uza dok iyam awang wò kaṭ. Te unəm uga iyam vā ta ì man ká kang uza ì mwa akəkat kaṭ.

¹² Kang a yà pà nnandər mmá kpán iyam nkang vā ta ká ayi kà awuwo, te uza ì mwa akəkat ūnənəm.

¹³ A yà pà izhé ìga anyin à kan te, uza ì ba ká abubo na a nyám nnandərnandər, te uza ì yà ká mmwa akəkat kaṭ.

¹⁴ <<A yà pà unəm kam iyam nkang kà atak áwan wò kang à kam abáng kaṭ te á kú ká na ūnənəm yà kà ta kaṭ, te uza ì mwa akəkat pà chur.

¹⁵ Kang a yà pà ūnənəm nzəng ká na te uza ì mwa akəkat kaṭ. A yà pà mmá kam kakul mbwai te mbwai vā mmá mwa te ì təm kà anunung.>>

¹⁶ <<A yà pà unəm tàng uyen byen vā uwa nyi ununggwan chit kaṭ, ùvā unəm uro kà nnəm ngya ká kaṭ, kang à ra kà na te uza ì mwa ndudur íshi wò ì yà uchəchar.

¹⁷ Kang a yà pà upupo yang pà kyàk ká nna á na te, uza ì mwa ká mbwai ì mal dakdak ká idur ayenbyen ùvā nyi ununggwan chit kaṭ.

¹⁸ <<Kang wa re uchar uga ishe á lár kaṭ.

19 <<Unəm va ra ká iyam nkang te nkpak mí gba₁ na.

20 <<Unəm va na nləfər iyam pápà inan iro te mí zhì na, ya uYawe chwat.

21 <<Kang wa mwar ka₁ te wa ka₁ r uđyanəm ka₁, ka₁ku₁ ka o yà ođyanəm kà mbin aMasar.

22 <<Kang o bək anung uchar ùkpələng ka₁ te uyen ùkpələng ka₁.

23 A yà pa wa bək anung á na kang uza yéng a mi te, nnandər mi fe ayiyéng aga mbək anung,

24 kang a shì ìgwak a mi te, mi gbáng wo ká ndokchi te ochar wo i yà okpələng kang ovan wo i yà okpələng.

25 <<A yà pa u na akat mbwai ónəm mi oga nkùn ka ashe wo te, kang wa ram mmákmak kà ka₁.

26 Kang a yà pa u ka₁ ìlukwan àwan bu ka apal pa uza i mwa kang te, le ká á na kang alum ì tar,

27 ka₁ku₁ ìlukwan iga ndàng izəzər yà ta byet, te uza i ra ka ashe iza yà? Kang a yà pa uza yéng á mi te mi fe, ka₁ku₁ mmami uga ađor.

28 <<Kang wa pwat Inan ka₁ te wa vyap ađin ánəm uga mpyal ka ashe onəm bu ka₁.

29 Kang wa kali ká iyamməbən ká ndəng ibangbang ñsámsəm ka₁. Na ovan onunggwān bu oga nggəshi á mi.

30 Wa nəm iyam izəngtəng ká ina, itam ká ibəl bu. Oza i nəm nra pa nfangshat nzəng ká ínang oza, kang kà nra ngga nñanne te, wá na oza á mi.

31 Ó yà onəm ogorgor mi. Kang ô ri izhé iyam nkang va izhé iga anyin kan ka₁, o swang íva.>>

23

¹ <<Kang wa zàl nnap-nlà ngga akwam kaṭ. Kang wa gwang awo ká unəm unga, wa shet akwam kaṭ.

² Kang wa yar nvang nggatək ka ashe nnəm iyam inga kaṭ. Kang wa náp akwam ka atak akwali ká nggaḅan asəm ñyàr nvang nggatək pa ávyap nnandər kaṭ.

³ Kang wa nyám ndom ishi únəm uga nkun ka ashe akwalikwali kaṭ.

⁴ <<A yà pa u ya ìna kaṭ te azhaki ákpa ìkum bu lar te, wa le ká á na.

⁵ A yà pa u ya azhaki ánəm uga ñyang bu ru ká iyam idəkdək kang u dom nnəm nkamshi kaṭ, te nkpak pa ú kam ishishi a wong ká.

⁶ <<Kang wa gaḅan nnandər onəm bu oga nkun ka ashe akwali oza kaṭ.

⁷ Wa gbàng ká nnap-nlà ngga akwam. Kang wa gbál unəm uga ñnyi nnap anəm nro kaṭ, ká unəm unənan kaṭ, kakul mi yà ká nlà pa unəm unga unənan kaṭ.

⁸ Kang wa kam imwa iga ñmulam anung kaṭ, kakul imwa iga ñmulam anung i fo iwu onəm kang i vyap nnap-nlà onəm onənan.

⁹ Kang wa kar uɖyanəm kaṭ, o nyi ntəm aɖyanəm nyi kakul mmawó ká ishi wo te, ka o yà oɖyanəm ka ashe mbin aMasar.

Nnap-mpakpak ka apal ilum njul

¹⁰ Bu suk ìram bu ìzun pa ìkpaḍing te bu bən iyəyam.

¹¹ Kang ka ashe ìzun iga ifangshat te bu re i ra afəp, na onəm oga nkun bu á ri ka ashishe kang

izhe iga anyin i ri abubo va oza re, wa nəm iyam izəngtəng ka iram ibangbang bu ka iram mpyet bu.

¹² Ka apal nra pa nkpađing bu nəm inok bu, te bu jul ka nra ngga nfangshat na ina bu ka azhaki bu á yì, kang uya azwal bu uchar nzəng ká uđyanəm á yì.

¹³ Wá nak ishi ká nkpahtak iyam va n là a wo. Kang o wór adín inan iro kat, kang mmá fe adín oza ka anung bu kat.

¹⁴ <<Nvang pa nshatđing ka ashe izun te, bu nəm nchang izər á mi.

¹⁵ Wa kpak nchang izər nzəngkəng ngga nyà ká anyer *kat wa nva n nak a bu. Wa ri nzəngkəng ngga nyà ká anyer kat, nra pa nfangshat ká awalang va mmá nak ka ashe apye aga aAbip, o fa ka ashe mbin aMasar ka ashe apye va ta. Kang oza a ba mpyal mi ká awo alakchi kat.

¹⁶ Nəm nchang izər ngga mbən iyam iga nggəshi bu va u suk ka ashe iram. Nəm nchang izər ngga ngwur ikur ka nkùr izun ká awalang va u but iyam ngwap bu ka ashe iram.

¹⁷ Nvang pa nshatđing ka ashe izun, nkpahtak ovan onungwan bu i ba mpyal aPonzhinan uYawe.>>

¹⁸ <<Wa yichi nchər nləfər iyam pápà a mi ká iyam iro iga anyer kat. Kang mpip nləfər iyam pápà iga nnəm nchang izər mi á kpak ipin kat.

* **23:15 23.15** *Nchàng izər Nzənkəng ngga nyà ká Anyer* The were written in lower chases, and they need chonsideration for upper chases as sen above. Feasts are to be in this form or not.

19 <<Ba ká oga awar ikún aga nggəshi va byen ji aga ashe ìram bu ká ashe òzhi aYawe, Inan bu. Kang wa pék iya ìtam ká ashe mbyal inənanang kat.

20 <<Dər, mmami ká ngga nre òre ká umaleka ká mpyal bu na apángchí bu ká apal asal kang ì ba ká bu ká atak va n damshi chit.

21 Nak ishi ká na kang bu gwong achwang ká ichəchu. Kang wa fa iyam ikak ká na kat, kakul uza i yà ká òyər mpat bu kat, kakul adin mi nna ká ashishe.

22 A yà pa u kpak nnap nləla pa dakdak kang u nəm nkpaktak iyam va n là te, mi yà unəm ikum okpa ikum bu kang mi yang onəm va yang bu.

23 Nvangva umaleka mí ləp mpyal a bu i ba ká bu ká ashe oAmori, ká oHiti, ká oPerizi, ká oKanana, ká oHivi, ká oYebusi, te mi zhì oza.

24 Kang wa kuchi inan oza, kat te wa wop oza, kat te wa dyang nnap nənəm oza kat. Kadər nva ta te wa kan oza kang bu chwan oga ndáng ipáng oza nyəryər pa nyimənnymən.

25 O wop uYawe Inan wo, kang uza i nak nnap nənən iyam nrì wo ká ndəng wo, kang i yar arwa i le ká ashe wo.

26 Uchar ro i wak kat, kang i yà usatsat ká ashe mbin wo kat. Mi na nra ngá nggang a bu.

27 <<Mi ga ká mpyal bu na nnak okpa ikum bu á nəm ayər bu. Mi ba ká nzwar onəm va bu lung oza, kang mi nak oza i gəban asəm i chəng bu.

28 Mi re òre ká iyam iga nzwar atak ká mpyal bu i bàk oHivi, ká oKanana, ká oHiti ká mpyal bu.

29 Mi yà ká mbəbak ká mpyal bu pa kpaktak ká ashe izun pa izəng kat, kat te mbin va ta i yà ashe

anyin te ízhe iga anyin i yél kà ashishe i ji bu.

³⁰ Mi bàk oza kà mpyal bu pa ðapðap, bu yél bu gang mbin va ta kang.

³¹ Mi nak aswari bu i bàn kà Ìwá Ìsəksək i ga i chu ìwa iga aFilitti† kang i bàn kà ñzam aSinayi i ga i chu awang aYufəriti. Te mi na onəm oga ashe mbin va ta kà awo bu, kang bu bàk oza i fa kà mpyal bu.

³² Kang wa yar nsar nnap-nlà ká oza kà te oga ichər oza kà.

³³ Kang oza atəm nzəng ká bu kà, le kang oza á nak bu wa nəm nnap mbángbang á mi, kàkul a yà pa u wop ichər oza te, i sat ajəp a bu.>>

24

¹ Te uza là ûMusa pa, <<Kyen ba atak mi, mmabu ká uHaruna, ká uNadap, ká uAbihu, ká onəmgbak oIsarila va ìsəm pa ifangshat, o nəm awop ñdatchi.

² UMusa uwa chwət á ba adatkulung ká uYawe, kang oza á ba adatkulung kà, kang onəm á kyen á ga nzəng kà na kà.>>

³ UMusa ga là ónəm nkpaktak nnap-nlà àYawe ká oga nkpaktak nnap-akwali, te nkpaktak onəm man ká ichu pa izəng pa, <<Nkpaktak nnap-nlà va uYawe là te í nənəm.>>

⁴ Te uMusa lir nkpaktak oga nnap-nlà àYawe. Uza wong ká ibotak kà ipin ikpəkpək kang uza me atak nshì iyəm awop kà akum abəm, te nak ñdáng ipáng pa igbapchi aman pa parəm

† 23:31 23.31 aFilitti ìwa va mí wór pa ìwa ìlèbər a.

ka anung akum oIsarila aga agbapchi aman pa
apareṃ.

⁵ Te uza re ovan ñzam oga aIsarila, oza yichi
oga iyam inana iga nshì pa dwot kang oza na
nləfər iyam ipápà oga akut iga ntəm ikángkáng
uYawe.

⁶ Te uMusa tok nchər ka ashe asu, kang abo
nchər nro te uza sháng ka izər atak nshì iyam
awop.

⁷ Te uza yar ñlir ngga nsar nnap-nlà, uza kung
ónəm fe. Te oza man pa, <<Nkpaktak iyam va
uYawe là te í nənəm kang í kpəkpak.>>

⁸ UMusa yar nchər sháng ka apal onəm, uza là
pa, <<Dər, nchər ngga nsar nnap-nlà va ta uYawe
nəm ká wo ka apal nkpaktak oga nnap-nlà va
ta.>>

⁹ Te uMusa kyen gà ká uHaruna, ká uNadap,
ká uAbihu, ká onəmgbak oIsarila oga isəm pa
ifangshat va,

¹⁰ te oza ya Inan oIsarila. Ka avəng ashishar te
iyam iro wa abərki nnəm ngga ipáng ibyenbyen
iga ndəng izər ivyau, wa atak ghanghan agbagba
apabur.

¹¹ Inan nak awo wò ka apal onəm ochumchum
oga aIsarila va ta kat. Oza ya Inan kang oza ri oza
wa.

¹² UYawe là ũMusa pa, <<Kyen atak mi ka apal
abam na ú tal ka ta, kakul na í na oga achuchwal
ipang a bu, va n lir oga ndyang ká nnap mpakpak
na ú dyang óza.>>

¹³ Te uMusa wong ká unəm uga nkamshi wò
uJoshuwa, te uMusa kyen apal abam Inan.

¹⁴ Uza là ónəmgbak pa, <<O lòk yi ka ta kang i le atak wo. UHaruna ká uHur oma yà nzəng ká wo. Nkpaktak onəm va ká òdáp atam te á ga atak oza.>>

¹⁵ UMusa kyen apal abam kang ilulu gún abàm.

¹⁶ Ìzhàn àYawe təm ka apal abam aSinayi, kang ilulu gún na nra pa nkpađing. Ka apal nra ngga nfangshat te, uza wór uMusa ka ashe ilulu.

¹⁷ Ìzhàn àYawe wa apər i ri ka apal itəngtəng abam kà iwu oIsarila.

¹⁸ UMusa tar ashe ilulu, kyen apal abam. UMusa təm ka apal abàm nra isəm pa ineding ká izwam isəm pa ineding.

25

¹ Te uYawe là ûMusa pa,

² <<Là ónəm oIsarila pa á ba ka iyam inana á mi. Nza unəm nggo va á yiyar ka ashe igwak pa o nəna te, uza á ba ká iyam inana wò.

³ Oga iyam inana va ta bu kam ka atak oza. Oma azənariya, aazurfa, ká acham arəzang,

⁴ ká awulu va wa izər ivyau, awulu va wa mbaɪ akətəkəu arəzang pa gar, ká alinin va alukutlukut anənən, ká akpap ibəl kakul ilukwan,

⁵ awá inagám va mmá bán ká òzazí ká awa izhé iro anənən, ká akun akasiya,

⁶ ká mmì kakul apitila, ká oga iyam inəngnəng ichángchàng kakul mmì ngga nggar kang kakul iyam inəngnəng ichángchàng kpa.

⁷ Ká ipáng izamzam, ipáng iga mbam kà izər iya ilukwan ikwoksok, ká ilukwan ikwoksok.

⁸ <<N dom oza pa á me Atak Ayéryər á mi na n tøm nzəng ká oza

⁹ Nkpak pa ú nəm aghal áYawe va ta ká nkpak-tak iyam iga ashishe á yà pa dakdak á mal ká alakan ava mi gà ñnyinyám a wo.>>

¹⁰ <<Oza á nəm akwati ká akun akasiya ava ngwuwang ashar pa shatding ká abubo, mbəbal ashar pa parəm ká abubo, nrurup ashar pa parəm ká abubo.

¹¹ Wa bam nsəsəm ká ashishe ká azənariya anənan wa rap nza ká azənariya kà nza aranchwang nggo.

¹² Wa lá nkalbang azənariya pa nneďing á gwang ka ashishar kà nza ngbak nggo nkalbang pa mparəm.

¹³ Nəm oga nkpá nggang ngga akun akasiya bəl izər oza ká azənariya.

¹⁴ Mwak oga nkpá nggang va ta ka ashe nkalbang va nna ká nza ngbak akwati nggo kakul nyiyar

¹⁵ Oga nkpá nggang ngga nyiyar va ta mí zèp kať, mí re ká izər nkalbang.

¹⁶ Wa nak achuchwal nnap nshetshet nlilir nva mi ga nnəna a bu ka ashe akwati va ta.

¹⁷ Te wa nəm anung aga nkuk akwati va ta ká azənariya anənan, ngwuwang ashar pa shatding ká abubo, mbəbal ashar pa parəm ká abubo.

¹⁸ Wa lá oga akerup* pa parəm ká azənariya, wá nak ka apal anung aga nkukuk.

* **25:18 25.18** aKerup Iyam iga apabur ká abasəm, iva i nyám nyà àYawe ká ichumchumchumchum.

¹⁹ Nəm akerup pa zəng kà ngbak nro kang aro kà ngbak nzəntəng. Nəm oga akerup ka anung aga nkukuk ká azənariya azəngtəng va ta kà nkùr oga aranchwangranchwang aga aparəm.

²⁰ Oga akerup va ta i bol abasəm oza i gún anung aga nkukuk, kang i dər owan oza. Asal awu oga akerup va ta i dər anung aga nkukuk.

²¹ Nak anung aga nkukuk va ta ka apal akwati, kang bù nak nnap nshetshet nva mi ga nnəna a bu ka ashe akwati va ta.

²² Ka atak va ta mi gwang ká bu, mi là nnap ká bu, ká ishimshe oga akerup aga aparəm va ka anung aga nkuk akwati nnap nshetshet. Mi na oga nnap mpakpak a bu kakul onəm oga aIsarila.>>

²³ <<Te wa pak atebəl ká akun akasiya ng-wuwang ashər pa shatding, mbəbal ashər pa zəng ká abubo, kang nrurup ashər pa parəm ká abubo.

²⁴ Bam ká azənariya anənan, kang bu rəp nzaṃ oga aranchwangranchwang ká azənariya.

²⁵ Nak idər ka aranchwangranchwang á yà wa mbal awo á gang, kang bu rəp nzaṃ ká azənariya.

²⁶ Nəm oga nkalbang azənariya á na pa nneding, na ú báp oga nkalbang va ta ká isu oga nggúyanggú ngga neding va ta ka atak ashishar.

²⁷ Oga nkalbang ngga nkpán nkpá nggang ngga nyər atebəl va ta á dat ká idər.

²⁸ Nəm oga nkpá nggang ká akun akasiyá na ú bam izər oza ká azənariya. Te mí yar atebəl va ta ká omà.

²⁹ Nəm oga adakdai, ká asu, ká oga ibəchi, kakul nna iyaṃ inana iga ngwa. Nəm ká

azənariya anənan.

³⁰ Nak nzəŋkəŋ àYawe ka_ apal atebəl kà_ mpyal mi pa dəkər.>>

Apitila aga Idari

³¹ <<Nəm apitila aga idari ká azənariya anənan. La ijilijili ká idaridari, ká oga ásusu, ká mbənggúmbənggúm, ká mbəbał á yā iyam pa izəng.

³² Oga igwong pa ìkpāding i yà kà oga ngbak apitila aga ìdari pa ishatding kà ngbak nro, kang pa ishatding kà ngbak nzəngtəng.

³³ Oga asu pa shatding wa mbənggúm mbal i yà ka apal igwong pa izəng, pa shatding kà igwong ìro, wa nnà ta i yà kà nkpaktak oga igwong iga ìkpading ka igwong izər apitila aga idari.

³⁴ Oga asu pa neding wa mbənggum mbal ká mbal i yà ka apal apitila aga idari.

³⁵ Te mbənggúm mbəl á yà pə zəng kə akum ígwong pə iparəm iga nggəshi, mbənggúm mbəl á yà pə nzəng kə akum ígwong pə iparəm iga ipəpar, kang mbənggúm mbəl ì yà pə nzəng kə akum ígwong pə iparəm iga ishəshat, kəkul oga ígwong iga ìkpəding va kə izər apitila aga ìdari.

³⁶ Oga mbənggúm oza ká ígwong oza á yà
iyám pà izəng. Nkpaktakpaktak nlá azənariya
anənan.

³⁷ Nəm apitila pa_fangshat, te ch Wong oza_ka_ apəpal na aghan atak kà mpipyal.

³⁸ Te mbəmbəmbəmbəm ká₁ asu apər á yà ká₂ azənariya anənan.

³⁹ Nəm apitila aga idari ká nkpaktak oga iyam inok va ta ká azənariya anənan ava idədək isəm pa ishatding.

⁴⁰ Nak ishi ká, na u nəm oza á yà pa dakdak á mal ká alakan wa nva mmá nyám a bu ka apal abam.>>

26

¹ <<Nəm aghal aYawe ká atani pa gbapchi ava mmá lok ká alinin anənan, aga ndəng izər ivyau, ká ndəng nrəzang pa gər, ká ndəng nrəzang. Nəm oza á yà ká alakan oga akerup ka atak aghan anəm uga inok.

² Nwang atani va ta á yà ashar isəm pa ineding aman pa parəm, mbəbal ashar pa kpaďing. Nkpaktak oga atani va ta á mal izər.

³ Gwang oga atani pa tukun á yà pa zəng, te gwang abo aga tukun á yà pa zəng.

⁴ Nəm oga mbol ká afini ndəng izər ivyau kà nkur arangchwang aga nggəshi oga atani va ta. Wa nnà ta kpa nəm oga mbol kà nkur azəngtəng arangchwang atani.

⁵ Nəm oga mbol isəm pa itukun ka izər atani azəngtəng, kang bù nəm oga mbol isəm pa itukun kà nkur aranchwang atani azəngtəng. Oga mbol va ta á mal ikwoksok ká owan oza.

⁶ Nəm oga iyam iga nzuzong isəm pa itukun ká azənariya, te gwang oga atani aga aparəm va ta ka anung zəngtəng ka atak nzuzong, na aghal aYawe á yà pa zəng.

⁷ <<Kàp atani pa gbapchi aman pa zəng ká akpap íbəl kakul nkuk aghal aYawe.

⁸ Nwang nza atani nggo á yà ashar isəm pa ineding aman pa tukan kang mbəbal ashar pa kpađing. Nkpaktak atani aga agbapchi aman pa zəng va ta á mal izər.

⁹ Gwang atani pa tukun ka anung zəngtəng, kang atani aga kpađing ka anung zəngtəng. Te kup atani aga akpađing va ta pa mparəm á gún mpyal aghal.

¹⁰ Nəm oga mbol isəm pa itukun ka aranchwang atani azəngtəng, kang bu nəm oga mbol isəm pa itukun ka nkùr aranchwang atani azəngtəng.

¹¹ Nəm oga iyam iga nzuzong isəm pa itukun ka acham arəzang, te mwak oga iyam iga nzuzong va ta ka ashe oga mbol kang bu gwang aghal va ta ka anung zəngtəng na á yà pa zəng.

¹² Te abo atani ava le ka apal aghal te i zong ka nsəm aghal aYawe.

¹³ Ashar pa zəng ka abubo ka ngbak nro kang ashar pa zəng ka abubo ka ngbak nzəngtəng. Oga abo ngwang atani aghal va le te i zong ka oga ngbak aghal aYawe na á gún na.

¹⁴ Nəm iyam iga nggún apal aghal ka awá pa parəm, iro ka awá inagám va mmá bán ka n̄zazí, kang iro iga nggugún ka awá anənan.

¹⁵ <<Kyen oga ndar aghal aYawe ngga akun akasiya aga nsat nzwang.

¹⁶ Nza nzəngtəng nggo ngwuwang á yà ashar pa gbapchi aman pa tukun, mbəbal á yà ashar pa parəm ka abubo.

¹⁷ Nza ndar nggo te, á yà ka n̄cà nggang pa mparəm kakul nggwang oza ka anung zəngtəng. Wa nnà ta bu kyen nkpaktak oga ndar aghal

áYawe.

¹⁸ Kyen oga ndar aghal áYawe va ta isəm pa iparəm kakul ngbak ngga nkwardal.

¹⁹ Te nəm oga atak mmùmwak ká aazurfa isəm pa ineding ka avəng oga ndar ngga isəm pa iparəm va ta. Atak mmùmwak pa mparəm ka akum ndar nggəshi kakul oga ncà nggangcà nggang, kang atak mmùmwak pa mparəm ka akum ndar ngga ngbəbak kakul oga ncà nggangcà nggang.

²⁰ Nggbak ngga mpal aghal áYawe va ta, wa nnà ta kpa oga ndar á yà isəm pa iparəm,

²¹ nzəng ká atak mmwàk oza ngga aazurfa isəm pa ineding. Oga atak mmùmwak pa mparəm ka akum ndar nggəshi, kang oga atak mmùmwak pa mparəm ka akum ndar ngga ngbəbak.

²² Te kyen ndar aghal áYawe pa nkpađing kakul ngbak ngga asal nsəm.

²³ Kyen oga ndar pa mparəm kakul oga nggúyanggú nsəm aghal áYawe.

²⁴ Bak oza ka akum á ba á chu apal na á yà ka ashe nkalbang pa nzəng. Wa nnà ta i yà nkpađing oza, oza i yà nggúyanggú pa mparəm.

²⁵ Te ndar á yà pa nnañne ká oga atak mmwàk oza ngga aazurfa pa gbapchi aman pa kpađing. Oga atak mmùmwak á yà pa parəm ka akum ndar nggəshi kang oga atak mmùmwak i yà pa mparəm ka akum ndar ngga ngbəbak.

²⁶ <<Kyen oga ndar nnárnàr ngga akun akasiya pa ntukun kakul oga ndar ngga ngbak aghal áYawe,

²⁷ ká ndar nnárnàr pa ntukun kakul ndar ngga ngbak nzəngtəng, kang ká nro pa ntukun kakul

ndar ngga ngbak ngga asal ñsəm aghal áYawe.

²⁸ Ndar nnárnàr ngga ishimshe oga ndar i gantal kà nkùr nro i ga i cú nkùr nro.

²⁹ Te bam oga ndar va ta ká azənariya, kang bù nəm oga nkalbankalbang ká azənariyá na á kpán oga ndar nnárnàr va ta. Bam oga ndar nnárnàr va ta ká azənariya.

³⁰ Pak aghal áYawe va ta pa dakdak wa nva mmá nyám a bu ka apal abàm á.

³¹ <<Nəm atani aga nkap afu ñzhi aga ndəng izər ivyau, ká ndəng nrəzang pa gər, ká ndəng nrəzang, ká alinin anənan. Nəm ká alakan oga akerup ká atak aghan anəm uga inok u va a nyi nchicà pa gənggəng á.

³² Zong atani va ta ka apal ñdar akún akasiya ava mmá bam ká azənariya, ká iyam iga nzuzong iga azənariya ka apal atak mmumwak aga aneding aga aazurfa.

³³ Zong atani va ta ka akum oga iyam iga nzuzong, te tar ká akwati aga nsar nnap-nlà ká nsəsəm. Atani va ta i kap ishimshe Atak Ayéryər ká Atak Ayéryər ava ji.

³⁴ Nak anung aga nkuk akwati ka apal akwati aga nsar nnap-nlà ka ashe atak ayéryər ava ji.

³⁵ Yal atebəl ká mpyal atani aga nkap afu ñzhi ká asal mpal aghal áYawe, te yal apitila aga idari á mal ikwoksok ká atebəl ká asal nkandal.

³⁶ <<Nəm atani aga anung asal aghal áYawe ká afini aga ndəng izər ivyau, ká ndəng nrəzang pa gər, ká ndəng nrəzang, ká alinin anənan ava mmá lok byen pa gənggəng.

³⁷ Kyen oga ndar akún akasiya pa ntukun te bam ká azənariya kakul atani va ta. Iyam iga nzong oza á yà iga azənariya, te nəm atak mmwàk óza pa ntukun ká acham arəzang.>>

27

Atak nshì Iyam Awop

¹ UYawe la uMusa pa, <<Nəm atak nshì iyam awop aga asu, mbəbal ashar pa fangshat ká abubo, ngwuwang ashar pa fangshat ká abubo. Atak nshì iyam awop va ta á mal izər, te mməmak ashar pa neding ká abubo.

² Nəm agbəshi á na ká nggulyanggugulyanggu ngga nneding, na oga agbəshi va ta ká atak nshì iyam awop á yà iyam zəngtəng. Bam na ká acham arəzang.

³ Nəm oga asu nchwang, ká ashefər, ká asu, ká igapchi iga ifang, ká asu apər. Nəm nkpaktak iyam inok va ta ká acham arəzang.

⁴ Pàntal oga acham arəzang á na wa alariya, te nəm oga nkalbang ngga acham arəzang ká nza nggúlyanggú ngga nneding nggo.

⁵ Pá alariya va ta ká akum aləgər atak nshì iyam awop, ná á yà ká nkap ishimshe atak nshì iyam awop.

⁶ Nəm oga nkpá nggang ká akún akasiya kakul atak nshì iyam awop, te bam ká acham arəzang.

⁷ Mwàk oga nkpá nggang va ta ká ashe nkalbang, na oza á yà ká ngbak ngga mparəm ká izər atak nshì iyam awop kakul nyiyar.

⁸ Nēm atak nshì iyām awop vā ta á yà awong ká akún abalbal. Nēm na pā dakdak wa nva mmá nyám a bu ka apal abàm á.>>

Agəlan

⁹ <<Nēm agəlan aghal aYawe. Nggbak nkwan-dal á yà ashar igbāl ká isəm pā itukun, te atani á yà anənan nlok alinin,

¹⁰ Ká oga ndar ngga acham arəzang isəm pā iparəm, ká oga atak mmumwak aga acham arəzang isəm pā iparəm, kang ká iyām iga nzu-zong ká iga nrəran ká izər ndáng á yà iga aazurfa.

¹¹ Asal mpal agəlan vā ta ngwuwang á yà ashar igbāl ká isəm pā itukun na kpa, kang i yà ká atani, ká ndar ngga acham arəzang isəm pā iparəm, ká atak mmumwak aga acham arəzang isəm pā iparəm, kang ká iyām iga nzuzong ká atak nrəran ká izər ndáng iga aazurfa.

¹² Mbal atani kakul agəlan ka asal ntar alum á yà ashar isəm pā ifangshat aman pā tukun, ká ndar pā ngbapchi ká atak mmwàk oza pā ngbapchi.

¹³ Ka asal nfa alum agəlan te, mbəbal á yà ashar isəm pā ifangshat aman pā tukun na kpa.

¹⁴ Nwang atani á yà ashar isəm parəm aman pā parəm ká abufo kà ngbak anung asal, ká oga ndar pā nshatding ká atak mmumwak pā nshatding.

¹⁵ Te ngwang atani kà ngbak nzəngtəng á yà ashar isəm pā iparəm aman pā parəm ka abufo, ká oga ndar pā nshatding ká atak mmumwak pā nshatding.

¹⁶ Nwang atani aga anung asal agəlan va ta á yà ashar isəm pa ishatding ava mmá lok byen pa gənggəng ká afini alinin aga ndəng izər ivyau, ká nrəzang pa gar, ká nrəzang. Á yà ká oga ndar pa nneding ká atak mmumwak pa nneding.

¹⁷ Nkpaktak oga ndar va ka ashe agəlan te, á yà ká iyam iga nrəran ká nzuzong iga aazurfa, ká atak mmumwak ngga acham arəzang.

¹⁸ Nwang agəlan va ta á yà ashar igbal ka isəm pa itukun, mbəbal ashar isəm pa ifangshat aman pa tukun, mməmak ashar pa fangshat ka abubo, ká atani aga nlok ká afini alinin anənan, ká atak mmumwak aga acham arəzang.

¹⁹ Nkpaktak oga iyam inok aghal aYawe kakul nza inok nggo, ká nkpaktak oga avan akun aga nrán aghal ká oga avan akun agəlan á yà aga acham arəzang.

²⁰ <<Nak oIsarila á ba ká mmì mpyet nnənan a bu kakul apər, na apitila va ta á yà ká nnri pa dəkər.

²¹ Ka ashe Aghal Mbut ká nsəm atani ava ká mpyal akwati aga nsar nnap-nlà te, uHaruna ká ovan wò á nak ishi ká apitila va ta á yà ká nrí pa dəkər ká mpyal aYawe á bən ká arurong á ga á chu ipin. Nva ta á yà nnap nnəm ngga mbyet mbyet óIsarila ka ashe nkpaktak nlwàk oza.>>

28

Iyam isham ANəm uga mpyal awop

¹ <<Ba ká ùgənanng bu uHaruna ká ovəvan onunggwān ka ashe oIsarila á yà nzəng ká bu,

uNadap ká uAbihu, uEleazar ká uItama na ó nēm inok onēm oga mpyal awop á mi.

² Dán ìlukwán íyéryər ugənnang bu uHaruna kakul izhàn ká ibyen.

³ Là nkpaktak onēm oga nnyi inok awo ova n yél oza ká aghan na oza á dán ìlukwán iga nggar uHaruna kakul nnēm inok anēm uga mpyal awop á mi.

⁴ Oga ilukwan va ta oza i dán, ìya ìlukwan ìkwoksok, ìlukwan ìkwoksok, ìlukwan iwángwang, ìlukwan iga ashe, iyam ishi, ká ngbat. Oza á dán ìlukwán íyéryər va ta ugənanng bu uHaruna ká ovəvan onungguan na oza á nēm inok onēm oga nshi iyam awop á mi.

⁵ Oza á nēm ká azənariya, ká afini aga ndəng ízər ivyau, ká nrəzang pa gər, ká nrəzang, kang ká alinin anənan.>>

Ilukwan Ikwoksok

⁶ <<Oza á dán ìlukwan ìkwoksok va ta, á lok ká afini azənariya aga ndəng ízər ivyau, ká nrəzang pa gər, ká nrəzang, ká alinin anənan, inok anēm uga aghan.

⁷ Á yà ká ngbat agar pa mparəm ka aranchwan-granchwang aga aparəm kakul nrəran.

⁸ Nggbat ìlukwan ìkwoksokkwoksok nloklok á yà nnēm nzəngtəng ká afini azənariya aga ndəng ízər ivyau, ká nrəzang pa gər, ká nrəzang, kang ká alinin anənan.

⁹ Wur ipáng izamzam pa iparəm te gyok adin ovan aIsarila ka apal oza.

¹⁰ Adín á yà pà kpádəng kà apal ipáng iro kang pà kpádəng kà apal izəngtəng kà atak inəmgbak oza.

¹¹ Gyok adín ovan álsarila kà apal ipáng iga iparəm və ta wa nva unəm uga nkpà ipáng i gyok asitam. Mwak oza kà ashe iyəm iga nkpəkpán iga azənariya.

¹² Bam oga ipáng iga iparəm və ta kà apal ngbat agar ilukwan ikwoksok wa ipáng iga nrəng kà ovan álsarila. UHaruna á zong oga adín və ta kà apal agar wò kà mpyal aYawe kakul nrəng kà oza.

¹³ Nəm iyəm iga nkpəkpán iga azənariya,

¹⁴ kà oga nzwar mmyarmyar pà mparəm ngga azənariya anənan. Te ran oga nzwar mmyarmyar və ta kà izər iyəm iga nkpəkpán iga azənariya və ta.>>

Mpuluk ngga apal Ilukwan Ikaḵsok

¹⁵ <<Te dán mpuluk kakul nvan nnap, inok ánəm uga aghan. Nəm wa ilukwan ikwoksok kà azənariya, kà afini aga ndəng izər ivyau, kà nrəzang pà gər, kà nrəzang, kang kà alinin amyarmyar anənan.

¹⁶ Mma kùp te á mal izər, ngwuwang kà mbəbal á yà mbal awo nza ngbak nggo.

¹⁷ Te dàt oga ipáng inənan və ta ñzhi pà nneḍing ka pəpal. Ndàt nggəshi á yà ipáng irəzang va i ya atak pà halakhalak, kà iva wa ndəng ilur, kà iga ndəng ilyangu.

¹⁸ Ndàt ngga mparəm á yà ipáng va kà nrezang, kà iva ikamkam, kà iva fəfər wa apye.

¹⁹ Ndàt ngga nshatḍing á yà kà ipáng iga ndəng ishan, kà iva wa ndəng agbak, kà iva irezang pà gər.

²⁰ Ndàt ngga nneding á yà ká ipáng iga ndəng izər ivyau, ká ipáng izamzam, ká iga ndəng ipəpa. Mwak oza ká ashe iyam iga nkpəkpán iga azənariya.

²¹ Ípang iga igbapchi aman pa parəm va ta ámal ká anung adín ovan álsarila oga ogbapchi aman pa parəm. Nza ipáng nggo te, mmá gyok adín akum pa zəng ká izəzər ká ashe aga agbapchi aman pa parəm wa asitam.

²² <<Myar oga nzwar ngga azənariya anənan kakul iya ilukwan ikwoksok.

²³ Te nəm nkalbang azənariya pa mparəm, mwak ká nggulyanggu ngga mparəm ngga apal iya ilukwan ikwoksok.

²⁴ Mwak nzwar azənariya ngga mparəm va ta ká izər nkalbang ngga mparəm va ká nggulyanggu iya ilukwan ikwoksok.

²⁵ Te mwak ijili nzwar ngga mparəm va ta ká izər iyam iga nkpəkpán iga azənariya. Mwak ká mpyal ngbat agar ilukwan ikwoksok.

²⁶ Nəm oga nkalbang azənariya pa mparəm kàdi, te mwak oza ká ashe ká avəng nggulyanggu ngga mparəm ngga iya ilukwan ikwoksok.

²⁷ Nəm nkalbang nkak kàdi ngga zənariya pa mparəm, te mwak oza ká akum ngbat agar ilukwan ikwoksok ká nzwar ká mpipyal á dat ká atak ngugwang.

²⁸ Te ran nkalbang ngga izər iya ilukwan ikwoksok ká izər nkalbang ngga izər ilukwan ikwoksok ká asang aga ndəng izər ivyau, á yà ká apal ngbat ilukwan ikwoksok kakul na á kpán iya ilukwan ikwoksok kang a yok kat.

29 Te uHaruna i yar adin ovan alsarila ka apal iya ilukwan ikwoksok ngga nvan nnap ka ikwoksok wo, awalang va uza i tar Atak Ayeryer kakul nvan nnap ka mpyal aYawe pa dekər.

30 Nak aUrim ka aTummim ka ashe iya ilukwan ikwoksok iga nvan nnap. Oza a ya ka ikwoksok aHaruna awalang va uza i tar mpyal aYawe. Wa nna ta uHaruna i yar oga iya va ta pa dekər kakul nvan nnap ka apal oIsarila ka mpyal aYawe.

31 Dan ilukwan iwangwang iga aveng ilukwan ikwoksok a ya ndeng izər ivyau.

32 A ya ka atak mpa ishi ka ishisheshimshe, lok ishishak kakul kang acha kat.

33 Ka anunung ka aveng te, nem oga awar ikumkum iga ndeng izər ivyau, ka nrəzang pa gar, ka nrəzang a gang anunung aga avəveng ka oga ibanggang azənariya ka ishimshe oza.

34 Dat oza, awar ikumkum i le te ibanggang azənariya, i le te awar ikumkum, i le te ibanggang azənariya, wa nna ta a ga agang avəveng pa lat.

35 UHaruna i pa ilukwan iwangwang va ta awalang va uza ka nnəm inok, kang mi ya ka nfe nnənap nvəngva uza tar ashe atak ayəyər ka mpyal aYawe ka nvəngva uza i fa, kakul kang uza a ku kat.

36 <<Nəm achuchwal aga azənariya anənan, te gyok na wa nggyok asitam, <Unənan ūYawe.>

37 Te ran ka izər iya ishi ka asang aga ndeng izər ivyau, a ya ka mpyal iya ishi.

38 A ya ka isu uHaruna, kang uHaruna i yar nkpaktak mpat ka atak nna oga iya inana

inənan̄ va oIsarila gar ka ashe imwa oza inənan̄.
 Á yà kà isu aHaruna pà dəkər kakul na iyam̄
 inana á yà iyam̄ ikánkáng ka atak aYawe.

³⁹ Dán ilukwan iga ashe ká afini alinin anənan̄,
 lok iyam̄ ishi ká afini alinin anənan̄, te Kàp ngbat
 á yà inok ánəm uga nzəzam̄.

⁴⁰ Dán ilukwan iga ashe, kàp oga ngbat ká oga
 iyam̄ ishi óvan aHaruna. Dán oza kakul ibyen ká
 izhàn.

⁴¹ Nvangva u mwak ilukwan va ta chit ûHaruna
 ugənan̄ bu ká ovəvan onunggwan, te gor oza,
 nak awo óza, na oza á yà o gargar kang oza i nəm
 inok onəm oga mpyal awop á mi.

⁴² Dán iyam̄ adək iga afini alinin iva ikùr ka
 isong kakul ndàng imaləng oza.

⁴³ UHaruna ka ovan wò onunggwan a mwak
 awalang va oza ká ntáng ashe Aghal Mbut, kat̄
 te oza ba atak nshì iyam̄ awop pà o nəm inok ka
 ashe atak ayəyər, na kang oza á ba ká mpat ishi
 oza akú kat̄. Iyam̄ va ta á yà nnap nnəm ngga
 mbyet mbyet ka atak aHaruna ka akum ijili jili.

29

Nggar Onəm oga nshì iyam̄ awop

¹ <<Iyam̄ va ta bu nəm oza na á gar oza kakul
 na oza á yà onəm oga nshì iyam̄ awop mi. Kpán
 iya inà inunggwan ká inagam pà iparəm iva yà
 ká mbyèt kat̄,

² ká nzəngkəng ngga nyà ká annyer kat̄,
 ká awoina va yà ká annyer kat̄ ká mmì, ká
 nzəngkəng ndatdat ngga nyà ká anyer kat̄ va

mmá bəl ká mmì. Nəm oza ká mmák izangzəng ñyalyal.

³ Nak oza ka ashe nkatəp kang bu ba ká ka ashe nkatəp va ta, ba ká inà inunggwan ka inagam iga iparəm va ta.

⁴ Ba ká uHaruna ká ovəvan onunggwan ka anung asal Aghal Mbut, te nəl oza ká ndəng.

⁵ Te mwak ilukwan uHaruna, iga ashe, iwang-wang, iga ikwoksok, ka mpuluk, kang bu kpán adək á na ká ngbat.

⁶ Pá iyam ishi á na ká ishishi, te bam achuchwal ayəryər va ta ka izər iyam ishi.

⁷ Yar mmì ngga nggor, zuk á na ka ishi gar na.

⁸ Kà nvəvang te ba ká ovəvan, mwak ilukwan iga ashe óza,

⁹ Kpán adək ûHaruna ká ovan wò ká ngbàt kang bu mwak iyam ishi óza, te inok mpyal awop i yà nji oza mbyet mbyet. Asal va ta bu gar uHaruna ká ovan wò.>>

¹⁰ Te ba ká iya inà inunggwan ka anung asal Aghal Mbut, te uHaruna ká ovan wò i nak awo oza ka apal ishishi.

¹¹ Te pà iya inà inunggwan va ta kà mpyal aYawe ka anung asal Aghal Mbut.

¹² Dok nchèr iya inà inunggwan va ta ká ifang bu na u bəp kà oga nggungung atak nshì iyam awop, te tar abuəo pa kpaktak ka akum atak nshì iyam awop.

¹³ Wur nkpaktak mpip va gún oga iyamfu ka nvəngva ka izər anì, ka oga arusok aga aparəm ká mpip oza, te shì ka apal atak nshì iyam awop.

¹⁴ Te wur izhé iya inà inunggwan va ta ká

awuwa ká oga iyamfu, shì oza ka apər kà nsəm apak, iyam inana nnap mbángbang.

¹⁵ <<Te kpán ìnagam pa izəng, na uHaruna ka ovan wò á nak awo oza ka apal ishi ìnagam va ta.

¹⁶ Pà ìnagam va ta, te dok nchəchər sháng kà nkpaktak ngbak atak nshì iyam awop.

¹⁷ Te nyat ìnagam va ta, nàl iyamfufu ká oga mbwangbwangbwángbwáng, te gwang oza ka ìnyatnyat va kà ishishi.

¹⁸ Te shì nkpaktak ìnagam va ta ka apal atak nshì iyam awop. Iyam inana iga nshì pa dwot ûYawe, ìnəngnəng íchángchàng, iyam inana iga nshì ûYawe.>>

¹⁹ <<Te kpán ìnagam izəngtəng na uHaruna ká ovan wò á nak awo oza ka apal ishi ìnagam va ta.

²⁰ Pà ìnagam va ta te dok nchəchər na u bap ka apal arwangchwang achwang aga awóri aHaruna ka ovəvan onunggwan. Dok kà ífang inunggwan iga awóri, ká ífang inunggwan iga shar ari oza. Te shang abo nchər va ta kà nkpaktak ngbak atak nshì iyam awop.

²¹ Dok nchər va ka apal atak nshì iyam awop, ká mmì ngga nggar, te shang ka apal aHaruna ká ìlukwanlukwan, ká ovəvan onunggwan ká ìlukwan oza. Uza ká ovəvan onunggwan ká ìlukwan oza i yà oyéryər.>>

²² Wur mpip ìnagam va ta, mpip aswal, ká ngga iyamfu, ká ngga anì, ká arusok aga aparəm ká mpip oza, ká isong iga awóri, kakul ìnagam iga nnak awo.

²³ Yar mbìt nzəngkəng, ká awoina pa zəng ava mmá nəm ká mmì, ká nzəngkəng ndatdat pa

nzəng a fa k_a ashe nkatəp nzəngkəng va ngga ñyà ká anyer kat va ká mpyal aYawe.

²⁴ Nak nkpaktak oga iyam va ta k_a ashe awo aHaruna ká ovəvan, na oza á ghap, iyam inana iga ñyegye ûYawe.

²⁵ Kam ka awo oza, te shì ka apal atak nshì iyam awop, iyam inana inəngnəng ichángchàng ká mpyal aYawe. Iyam inana iga nshì pa dwot ûYawe.

²⁶ Yar ñjat inagam iga nnak awo ûHaruna, te ghap wa iyam inana iga ñyegye ká mpyal aYawe, na á yà ñji bu.

²⁷ <<Gar ñjat iyam inana iga ñyegye nva mmá yegye ká isong ngga iyam ibutbut iva mmá ghap k_a ashe inagam iga nnak awo, k_a ashe iyam va ñji aHaruna ká ovəvan.

²⁸ Iyam va ta i yà ñji aHaruna ká ovəvan k_a ashe oIsarila pa dəkər kakul iyam inana. I yà iyam inana k_a atak oIsarila k_a ashe nləfər oza ngga iyam inana iga ntəm ikángkáng, iyam inana oza ûYawe.>>

²⁹ <<Ilukwan iyéryər aHaruna i yà ñji ovəvan ká nvəvəng, te mí zuk mmì óza mí nak awo óza.

³⁰ Unəm va yà unəm uga mpyal awop ka nvəng aHaruna k_a ashe ovəvan te, uza i mwak oga ílukwan va ta i nəm nra pa nfangshat kang uza i ba ashe Aghal Mbut pa ô nəm inok k_a atak ayéryər.

³¹ <<Yar inagam iga nnak awo, te pək izhìzhe k_a Atak Ayéryər.

³² UHaruna ká ovan wò onungwan á ri izhé inagam va ta nzəng k_a nzəngkəng va k_a ashe nkatəp k_a anung asal Aghal Mbut.

³³ Te oza á ri iyam va mmá mwa ishi ká kakul nnak awo ká nggar oza. Unəm ugafak i ri oza kat kakul oza iyam iyéryər.

³⁴ A yà pā izhé, kat te nzəngkəng kakul nnak awo achu ipin kpakpak te, shi ká apər, mí ri kat kakul iyéryər.

³⁵ <<Asal va ta bu nəm ká uHaruna ká ovan wò wa nva ká n nak bu, nnak awo óza i yar nra pā nfangshat.

³⁶ Nza ilum nggo te na iya inà inungwan iyam inana nnap mbəngbəng kakul mmwa ishi. Jen atak nshì iyam awop ka atak mmwa ishi kakukul, te gor na u gar na.

³⁷ Mwa ishi atak nshì iyam awop ka apal nra pā nfanshat na u gar na á yà ayéryər va ji. Nkpaktak iyam va i dok te i yà iyéryər.

³⁸ <<Iyam va ta bu yichi ka apal atak nshì iyam awop nza ilum nggo. Itam iga izun pā izəng pā iparəm.

³⁹ Yichi itam pā izəng ká ipin, te pā izəng ká arurong.

⁴⁰ Itam iga nggəshi te yichi nzəng ká mmaḱ nyalyal ka ashe ikpáng mmaḱ pā izəng, ká mmì mpyet pā dap ká ndəng ibəngbəng n̄sámsám akwaya pā zəng, iyam inana iga ngwa.

⁴¹ Yichi itam izəngtəng ká arurong wa nva u yichi iyam inana ipirkur ká iga ngwa ká ipin, inəngnəng ichángchàng, iyam inana iga nshì ũYawe.

⁴² I yà iyam inana iga nshì pā d̄wot pā d̄əkər ka ashe oga nlwàk wo ka anung Aghal Mbut kà

mpyal aYawe, ka atak va ta mi gwang ka bu kang mi là nnap ká bu.

⁴³ Mi gwang ká oIsarila ka atak va ta, kang i yà ayéryer ka atak izhàn mi.

⁴⁴ Mi gar Aghal Mbut ká atak nshì iyam awop, kang uHaruna ká ovan wò te mi gar i nèm inok á mi wa onəm oga nshi iyam awop.

⁴⁵ Mi təm ka ashe onəm oIsarila mi yà Inan oza.

⁴⁶ Kang oza i nyi pa mmami na uYawe, Inan oza ùvā fa ká oza ka ashe mbin aMasar kakul na n təm ka ashe oza. Mmami na uYawe, Inan oza.

30

¹ <<Mye atak nshì iyam awop kakul nshì iyam inéngnəng ichángchàng, nəm ká akun akasiya.

² Mbəbal á yà ashar pa zəng ka abubo, ngwuwang á yà ashar pa zəng ká abubo, ngwuwang ká mbəbal á mal izər, te irurup á yà ashar pa shatding. Nggúnggúnggúnggúng á yà nənəm iyam izəngtəng.

³ Bam aranchwangranchwang ká oga ngbəgbək ká nggúnggúnggúnggúng ká azənariya anənan. Rəp nzaṃ kà nkpaktak oga ngbəgbək ká azənariya.

⁴ Nəm nkalbang azənariya ka avəng aranchwangrangchwang pa mparəm kà nza ngbak nggo kakul á yà atak mmwàk nkpa nggang ngga nyəyar.

⁵ Nəm oga nkpa nggang ngga akun akasiya, te bam izəzər ká azənariya.

⁶ Nak atak nshì iyam awop va ta kà mpyal atani va ká akwati aga nsar nnap-nlà, kà mpyal anung

aga nkukuk va ka apal akwati aga nsar nnap-nlà, ka atak va ta mi gwang ká bu.

⁷ UHaruna á dung iyam inəngnəng ichángchàng ka apəpal nza ipin nggo, nva uza i damshi oga apitila te, uza á dung.

⁸ UHaruna á dung ká arurong nva uza i damshi oga apitila, iyam inəngnəng ichángchàng iga ndung pa dekər kə mpyal aYawe ka ashe nkpak-tak oga nlwàk wo.

⁹ Kang wa dung nro paɸi, ka te wa yichi iyam inana iga nshì pa ɸwot, ka te iyam inana iga ipirkur ka apəpal ka. Kang wa tar iyam inana iga ngwa ka apəpal ka.

¹⁰ Nvang pa zəng ka ashe izun uHaruna á nəm mmwa ishi ka apal oga nggúnggúnggúnggúng ka ashe nchər iyam inana nnap mbángbàng ngga mmwa ishi. Pa nzəng ka ashe izun uza i mwa ishishi ka ashe nkpak-tak nlwàk wo, ayéryər va ji pa kpaktak ũYawe.>>

¹¹ Te uYawe là uMusa pa,

¹² <<Awalang va bu kung iyəl oIsarila te, nkpak-tak oza i mwa ishi oza ũYawe, na kang arwa abángbàng aro á ba ka apal oza kakul nkung oza ka.

¹³ Iyam va ta nkpak-tak unəm va mmà kung na chit te i mwa, agera* pa gbapchi nna nkap ashekel kə ishimshe ka anung ashekel aga Atak Ayéryər. AGera pa gbapchi va ta i yà iyam ibutbut ũYawe.

¹⁴ Nkpaktak unəm va mmá kung na chit, á ban

* **30:13 30.13** *agerar mmàl idək iyam ka ashe achu iHiburu*

kà ìzun ìsəm pà iparəm ɓa ga apal te, i na iyām ìbutbut ûYawe.

¹⁵ Unəm uga ndur i na i mak iji agerah pà gbapchi kàt, kang unəm uga nkun i na iyən agbapchi kàt, nva ó ɓa ká iyām ìbutbut ûYawe kakul mmwa ishi wo a.

¹⁶ Kam mbwai ngga mmwa ishi va ta ka atak oIsarila, na u nəm inok ká ka Aghal Mbut, te i yà iyām iga nrəng ká ólsarila kà mpyal aYawe kakul mmwa ishi oza.>>

¹⁷ Te uYawe là uMusa pà,

¹⁸ <<Nəm asu ká izan iga nchəcher ká acham arəzang kakul nnal awo ká ashar. Sung kà mbagar Aghal Mbut ká atak nshì iyām awop, te nak ndəng ka ashishe.

¹⁹ UHaruna ká ovan wò i nàl awo oza ká ashar oza ká ndəng va ta.

²⁰ Kang oza i táng ashe Aghal Mbut kàt te i ɓa atak nshì iyām awop pà o nəm inok, o yichi iyām inana iga apər ûYawe te, oza i nàl ishi oza na kang oza á kú kàt.

²¹ Oza i nàl awo ká ashar oza na kang oza á kú kàt. I yà nnap nnəm óza mbyet mbyet, kakul aHaruna ká akukum ka ashe nkpaktak oga nlwàk oza.>>

²² Te uYawe là uMusa pà,

²³ <<Kwap ishi bu oga iyām iga nggol iyām-nrì inənan, njəng ìkun ìdɛdek ashekel igbàl pà ìtukun, ká mmákmaḱ ikwoksok ìkun ìdɛkɛk ashekel igbàl pà iparəm ká ìsəm pà ìtukun, ká nggal ìdɛkɛk ashekel igbàl pà iparəm ká ìsəm pà ìtukun,

24 ká mmákmaḱ agwal ìkun ìḱḱḱḱ igbaḷ pa ìtukun, ka anung ashekel aga Atak Ayéryər, ká mmì mpyet pa ḁap.

25 Nəm mmì nyéryər ngga nggar nggwánggwáng, á yà mmì ngga nggar.

26 Te gor Aghal Mbut ká akwati aga nsar nnap-nlà,

27 ká atebəl ká nkpaktak oga iyam inunok, ká apitila aga idari ká oga iyam inunok, ká atak ndùng nturari,

28 ká atak nshì iyam inana ká nkpaktak iyam inunok, ká asu ká izəzan.

29 Gar oza na oza á yà iyéryər va ji pa kpaktak. Nkpaktak iyam va i dok oza te i yà iyéryər.

30 Gor uHaruna ká ovəvan na u gar oza á nəm inok á mi wa onəm oga nshi iyam awop.

31 Te bù là ólsarila pa, <Nna ta i yà mmì mi nyéryər ngga nggar ka ashe nkpaktak oga nlwàk wo.

32 Mí yà ka nzuk unəm ka izər na pa kaṭ, ó yà ka nnəm nro wa nva ta kaṭ, iyam iyéryər, i yà iyam iyéryər a wo.

33 Unəm va kpaktak nəm apir mmì va ta, kaṭ te á zuk unəm ugafak uga mpyal awop kaṭ te, mí tutur na i fa ka ashe onəm mi.> >>

34 UYawe là ûMusa pa, <<Wur íshi bu, oga iyam iga nggol iyam-nrì, anatap, aushelet, awehelbənah, ká njeng nnéngnəng ichángchàng nnənan, oza á mal izər.

35 Te gwang nturari wa ánəm uga nnyi ngugwang, nak mmán kà, á yà pa zarara, nyéryər.

³⁶ Kpàk kà ashishe kpà pà òirèkòirèk, te nak kà mpyal akwati aga nsar nnap-nlà kà ashe Aghal Mbut, kà atak va ta mi gwang ká bu, á yà iyéryer va ji pà kpaktak a wo.

³⁷ Nturari vā ó nēm kà asal ata te, ó yà kà nnənəm kakul ishi wo kat, o nak á yà iyām iyéryer ūYawe.

³⁸ Nkpaktak unēm vā nēm wa nva ta kakul ishi wò te, mí tutur na i fa kà ashe onēm mi.>>

31

UYawe yak uBezalel ká uOholiyap

¹ Te uYawe là uMusa pa,

² <<Dər, n yak uBezalel uya aUri ukà aHur akum aYahuda chit.

³ N nak aRuhu mi á na, ká aghan, ká nkpán ipir nnàp, ká nnyi, ká nkpaktak nnyi ngga nēm iyām iga awo pà dongdong,

⁴ na uza á fa ká iyām nnēm pà dongdong, azənariya, aazurfa, ká acham arəzang,

⁵ ká ipáng igyokgyok kakul atak aga ndədat, ká nkpà akun ká inok iga awo pà dongdong.

⁶ Dər, n yak uOholiyap uya aAhisamak uga akum aDan nzəng ká na. N na aghan aga nnyi nēm inok nkpaktak onēm oga nnyi nnēm inok, na oza á nēm nkpaktak iyām iva n nak bu pà ū nēm,

⁷ Aghal Mbut, ká akwati aga nsar nnap-nlà, ká anung aga nkukuk ava kà apəpal, ká nkpaktak oga iyām iga ashe aghal,

⁸ atebəl ká iyām inunok, idari apitila, ká atak nshì iyām awop inəngnəng ichángchàng,

⁹ ká atak nshì iyam awop inana ká iyam in-unok, ká asu ká izəzan,

¹⁰ ká ilukwan iloklok inənan, ká ilukwan iyéryər kakul ánəm uga mpyal awop, uHaruna, ká ilukwan ovəvan onunggwan kakul inok oza onəm oga mpyal awop,

¹¹ ká mmì ngga nggor ká nnəngnəng ncəngchəng kakul atak ayəyər. Oza á nəm oza pa chatchat wa nva n là a bu.>>

ALum aSati

¹² Te uYawe là uMusa pa,

¹³ <<Là ólsarila pa, <Nkpak pa o nak ishi ká ilum aSati mi, kakul nnyám ipir nnàp kà ishimshe mi ká wo ká oga nlwàk wo ngga mba kakul na o nyi pa mmami uYawe uva gar wo.

¹⁴ << <O kpak ilum aSati, kakul á yəyər ka atak wo. Nkpaktak unəm uva nəm vyakshin ká ilum iva ta te, mí gba na. Nkpaktak unəm uva nəm inok kà ilum iva ta te, mí tutur na í fa ka ashe onənəm.

¹⁵ Nra pa nkpađing ó nəm inok ka shishe, kang nra ngga nfangshat i yà aSati ilum iga njul, i yéryər ũYawe. Nkpaktak unəm uva nəm inok kà ilum iva ta te, nkpak mí gba na.

¹⁶ Olsarila á kpak ilum aSati ava ta á nak ishi ká nnap mpakpak ka ashe oga nlwàk oza ngga mba ghar mbyet.

¹⁷ I yà iyam iga nnyám ipir nnàp kà ishimshe mi ká olsarila ghar mbyet, kakul ka ashe nra pa nkpađing uYawe nəm apabur ka apambin, te uza jul kang a yì kà nra ngga nfangshat.> >>

¹⁸ Nvàngvạ uYawe gba_l nlà nnap ká uMusa ka_l apal aBam aSinayi te, uza_l na oga achuchwal ìpang nnap nshetshet á na pa_l iparəm iga nlìr ifang Inan.

32

Nnəm iya ìna iga azənariya

¹ Nvàngvạ onəm ya pa_l uMusa kali kà nfér ka_l apal abam te, oza_l but gáng uHaruna là á na pa_l, <<Wong, nəm inan á yi na á lèp mpyal á yi, kakul í nyi iyam iva_l ya uMusa uva_l fa ká yi ka_l mbin aMasar kat.>>

² Te uHaruna là óza pa_l, <<O zèp iyam achwang azənariya ka_l achwang óchar wo ká ovan wo onungwan ká ovan ochar ó ba ká á mi.>>

³ Te nkpaktak onəm zèp oga iyam achwang oza_l iga azənariya ka_l achwang oza_l ba ká ûHaruna.

⁴ Uza_l kam ka_l awo oza_l á tap ka_l apər te a me ichər gyok izəzər ka_l iyam inok á ya wa iya ìnà. Te oza_l là pa_l, <<Ólsarila, inan wo yà ta_l iva_l fa ká wo ka_l ashe mbin aMasar.>>

⁵ Nvàng nva_l uHaruna ya te uza_l me atak awop kà mpipyal, te uHaruna wór awór là pa_l, <<Ìpin te i yà nnəm nchang izər ûYawe.>>

⁶ Te oza_l wong ka_l ibotak kà ìpin ìkpakpak kang oza_l yichi iyam ináná iga nshì pa_l ðwot ká iyam inana iga ntəm ikángkáng. Onəm təm ri iyam-nrì ka_l ngwa iyam iwawa te, oza_l wong gba_l nza_l akpit.

⁷ Te uYawe là ûMusa pa_l, <<Fər kəlak, onəm va_l u fa ká oza_l ka_l ashe mbin aMasar te, oza_l vyap ishi oza_l chit.

⁸ Oza_ghan kà_gaḅan nre asal_ava_n ná_k ôza_kang oza_nəm ichər iya_inà ishi oza_ká azənariya. Te oza_kuchi na nləfər á na kang oza_là pa, <Ólsarila, inan wo yà ta, iva fa ká_wo ka_ashe mbin aMasar.>>

⁹ Te uYawe là ûMusa pa, <<N yà onəm ova_ta chit, oza_onəm oga nkak ishi.

¹⁰ Nyangmata te, re mi na nlak igwak mi a vang ka_apal ishi oza_na n zhì oza. Te mi nak bu yà akum achumchum.>>

¹¹ Ka_nna te uMusa sak anung uYawe, Inan wo pa, <<ÁYawe, sang kang igwak lak bu ká_onəm bu va u fa ká_ka_ashe mbin aMasar ká_ikam ichumchum ká_awo akamkam yà?

¹² U dom pa_na oga aMasar á là pa, <Inan oza_fa ká_oza_ká nrəng mbángbāng pa_u gbāng oza_ka_ashe oga abam, na u dərəkən oza_ká apambin> dō? Gaḅan nfəl igwak bu, re nrəng nnap bu nsusur ngga ñzhi onəm bu.

¹³ Rəng ozwal bu, uAbəraham, uIshaku, ká_uYakup, ova u sōng anung óza_ká ishi bu pa, <Mi nak àkum wo i yəl wa izhan iga apabur, te nkpktak mbin nva_ta_nva_n yar nsar nnap-nlà pa_mi na ovan wo í yà iyam akúp oza_mbyet mbyet.>>

¹⁴ Te uYawe gaḅan nrəng nnap wò ka_apal ndaktak nva_uza_ka_yar pa_o ba ká_onəm wò.

¹⁵ Te uMusa fər ka_apal abam ká_oga achuchwal ipang aga nnap nshetshet pa_aparəm ka_awo wò, achuchwal ava mmá lir iyam kà_nkpktak ngbak oza_ngga mparəm.

¹⁶ Oga achuchwal ava_ta_te Inan à nəm oza, kang iyam ñlir va_ka_apəpal te Inan à gyok.

¹⁷ uJoshuwa fe nnáp nham achu onəm te, uza là ûMusa pa, <<Nnáp achu ikùm ka ashe apak.>>

¹⁸ Kang uMusa là pa,

<<Ìcù igwan kat,

kat te ìcù pa mmá ri onəm ká ikum kat.

Nnyi te, mmami kà ñfe ìcù nnap-nshì.>>

¹⁹ Nvangva oza ba dat ka apak te, uMusa ya iya inà iva oza nəm kang oza kà ngbap nza, ka ashe nfél igwak pa gənggəng, te uza swang oga achuchwal ava ka awo wò ka avəng abam kang oza achwang pa rukutrukut.

²⁰ Uza yar iya inà va oza nəm shì kà apər, uza kpà wal mmák, wung ka apal ndəng, te nak oIsarila wá.

²¹ Te uMusa bəp uHaruna pa, <<Iza onəm ova ta nəm a bu kang u dapchi nnap mbəngbəng nchumchum ôza ya?>>

²² Te uHaruna là pa, <<Kang igwak a lak unəm uga ñzhi mi kat, u nyi onəm va ta nyi ká ndom nnəm iya mbəngbəng.

²³ Oza là á mi pa, <Nəm inan á yi na á ləp mpyal á yi, kakul uMusa ta unəm uva fa ká yi kà mbin aMasar, í nyi iya iva yá na kat.>

²⁴ Te n là ôza pa, <Nkpaktak unəm va uwa ya ká azənariya te, oza á zèp á ba á mi.> Oza ba ká á mi kang n swang ka ashe apər te, iya inà iva ta fa.>>

²⁵ Ka nvangva uMusa ya chit pa uHaruna nəm onəm ova ta chit í nfe nnap lap kat, kang oza sat iya iga ñyèl kà mpyal okpà ikum oza te,

²⁶ uza sat ka anung asal ntar ashe apak, kang uza là pa, <<Nkpaktak unəm va uja aYawe te,

re uza á ba atak mi.>> Te nkpaktak onungwan oLawi ba gang na.

27 Uza là ôza pa, <<Iyam iva ta uYawe, Inan oIsarila là, <Nza unəm nggo á gal ndokchi kà ngbak wò. Te o ga anung asal ava ta o le avacho ka ashe apak. Ko udanggo á gbal ugənnang wò, ko udanggo á gbal ukpa wò, kang ko udanggo í gbal unəm uga ngbak nzhi wò.> >>

28 OLawi kpak iyam iva uMusa là ôza, te onəm ikalong pa ishatding ka ashe onəm tàk nda nva ta.

29 Te uMusa là pa, <<Nda nva ta o gar ishiwó chit kakul inok áYawe. Kakul ko udanggo gbáng ovan wò kat te ugənnang chit, kakul nva ta te, uYawe nak nnap nnənan á wó chit.>>

30 İpin fa kpak te, uMusa là onəm pa, <<O nəm nnap mbángbang nchumchum chit. Nyangmata te, mi kyen atak áYawe mwote, mi nəm mwa ishi kakul nnap mbángbang wó nggo.>>

31 Te uMusa le atak áYawe á là pa, <<Iyam iwusa, onəm ata nəm nnap mbángbang nchumchum, kakul oza nəm ichər iga azənariya íshi oza.

32 Ká nnà te, yar nnap mbángbang oza, a yà pa kat te, yà dəkən adin mi á le ka ashe ñlir bu nva u lir á.>>

33 UYawe là ûMusa pa, <<Mi dəkən adin anəm uva kpaktak nəm nnap mbángbang á mi ka ashe ñlir mi.

34 Nyangmata te, ga lép mpyal onəm á ga atak va n là a bu. Dər, umaleka mi i watar mpyal bu. Kap ká nnà te, mi nyám ntàn óza kakul nnap mbángbang oza.>>

³⁵ Te uYawe lap onəm ká arwa abángbang kakul oza wop ìchər ivā uHaruna nəm.

33

¹ UYawe là ûMusa pa, <<Wong re atak va ta, mmabu ká onəm va u fa ká oza ka ashe mbin aMasar o ga mbin nva n sòng anung ûAbərahām, ká uIshaku, ká uYakup, n là pa, <Mi ga nnəna âkum ijili wó.>

² Mi ngga re ñre ká umaleka kà mpyal wó, te mi bak oKanana, ká oAmori, ká oHiti, ká oPerizi, ká oHivi, ká oYebusi kpa.

³ Ga ashe mbin nva mbyal ká mmàl irizhe i nang kà. Ká nna te, mi ga nzəng ká wo kaṭ kakul mmawó onəm oga nkak ishi, le kang ma zhì wó ka apal asal.>>

⁴ Nvangva onəm fe nnap-nlà nrwarwa wa nva ta te, oza təm ká ador te unəm uro mwak iyam isham wò kaṭ.

⁵ Kakul uYawe là ûMusa pa, <<Là oIsarila pa, <Mmawo onəm oga nkak ishi. A yà pa mi ga nzəng ká wó i gbəng vāng kaṭ, te mi zhì wó. Nyangmata o zəp iyam isham wó, te mi yak iyam ivā mal pa n nəm ká wó.> >>

⁶ Te oIsarila zəp iyam isham oza ka abam aHorep.

⁷ UMusa pa dəkər te i yar aghal kang à pak kà nsəm apak pa gbəngbāng, te uza wór pa Aghal Mbut. Kang nkpektak unəm uva dom mmwo uYawe te, uza i ga Aghal Mbut nva kà nsəm apak á.

⁸ Nza awalang nggo va uMusa i fa ngga atak aghal te, nkpektak onəm i wong i tong, nza unəm

nggo ka anung aghal wò, i dər uMusa i tar ashe aghal ava ta kang.

⁹Awalang ava uMusa a tar ashe aghal te, ndáng ilulu i vang i sat ka anung aghal, te uYawe i là nnap ká uMusa.

¹⁰Onəm i ya ndáng ilulu sat chit ka anung asal ntar aghal te, nkpaktak oza i wong kang nza uzəngtəng oza nggo i kúchi ka anung aghal wò.

¹¹UYawe i là nnap ká uMusa iwu ká iwu wa nva unəm i là nnap ká ukpa wò. Te uMusa i le apak, ká nnà te uJoshuwa ukparikpari, uyen zam uya aNun á re ashe aghal ava ta jo kat.

¹²UMusa là uYawe pa, <<Dər, u là á mi pa, <Lép mpyal onəm ova ta,> kang nna u là á mi chit unəm uva bu re i ga nzəng ká mi kat. Ká nna te, u là á mi chit pa, <N nyi bu ká adin, kang ká nna kpa nchər bu bəl chit kə mpyal mi.>

¹³Nyangmata, kusukkusuk a yà pa nchər mi bəbəl kə mpyal bu te, kusuk, dyang oga asal bu á mi na n nyi bu, na n yà ká nchər mbəlbəl kə mpyal bu. Nak ishi ká kpa pa onəm ova ta onəm bu.>>

¹⁴Te uYawe là pa, <<Mi ga nzəng ká bu, kang mi na njul a bu.>>

¹⁵Te uMusa là á na pa, <<A yà pa bu ga nzəng ká yi kat te, kang a re yi i wong ka atak ava ta kat.

¹⁶Mí nəm sang mí nyi pa mmami ká nchər mbəlbəl kə mpyal bu, mmami ká onəm bu, a yà pa u ga nzəng ká yi kat yà? Iza i nyám ndongdong mi ká onəm bu ka ashe nza onəm nggo va ka apambin yà?>>

¹⁷ Te uYawe là ûMusa pa, <<Mi nəm iyam iva ta iva u bəp, kakul pa u yà ká nchər mbalbal chit kà mpyal mi, kang n nyi bu ká adín.>>

¹⁸ Te uMusa là pa, <<Kusuk, nyám izhàn bu á mi.>>

¹⁹ Te uYawe là pa, <<Mi nak nkpaktak inənan mi i watar kà mpyal bu, te mi wór adín mi ayéryər kà mpyal bu, kang mi nyám nrusok afu unəm uva mi nyám nrusok afu, te mi nyám nrwa igwak unəm uva mi nyám nrwa igwak.

²⁰ Ká nnà te, bu yà ká n ya asal awu mi kaṭ, kakul unəmləbər uro yà i ya mi kang i lár kaṭ.>>

²¹ Te uYawe là pa, <<Dər, atak nata kà ngbak mi, ava bu tal kà ka apal abam,

²² nva izhàn mi i yà kà ngwatar te, mi nak bu ká mbagar ipang iva ta, te mi ka bu ka awo mi ya mi watar kang.

²³ Nna chit te, mi yar awo mi i le te, bu ya asəm mi. Ká nnà te, mí ya asal awu mi kaṭ.>>

34

Oga achuchwal ipang ipipyē

¹ UYawe là ûMusa pa, <<Kpà oga achuchwal ipang pa iparəm wa iga nggəshi nva, te mi lir ka apal oza oga nnap-nlà nzəngtəng nva ka apal achuchwal aga nggəshi nva ka u chwan á.

² Gbar izər na ipin na u kyen aBam aSinayi, na u gwang ká mi ka apal itəngtəng abam ava ta.

³ Kang unəm uro á kyen nzəng ká bu kaṭ, kang a re mmá ya unəm uro kà nkpaktak izər abam ava ta kaṭ. Kang a re iyam nkang, kaṭ te ina á ri nrì adatkulung ká abam ava ta kaṭ.>>

⁴ Te uMusa kpà oga achuchwal ipang pa iparəm wa iga nggəshi nva, kang uza wong ká ibotak ga aBam aSinayi, wa nva uYawe kà nak na. Uza wur oga achuchwal ipang iga iparəm ava kà awo wò.

⁵ UYawe fər vang kà ashe ndáng ilulu tal ká na kaṭa, kang à wór adin wò ayéryər, uYawe.

⁶ Te uYawe watar kà mpipyal kang à wór awór pa, <<UYawe, uYawe, Inan iga nrwa igwak ká nrusok afu, iga nlak igwak pa kəlak kaṭ, ká mman mmákma ká nnandar.

⁷ Mi nyám mman ngga nkur kaṭ ngga nlwàk íkalong, mi yar mpat ká nfa iyamkak ká nnap mbángbang, kang mi yà ká nre nnyám ntàn kaṭ, mi mwo mpat opon kà apal ovan, ká okəká oga mba, kà apal nlwàk ngga nshatding ká ngga nneding.>>

⁸ Te uMusa bəram pa kəlak kà mbin nəm awop.

⁹ Uza là pa, <<Kusuk, aPonzhinan, a yà pa nchər mi bəbàl kà mpyal bu te, re uPonzhinan á ga nzəng ká yi. Káp kà nva pa onəm ova ta oga nkak ishi, yar mpat ká nnap mbángbang á yi kang bu kam yi wa onəm bu.>>

¹⁰ UYawe là pa, <<Dakdak, mmami kà nyar nsar nnap-nlà. Mi ga nnəm iyam iga nnəm ayər kà mpyal nkpaktak onəm bu, iva nna kà fa chit kà ashe apambin kaṭ te oga mbin kaṭ. Te nkpaktak onəm ova mmaḅu kà ishimshe oza í ya inok áYawe, kaḱul mi ngga nnəm iyam iga nnəm ayər kà ashe wó.

¹¹ Nak ishi ká nnap mpakpak nva mmami kà nnəna a bu nda nva ta. Dər, mi ga mbàk kà mpyal bu oAmori, oKanana, ká oHiti, ká oPerizi,

ká oHivi ká oYebusi kpa.

¹² O nēm dakdak kang o yar nsar nnap-nlà ká onēm oga mbin va mmawó kà ngga ashishe kat, le a yà ajèp kà ishimshe wó.

¹³ Kaḍor nva ta te, o shin atak awop oza, o chwan ndáng nyéryər oza, kang ô kyen oga ndar aAshera oza.

¹⁴ Kang o wop inan iro kat, kakul mmami uYawe, uva adin mi pa ikpar, Inan iga ikpar.

¹⁵ <<Kang wa yar nsar nnap-nlà ká onēm ova kà ntēm ka ashe mbin va ta kat, kakul oza í nēm mmai ká inan oza, kang í na nləfər iyam ipápà ínan oza, te oza á chal bu pa u ga ká oza, te bu ri nləfər oza.

¹⁶ Kang wa yar nsar nnap-nlà ká onēm ova kà ntēm ka ashe mbin va ta kat, kakul wa kam ovan ochar oza ôvan bu onungwan, ova í nēm mmai ka atak ngwop oga inan oza te, í nak ovan bu onungwan í nēm mmai á mi.

¹⁷ <<Bu yà ká nlá inan íshibu kat.

¹⁸ <<Wá nak ishi ká nnēm nchang izər ngga nrì iyam-nrì iga nyà ká anyer kat. Nra pa nfangshat ká awalang va mmá nak ka ashe apye aAbip,* ri iyam-nrì iga nyà ká anyər kat wa nva kà n nak bu, kakul ka ashe apye ava ta na o fa ká ka ashe mbin aMasar.

¹⁹ <<Nza amar aga nggəshi ayen anungwan nggo te á jam, kang nkpaktak amar iyamkang bu agəshi inungwan á jam.

²⁰ Mwa ishi amar azhaki aga nggəshi ká itam, kang a yà pa u mwa ishishi kat te, bəkchi ishishak.

* 34:18 34.18 aAbip na apye va iyam izhakan i fa ká.

Wa mwa ishi nkpaktak ovan onunggwān bu oga nggəshi.

<<Kang unəm uro a ba mpyal mi ka awo lakchi kat.

²¹ <<Wa nəm inok nra pa nkpađing kang kà ilum iga ifangshat te, nkpak bu jul. Ko ka awalang aga nsuk iyaṁ ká aga mbəbən kpa.

²² <<Wa nak ishi ká nnəm nchang izər oga asati ká awar aga nggəshi aga ibəshi, ka nnəm nchang izər ngga mbən iyaṁ-nrì kà nkùr izun.

²³ Nkpaktak onunggwān bu nkpak í nyám ishi oza kà mpyal uNəm Uga Nzhi uYawe, Inan oIsarila, nvang pa nshatđing ka ashe izun.

²⁴ Mi bak oga mbin kà mpyal bu kang mi bol aswari bu, te unəm uro kúr nnəm adom mbin bu kat, a yà pa u ba mpyal aYawe, Inan bu nvang pa nshatđing nza izun nggo.

²⁵ <<Kang wa yichi nzəngkəng ngga nəm ká anyer ka awalang ava bu na nləfər iyaṁkang á mi kat. Kang wa re nləfər ngga nggantál á chu ipin ikpakpak kat.

²⁶ <<Wa ba ká oga awar anənan aga nggəshi ìram bu kà òzhi aYawe, Inan bu.

<<Kang wa pək iya abəl kat te itam iva kà mma mbyal kat.>>

²⁷ UYawe là ũMusa kpa pa, <<Lir oga nnap-nlà nva ta, kakul ka atak oga nnap-nlà nva ta n yar nsar nnap-nlà ká bu kang ká oIsarila.>>

²⁸ UMusa təm kəta ká uYawe nra isəm pa ineding ká izwam isəm pa ineding, á ri kat á wá kat. Te uza lir oga nsar nnap-nlà ka apal oga achuchwal ipang, nna nnap mpakpak ngga ngbapchi.

²⁹ Nv̄a uMusa f̄er ka apal abam aSinayi ká oga achuchwal ipang pa iparəm iga nnap nshetshet ka awo wò te, asal awúwu kà aməlamməlam kakul uza kà là nnap ká uYawe, kang uza nyi kat.

³⁰ Nv̄angva uHaruna ka nkpaktak onəm oIsarila ya asal awu áMusa aməlam te, ayər nəm oza kà ngga ndatkulung ká na.

³¹ Ká nnà te, uMusa wór oza, kang uHaruna ká nkpaktak onəm oga mpyal mbut onəm le ba atətak, kang uMusa là nnap ká oza.

³² Ka nv̄əv̄ang nva ta te, nkpaktak oIsarila ba dat, te uMusa na nkpaktak oga nnap mpakpak nva uYawe na á na ka apal abam aSinayi.

³³ Nv̄angva uMusa gba ká nlà nnap ká oza te, uza dang asal awuwu ká iyam iga ndang ishi.

³⁴ Ká nnà te, awalang ava káp uMusa i ga mpyal aYawe pa ô là nnap ká na te, uza i yar iyam iga ndang ishi iva ta i le. Kang nv̄angva uza i fa te, uza là oIsarila iyam iva uYawe kà nak na,

³⁵ kang oIsarila i ya asal awu áMusa i məlam. Te uMusa i dang asal awu wò ká iyam iga ndang ishi, ya uza i le i ga nlà nnap ká uYawe kadi kang.

35

Oga nnap nkpakpak ngga ilum aSati

¹ UMusa wór mbut nkpaktak oIsarila là ôza pa, <<Oga iyam iva ta uYawe nak wo pa ó nəm.

² O nəm inok ka apal nra pa nkpading kang ilum iga ifangshat nnyi te, i yá asati ilum iga njul, i yéryər ũYawe. Unəm uva i nəm inok kà ilum iva ta te, mí gba na.

³ Ko apər te ó mak̄ kā ashe oga nzhi wó kà ilum asati kaṭ.>>

Iyaṃ inana kaḱul nzhi awop

⁴ Te uMusa là nkpaktak oIsarila pa, <<Iyaṃ iva ta uYawe nak chit pa mmá nəm.

⁵ O kwap iyaṃ ibutbut ûYawe. Re unəm uva yəyar kà igwak wò te, uza á ba ká azənariya, aazurfa, ká acham arəzang,

⁶ ká iyaṃ iga ndəng izər ivyau, ká iga mban pa gar, ká irəzang, ká alinin anənan, ka akpap ibəl,

⁷ ká awá inagám va mmá bán ká ñzazí, ká awá ibəl anənan ká akun akasiya,

⁸ ká mmì kaḱul apitila, ká iyaṃ iga nggòl iyaṃ kaḱul mmì ngga nggar onəm, ká iyaṃ inəngnəng ichángchàng,

⁹ ipáng izamzám ká oga ipáng iro iva mi mbam i dàt ka izər ilukwan ikwoksok ká mpuluk.

¹⁰ <<Nkpaktak onəm oga nnyi inok awo ka ashe wó á ba á nəm nza iyaṃ nggo va uYawe nak pa mmá nəm,

¹¹ aghal áYawe ká iyaṃ iga nggugún, ká iyaṃ iga nzüzong ká ndədar, ká ndədar nnárnàr, ká ndədag, ká atak mmùmwak,

¹² ká akwati aga nsar nnap-nlà, ká idari iga nyəyar, ká iyaṃ iga nkukuk, ká atani aga nká Atak Ayəryər ava ji,

¹³ ká atebəl, ká idari iga nyəyar, ká nkpaktak oga iyəyam, ká nzəngkəng áYawe,

¹⁴ ká idari apitila ká oga iyəyam, ká oga apitila, ká mmì kaḱul nghan atak,

¹⁵ ká atak nshì iyaṃ inəngnəng ichángchàng, ká oga nkpá nggankpá nggang, ká mmì ngga

nggëgar, ká iyam inəngnəng ichángchàng iga nshì, ká atani aga nggún anung asal aghal áYawe,

¹⁶ ká atak awop aga nshì iyam awop, ká icha iga ngwàng iyam, ká oga ídari iga ñyayar, ká oga iyəyam, ká asu achumchum, ká akəkar,

¹⁷ ká oga atani aga agəlan, ká ídari iga mmumwak, ká atak mwak oza, ká atani anung asal aga ntar ashe agəlan,

¹⁸ ká oga akun aga mpak aghal ká agəlan, ká oga asang oza,

¹⁹ ká ílukwan inənan iloklòk iva onəm oga mpyal awop í mwak kakul nnəm inok ka ashe Atak Ayéryər, ká ílukwan iyéryər kakul aHaruna, unəm uga mpyal awop, ká íji ovəvan onunggwan onəm oga mpyal awop.>>

²⁰ Te nkpaktak oIsarila re atak aMusa,

²¹ kang nkpaktak unəm uva yəyar kà igwak wò pa o nəna te, a ba ká iyam inana ũYawe, kakul mpak aghal áYawe. Kang oza ba ká iza nggo iva mmá dom kakul nnəm awop, kang kakul nnəm ílukwan ánəm uga mpyal awop kpa.

²² Nkpaktak onunggwan ká ochar ova yəyar kà igwak ba ká oga iyam ishām, oga nkalbang azənariya ngga ifang, ká ngga achwang, ká ishūwa ishak. Oza na iyam pa dongdong iga azənariya iyam inana iga ñyegye ũYawe.

²³ Unəm uva kpaktak uwa yà ká afini aga ndəng izər ivyau, ká arəzang pa gar, ká arəzang, ká alinin anənan, ká akpap íbəl, ká oga awá ítam aga mbán ká ñzazí, ba ká oza.

²⁴ Ovəngva ká aazurfa ká acham arəzang ba ká uYawe, kang nza uzəngtəng oza nggo nva ká

akun akasiya abyenbyen ka_kul nza_inok nggo ba ka_.

²⁵ Nkpaktak ochar ova_ka_ aghan aga nlòk iyam ba ka_ iyam_iva_ oza_ lòk ka_ awo oza_, afini anənan_ aga ndəng izər ivyau, ka_ nrəzang pa_ gar, ka_ arəzang, ka_ ilukwan alinin anənan_.

²⁶ Nkpaktak ochar oga aghan va_ lwom oza_ ka_ ashe igwak lòk akpap íbəl.

²⁷ Onəm oga mpyal ba ka_ ipáng izamzam_ka_ oga ipáng íro inənan_ pa_ mmá bəm ka_ apal iya ilukwan ikwoksok.

²⁸ Oza_ ba ka_ oga iyam_iga_ nggòl iyam_ kang ka_ mmì ka_kul apitila, ka_ mmì ngga nggar onəm, ka_ oga iyam_inəngnəng ichángchàng.

²⁹ Nkpaktak oIsarila onunggwana_ka_ ochar ova_ dom pa_ ó na iyam_inana ka_kul inok áYawe va_ nak ka_ atak áMusa te, oza_ ba ka_ iyam_inana iga ndom igwak oza_ ũYawe.

UBezalel ka_ uOholiyap

³⁰ Te uMusa là ôIsarila pa, <<O dər, uYawe yak uBezalel chit uya aUri ukà aHur ka_ akum ijili aYahuda.

³¹ Uza_ yəl na chit ka_ aRuhu Inan, á na aghan á na, ka_ nkpán ipir nnap ka_ nnyi nnəm nza_ apir inok awo nggo,

³² pa_ uza_ á fa ka_ iyam_nnəm pa_ dongdong_iga_ azənariya, ka_ aazurfa, ka_ acham arəzang,

³³ ka_ nnyi nggyòk ipáng ka_kul atak aga ndədat, ka_ nnyi nkpa akun kang á nnyi nnəm nza_ apir inok nggo.

³⁴ UYawe nak chit kà igugwak pa_ uza_ á dyang, uza_ ká uOholiyap uya aAhisamak ka_ akum ìjili aDan.

³⁵ Uza_ yél oza_ chit ká aghan aga nnəm nza_ apir inok nggo wa nkyen nza_m, ká nlulok ká afini aga ndəng izər ivyau, ká arəzang pa_ ga_r, ká arəzang, ká alinin anənən, kang ká ìlukwan ikak. Oza_ nyi nza_ apir inok nggo nyi iva mmá dufom ka_ ashe inok onəm oga inok.

36

¹ <<Te uBezalel ká uOholiyap ká nza_ unəm uga aghan nggo uva uYawe na aghan ká nnyi nnəm nza_ apir inok nggo te, oza_ á dāmshi Atak Ayéryər wa nva uYawe nak.>>

² Te uMusa wór uBezalel ká uOholiyap ká nza_ unəm nggo nva_ uYawe na nnyi á na ká aghan aga inok awo, uva lwom na ká ìgwak pa_ ô ba ô nəm inok iva_ ta.

³ Te oza_ kam nkpaktak iya_m ibutbut ka_ atak áMusa iva oIsarila ba ká kakul nnəm ka_ Atak Ayéryər. Kang oza_ ga mpyal ká mba ká iya_m inana iga ndom ìgwak ũMusa nza_ ipin nggo.

⁴ Te nkpaktak onəm oga nnyi inok awo va_ ka_ yà kà nnəm inok ka_ Atak Ayéryər, nza_ unəm nggo ka_ atak inok iva_ oza_ kà nnənəm re,

⁵ kang à ba là ũMusa pa, <<Onəm kà mba ká iya_m inok watar iva_ mmá dom kakul ngba_l inok va_ uYawe nak pa_ mmá nəm.>>

⁶ Te uMusa nák nre ga ashe apak pa, <<Ónungwan ká ochar, kang unəm uro a ba ká iya_m inana iro lap kakul nnəm Atak Ayéryər ka_t.>> Nna chit te onəm re mba ká iya_m dak.

⁷ Iyám va mmá ba ká chit te, mməmak kúr ngbaḷ nkpaktak inok va ta aga watar.

Aghal áYawe

⁸ Nkpaktak onəm oga nnyi inok awo va ka ashe onəm oga nnəm inok nəm aghal áYawe. Oza nəm ká oga atani pa agbapchi nlòk alinin anənan, ká afini aga ndəng izər ivyau, ká arəzang pa gar, ká arəzang, ká alaḱan oga akerup ka izəzər va unəm uga nnyi inok awo à nəm.

⁹ Nza atani nggo te, ngwuwang ashər isəm pa ineding aman pa aparəm, kang mbəbal ashər pa akpaḱing. Nkpaktak oga atani va ta nrup oza mal izər.

¹⁰ Oza gwang atani pa atukun ka izər awan oza yà pa zəng kang abo aga atukun uza gwang ka izər awan oza na kpa yà pa zəng.

¹¹ Oza nəm oga mbol afini ndəng izər ivyau ka anung atani* aga nggəshi ka agbai kang à nəm iyám zəngtəng va ta ka anung atani apəpar ka agbai.

¹² Oza nəm oga mbol isəm pa itukun ka apal atani aga nggəshi ka agbai, kang oga mbol isəm pa itukun ka arwangchwang atani aga apəpar na oga mbol va ta á mal ikwoksok ká owan oza.

¹³ Te oza nəm oga iyám iga nkam atani iga azənariya isəm pa itukun kaḱul ngwang oga atani ka izər awan oza, na aghal áYawe va ta á yà iyám pa izəng.

¹⁴ Oza nəm oga atani aga akpap íbəl pa gbapchi aman pa zəng kaḱul nggún apal ishi aghal áYawe.

* **36:11 36.11** atani nna oga atani aga atukun ava mmá gwang yà pa zəng.

¹⁵ Nza atani nggo ngwuwang ashar isəm pa ineding aman pa atukun kang mbəbal nnyi te ashar pa kpaɗing. Nkpaktak atani aga agbapchi aman pa zəng ava ta á mal izər.

¹⁶ Oza gwang oga atani pa tukun va ta ka anung zəngtəng kang aga akpaɗing ka anung zəngtəng.

¹⁷ Oza nəm oga mbol isəm pa itukun ka arwangchwang atani aga nggəshi ka agbai, kang oga mbol isəm pa itukun ka aranchwang aga apəpar.

¹⁸ Oza nəm oga iyam iga nkam atani iga acham arəzang isəm pa itukun, na á iyam iga ndədang pa izəng.

¹⁹ Oza nəm iyam iga nggún aghal ka awá itám va mmá ban ká ñzazí, kang ká aga ndang apəpal ká awá ibəl anənan.

²⁰ Oza nəm oga ndar akasiya aga ntong nzwang kakul aghal áYawe.

²¹ Nza ngwang ndar va ta nggo te, ashar pa gbapchi aman pa tukun, mbəbal ashar pa parəm ká abubo.

²² Nza ndar nggo te, mmá nəm ká nchak pa mparəm kakul nggwang ngwuwan. Oza nəm nkpaktak oga ndar aghal áYawe wa nnà ta.

²³ Oza nəm oga ndar isəm pa iparəm kakul asal nkwalandal aghal áYawe.

²⁴ Oza nəm oga atak mmumwak aga aazurfa isəm pa ineding ka akum ndar ngga isəm pa iparəm va ta. Atak mmumwak pa mparəm ka akum nza ndar nggo kakul nggwang ncà nggangcà nggang ngga mparəm, kang wa nnà ta, atak mmumwak pa mparəm kakul oga ncà nggang ndar nzəngtəng.

25 Ka ngbak asal mpal aghal áYawe te, oza nēm oga ndar isēm pa iparēm,

26 ká oga atak mmùmwak aga aazurfa isēm pa ineding. Atak mmùmwak pa mparēm ka akum nza ndar nggo.

27 Oza nēm oga ndar pa nkpaḍing ka asal nsēm aghal áYawe, ka asal ntar alum.

28 Oza nēm oga ndar nro kàḍi pa mparēm kakul nggulyanggu ngga mparēm ngga nsēm aghal áYawe.

29 Kà nggulyanggu ngga mparēm nva ta oza agwang ka akum kang à pá ìkan á na ka apal á yà iyām pa izēng ka apal. Iyām va ta oza nēm.

30 Oga ndar nva oza nēm pa kpaktak ka nsēm aghal te, pa nñanne ká atak mwak oza ngga aazurfa pa gbapchi aman pa kpaḍing, pa mparēm ka akum nza ndar nggo.

31 Oza nēm oga ndar nnárnàr ngga akum akasiya pa ntukun kakul aghal áYawe ka ngbak nggəshi,

32 ndar nnárnàr pa ntukun kakul ngbak nzəngtəng, kang ndar nnárnàr pa ntukun kakul nsēm aghal áYawe, ka asal ntar alum.

33 Oza nēm ndar ngga ishimshe nnárnàr, nva òan kà ngbak nro ga chu nro.

34 Oza òam oga ndar nva ta ká azənariya, kang à nēm oga nkalbang ngga nkpan oga ndar nnárnàr nva ta ká azənariya, kang à òam ndar nnárnàr nva ta ká azənariya.

35 Te oza nēm atani aga afini ndəng izər ivyau, ka arəzang pa gar, ká arəzang, ká alinin anənan. Oza lòk ká alakan oga akerup ka izəzər, inok ánəm uga nnyi inok awo.

³⁶ Oza nēm ndar pa nneḍing ngga akun akasiya kang à bam oza ká azənariya, ká iyām iga nzùzong ngga azənariya, kang oza nēm atak mwak oza aga aazurfa pa neḍing.

³⁷ Oza nēm atani aga anung asaḷ aghal ká afini aga ndəng izər ivyau, ká arəzang pa gaṛ, ká arəzang, ká alinin anənan, ava mmá lòk byen pa gənggəng.

³⁸ Oza nēm oga ndar pa ntukun ká oga iyām iga nzong oza. Oza bam ishi oza ká iyām iga nran oza ká azənariya, kang oza nēm atak mwak oza pa tukun ká acham arəzang.

37

AKwati

¹ UBezalel nēm akwati aga nsar nnap-nlà ká akun akasiya, ngwuwang ashār pa shatḍing ká abubo, mbəbal ashār pa parəm ká abubo, nrurup ashār pa parəm ká abubo.

² Uza bam ká azənariya anənan ka ashe ká nsəm, kang à me anunung gang ká azənariya.

³ Uza lá oga nkalbang azənariya pa nneḍing kang à ran oza ká ka ashār aga nneḍing, oga nkalbang pa parəm nza ngbak nggo.

⁴ Te uza nēm oga ndar akun akasiya kang à bam oza ká azənariya.

⁵ Uza mwak oga ndar nva ta ka ashe oga nkalbang nva ka oga ngbak akwati kakul ñyəyar.

⁶ Te uza nēm anung akwati ava ta ká azənariya anənan, ngwuwang ashār pa shatḍing ká abubo, kang mbəbal ashār pa parəm ká abubo.

⁷ Uza lá oga akerup pa parəm ká azənariya kà nkùr anung arwangchwang akwati ava ta.

⁸ AKerup pa zəng kà ngbak nro, kang akerup pa azəng kà nkùr ngbak nzəngtəng. Uza lá oga akerup ká iyam izəngtəng ká anunung.

⁹ Oga akerup ava ta bol oga abasəm oza kà apal kuk anung akwati. Asa awu oga akerup va ta i dər owan oza kà apal anung akwati.

ATEbəl

¹⁰ UBezalel nəm atebəl aga akun akasiya, ngwuwang ashar pa shatding, mbəbal ashar pa zəng ká abufo, kang nrurup ashar pa parəm ká abufo.

¹¹ Uza bam izəzər ká azənariya anənan kang à me anunung gang ká azənariya.

¹² Uza nəm idər wa mbal awo gang aranchwan-granchwang, kang à me azənariya ká apəpal.

¹³ Uza lá oga nkalbang azənariya pa nneďing kakukul, kang uza gwang oza ká izər oga arwangchwang atebəl va ta ká atak ashishar.

¹⁴ Oga nkalbang va ta mmá mwak datkulung ká idər kakul oga ndar ngga nyàr atebəl ava ta.

¹⁵ Uza nəm oga ndar akun akasiya kakul nyàr atebəl, kang à bam izər oza ká azənariya.

¹⁶ Uza nəm oga iyam inok iga apal atebəl pa kpaktak ká azənariya anənan. Omà oga adakdai, ká asu, ká ibəchi, kakul nnak iyam inana iwawa.

IDari apitila

¹⁷ Uza nəm idari apitila ká azənariya anənan, uza lá ijilijili ká idaridari, ká oga ásusu, ká mbənggúmbənggum, ká mbəbal, ká iyam izəngtəng.

18 Idari apitila va ta chak igwong pa ikpađing ka izər idari iga ishimshe. Igwong pa ishatđing kà ngbak nro kang pa ishatđing kà ngbak nzəngtəng.

19 Ká oga asu pa shatđing wa mbənggum mbal ka apal igwong iga nggəshi, pa ishatđing kà igwong iro, wa nnà ta kà nkpaktak oga igwong iga ikpađing ka izər idari apitila va ta.

20 Ka izər idari apitila te, oga asu pa neding wa mbənggum, ká mbənggum, ká oga mbal,

21 ká mbənggum ka avəng nchak igwong iga iparəm ngga nggəshi, mbənggum ka avəng nchak igwong iga iparəm ngga mparəm, kang mbənggum ka avəng nchak igwong iga iparəm ngga nshatđing, wa nnà ta ka anung nchak igwong iga iparəm iga ishatđing va ta ka izər idari apitila.

22 Nkpaktak oga mbənggumbənggum, ká oga igugwong, ká idari apitila mmá lá ká azənariya anənən ká iyəm izəngtəng.

23 Uza nəm oga apitila pa fangshat kakul idari apitila, kang uza nəm mbəmbəmbəmbəm, ká asusu ká azənariya anənən.

24 Uza nəm idari apitila va ta ká nkpaktak oga iyəm inunok ká azənariya va idəđək ashekel ikalong pa ishatđing.

ATak nshì iyəm awop aga iyəm inəngnəng ichángchàng

25 Uza nəm atak nshì iyəm inəngnəng ichángchàng ká akun akasiya. Ngwuwang ashar pa zəng ká abubo, mbəbal ashar pa zəng ká abubo, kang nrurup ashar pa shatđing. Oga agbəshigbəshi mmá nəm ká iyəm izəngtəng.

²⁶ Uza bam apəpal, ká nkpaktak ngbəgbak, ká oga agbəshi ká azənariya anənan, kang à me idər gang arwangchwang.

²⁷ Uza nəm nkalbang azənariya pa mparəm kà nza ngbak nggo kang à mwak kà avəng idər kakul oga ndar ngga nyəyar.

²⁸ Uza nəm oga ndar ngga nyəyar kang à bam ká azənariya.

²⁹ Te uza nəm mmì nyəryər ngga nggor, ká iyam inəngnəng ichángchàng, inok ənəm uga nggwang iyam inəngnəng ichángchàng kpa.

38

ATak nshì iyam awop aga nshì iyam inana

¹ UBezalel nəm atak nshì iyam awop aga nshì iyam inana ká akun akasiya, ngwuwang ashar pa fangshat ká abubo, mbəbal ashar pa fangshat ká abubo, kang nrurup ashar pa neding ká abubo.

² Uza nəm agbəshi pa zəng kà nza nggulyang-gugulyangu ngga nneding nggo, oga agbəshi va ta ká atak nshì iyam awop yà iyam zəngtəng, kang uza bam kà acham arəzang.

³ Te uza nəm oga iyam inok kakul atak nshì iyam awop va ta, omà oga ngbət, ká oga ashefər, ká oga asu, ká oga igapchi iga ifang, ká oga asu apər. Nkpaktak oza nnəm acham arəzang.

⁴ Uza nəm alariya ká acham arəzang pa kà akum aləgər nkap ishimshe atak nshì iyam awop.

⁵ Te uza lá nkalbang pa nneding kà nggulyangu ngga nneding ká izər alariya aga acham arəzang va ta kakul nkpán oga ndar.

⁶ Uza nēm oga ndar ká akun akasiya kang à bam oza ka acham arəzang.

⁷ Te uza mwak oga ndar va ta ká ashe oga nkalbang ká ngbak atak nshì iyam awop kakul ñyeyar. Uza nēm atak nshì iyam awop va ta awulong ká akun.

ASu kakul nnàl awo ká ashar

⁸ Kang uza nēm asu aga acham arəzang kakul nnàl awo ká ashar kang izəzan iga acham arəzang ka atak oga agəlat ochar va i nēm inok ka anung Aghal Mbut.

AGəlan

⁹ UBezalel nēm agəlan ava mmá ká ká atani aga alinin anənan. Ka asal nkwandal te, ngwuwang ashar igbal pa izəng ká isəm pa itukun.

¹⁰ Uza nēm oga ndar kakul atani isəm pa iparəm ká oga atak mmumwak ngga acham arəzang isəm pa iparəm, kang ká oga iyam iga nzuzong ká iga nrəran iga aazurfa.

¹¹ Uza nēm oga atani aga asal mpal, ngwuwang ashar igbal ka isəm pa itukun na kpa, ká oga ndar oza isəm pa iparəm, ka oga atak mmwàk oza ngga acham arəzang isəm pa iparəm, kang ká oga iyam iga nzuzong, ká iga nrəran iga aazurfa.

¹² Uza nēm oga atani ava ka asal ntar alum, mbəbal ashar isəm pa ifangshat aman pa tukun, ká oga ndar oza pa ngbapchi, ká oga atak mmumwak pa ngbapchi, kang ká oga iyam iga nzuzong ká iga nrəran iga aazurfa.

¹³ Ka asal nfa alum te, mbəbal ashar isəm pa ifangshat aman pa tukun.

14 Kà ngbak ngga nzəng ngga asal aga ntar uza nəm oga atani aga nzuzong, ngwuwang ashar isəm pa iparəm aman pa parəm ká abubo, ká oga ndar oza pa nshatding ká atak mmwàk oza pa nshatding.

15 Kang kà ngbak nzəntəng, uza nəm oga atani ngwuwang ashar isəm pa iparəm aman pa parəm ká abubo, ká oga ndar oza pa nshatding ká oga atak mmwàk oza pa nshatding.

16 Nkpaktak oga atani va gáng agəlan aghal va ta mmá nəm ká alinin aloklòk anənan.

17 Oga atak mmwàk oga ndar va ta mmá nəm ká acham arəzang, ká oga atak nzuzong ká oga iyam iga nrəran iga aazurfa. Apal oza mmá bam ká aazurfa, kang nkpaktak oga ndar agəlan va ta mmá ran ká oga nkalbang ngga aazurfa.

18 Uza nəm atani aga anung asal agəlan va ta uza lok ká alinin anənan aga ndəng izər ivyau, ká nrəzang pa gar, ká arəzang, ká alinin anənan, kang ngwuwang ashar isəm pa ishatding kang nrurup ashar pa ifangshat ká abubo wa nrup atani aga agəlan.

19 Mmá təp atani ava ta ká ndar pa nneding ká atak aga mmwàk oza ngga acham arəzang, ká oga iyam iga nzong oza, ká iga nrəran iga aazurfa, kang mmá bam apal oza ká aazurfa.

20 Nkpaktak oga iyam ivə mmá mpak aghal áYawe ká, kang ká agəlan te, mmá nəm ká acham arəzang.

OGa iyam va mmá nəm inok ká

21 Ñlir iyəl oga iyam iga nəm aghal áYawe nnà ta, aghal aga nnap mpakpak nva uMusa nak mmá

lir. UMusa nak oLawi ova ka nēm inok ka avəng aItama uya aHaruna, unēm uga mpyal awop, pa á lir iyəl iyām iga nēm aghal áYawe.

²² UBezalel uya aUri, ukà aHur, uga akum aYahuda, nēm nkpaktak iyām iva uYawe là ũMusa.

²³ Nzəng ká unēm uga kam ishishi, uOholiyap uya aAhisamak uga akum aDan, unēm uga nnyi nggyok iyām, nlir nzaṁ iyām, ká nlok iyām ká afini ndəng izər ivyau, ká nrəzang pa gar, ká arəzang, ká alinin anənan.

²⁴ Nkpaktak azənariya va mmá me Atak Ayéryər ká te, ka ashe iyām inana iga nyegye, idədək ashekel ikalong isəm pa inanne aman pa fangshat ka ashekel igbəl pa ifangshat ka isəm pa ishatding, á mal ká ashekel aga Atak Ayéryər.

²⁵ Iyəl aazurfa va mmá ya ka atak nkung iyəl mbut oIsarila te, idədək ashekel ikalong igbəl pa ishatding ká aman pa zəng, ká igbəl pa ifangshat ká isəm pa ifangshat aman pa tukun, á mal ká ashekel aga Atak Ayéryər.

²⁶ Nza unēm nggo na abəka pa azəng, nna abo ashekel ka atak mmák ashekel aga Atak Ayéryər, ka anung á nza unēm nggo va mmá lir ka ashe nkung iyəl onēm oga ikalong igbəl pa ikpading ká aman pa shatding, ká igbəl pa itukun ká isəm pa itukun, á ban ká unēm uga izun isəm pa iparəm.

²⁷ Mmá nēm inok ká aazurfa ava idədək ashekel ikalong igbəl pa ishatding, nkpaktak oga atak aga mwak oga ndar ngga Atak Ayéryər ká atani aga Atak Ayéryər igbəl pa izəng. Idək ashekel ikalong pa ishatding iga aazurfa kakul nza

atak mmwak nggo.

²⁸ Abo ashekel aga ìkalong pa ìzəng ká ìgbàl pa ìfangshat ká ìsəm pa ìfangshat amān pa tukun te, uBezalel nəm oga iyām iga nzong oga ndar ká oga iyām iga nran oza ká, kang á bam oga apal ndar.

²⁹ Acham arəzang iyām inana iga ñyegye va mmá ba ká te, idəḏək ashekel ìkalong ìgbàl pa ìparəm ká ugbapchi amān pa parəm ká ìgbàl pa ineding.

³⁰ Ká nnà ta uza nəm oga atak mmwàk kaikul oga ndar ngga anung asal aga aghal aYawe, ká atak nshì iyām awop aga acham arəzang, ká alariya aga acham arəzang, ká nkpaktak iyām inunok,

³¹ ká oga atak mmwàk gang nkpaktak agəlan, ká oga atak mmwàk atani ka anung asal aga ntar agəlan, ká nkpaktak oga iyām iga mpak aghal áYawe, ká agəlan.

39

OGa ilukwan ánəm uga mpyal awop

¹ Onəm oga nnəm inok awo nəm oga ilukwan iyéryər inənan iga ndəng izər ivyau, ká nrəzang pa gar, ká nrəzang iva unəm uga mpyal awop í pa kaikul nnəm inok ka ashe Atak Ayéryər. Oza nəm oga ilukwan iyéryər kaikul áHaruna, wa nva uYawe nak uMusa.

ÌLukwan ìkwoksok

² Oza nəm ìlukwan ìkwoksok iga azənariya ká afini aga ndəng izər ivyau, ká nrəzang pa gar, ká nrəzang, ká alinin anənan.

³ Oza lá azənariya pa pileppilep kang oza cha pa səlen wa afini kakul ntat kà ishimshe alinin anənan, kang ká ishimshe ndəng izər ivyau, ká nrəzang pa gar, kang ká afini arəzang, inok ánəm uga aghan.

⁴ Oza nəm iyam iga apal agar pa mparəm kakul ilukwan ikwoksok kang bam ka ngbakgbak n ngga mparəm kakul nrəran.

⁵ Oza nəm ngbat nnənan ngga nrán ilukwan ikwoksok va ta ká iyam inok izəngtəng ká azənariya, kang ká afini aga ndəng izər ivyau, ká nrəzang pa gar, ká nrəzang, kang ká alinin anənan, wa nva uYawe nak uMusa.

⁶ Oza damshi oga ipáng izamzam ká iyam iga nkpán oza iga azənariya. Te oza gyok adin ovan oIsarila ka apəpal.

⁷ Te oza ran oza ka apal iyam iga apal agar ilukwan ikwoksok, ipáng iga nrəng ká akum oIsarila pa igbapchi aman pa parəm, wa nva uYawe nak uMusa.

İya ilukwan ikwoksok

⁸ Oza nəm iya ilukwan ikwoksok ka iyam inok izəngtəng iva mmá nəm ilukwan ikwoksok ká, ká azənariya, kang ká afini aga ndəng izər ivyau, ká nrəzang pa gar, ká arəzang, ká alinin aloklòk anənan.

⁹ Oza nəm iya ilukwan ikwoksok va ta, te mmá kup ngwuwang ká mbəbal mal izər ká mbal awo.

¹⁰ Te oza nəm atak ndət ipang inənan pa nneding ka apəpal. Ka atak mwak ngga nggəshi te, ipang irəzang iva i ya atak pa halakhalak, ká

ìpang iga ndəng ilur, kang ká ìpang iga ndəng agwal ikun,

¹¹ ká atak ndàt ngga mparəm te, ìpang iga ndəng izər ivyau, ká ìpang ikámkám, kang ká ìpang ifərfər wa apye.

¹² Kà atak ndàt ngga nshatding te, ìpang iga ndəng ishàn, ká ìpang ndəng awar agbak, kang ká ìpang irəzang pa gar.

¹³ Kang atak ndàt ngga nneding te, ìpang iga ndəng ilyanggu, ká ìpang izamzam, kang ká ìpang iga ndəng ipəpa. Nkpaktak oga ipang va ta mmá mwak ká ashe iyam iga nkpəkpán iga azənariya.

¹⁴ Nza ìpang nggo iga igbapchi aman pa parəm va ta ká anung adin ovan oIsarila, kang nza ìpang nggo mmá gyok adin akum pa zəng ká izəzər wa asitam.

¹⁵ Oza nəm oga nzwar ngga azənariya anənan kakul iya ilukwan ikwoksok.

¹⁶ Kang oza nəm nkalbang ngga azənariya pa mparəm, ká iyam iga nkpəkpán pa iparəm, kang oza mwak nkalbang nva ta ká nggulyanggu ngga mparəm ngga apal iya ilukwan ikwoksok.

¹⁷ Te oza ran oga nzwar azənariya ngga mparəm va ta ká mbol nkalbang ngga mparəm nva ká nggulyanggu iya ilukwan ikwoksok,

¹⁸ kang ká ngbak ngga mparəm ngga anung oga nzwar nva ta, oza ran ká izər iyam iga nkpəkpán kang oza ran ká iyam iga apal agar aga ilukwan ikwoksok ká asal mpyal.

¹⁹ Te oza nəm oga nkalbang ngga azənariya pa mparəm mwak ká nggulyanggu ngga mparəm ngga asal avəng ká ashe aga iya ilukwan ikwoksok dat ká ilukwan ikwoksok.

20 Oza nēm oga nkalbang azənariya pa mparēm, kang oza ran ka asal mpyal iyām iga apal agar ilukwan ikwoksok a datkulung ka atak ngguwang kang ka asal apal ngbat.

21 Te oza ran oga nkalbang ngga iya ilukwan ikwoksok ká oga nkalbang ngga ilukwan ikwoksok ká asang ngga ndəng izər ivyau, ka asal apal ngbat ngga nran ilukwan ikwoksok, na kang iya ilukwan ikwoksok a ra nggang ka izər ilukwan ikwoksok kaṭ, wa nva uYawe nak uMusa.

OGa ilukwan ánəm uga mpyal awop iro

22 Uza nēm ilukwan iwangwang iga avəng ilukwan ikwoksok ká ilukwan iga ndəng izər ivyau, inok ánəm uga nlok iyām.

23 Mmá re mbol kà ishimshe ilukwan iwangwang iva ta wa mbol ishak ilukwan, mmá lok ishishak á gang pa lat kakul kang a cha kaṭ.

24 Oza nēm awar ikumkum ká afini aga ndəng izər ivyau, ká nrəzang pa gar, ká arəzang kà nkur ilukwan iwangwang.

25 Oza nēm ibanggang ká azənariya anənan mwak kà mbagar awar ikumkum gang kà nkur ilukwan iwangwang kà ishimshe ikumkum iva ta.

26 Oza dat ibanggang iva ta ká awar ikumkum kà ishimshe owan oza gang nkpaktak akum ilukwan iwangwang iva ta iga nnəm inok ánəm uga mpyal awop, wa nva uYawe nak uMusa.

27 Oza nēm ilukwan iga ashe iga alinin anənan ûHaruna ká ovəvan onungguan, inok ánəm uga nlok iyām,

28 ká iyám ishi inənan kakul aHaruna kang ká oga iyám ishi kakul ovəvan aga alinin anənan, ká ilukwan iga ashe nlok alinin anənan,

29 ká ngbat nlòk alinin anənan ká afini aga ndəng izər ivyau, ká nrəzang pa gar, ká arəzang, inok ánəm uga nlok iyám, wa nva uYawe nak uMusa.

30 Oza nəm achuchwal iyám ishi anənan aga azənariya te gyok iyám nlir ka izəzər pa, <<UNənan ũYawe.>>

31 Te oza pá asang aga ndəng izər ivyau ká kakul nran ka apal iyám ishi, wa nva uYawe nak uMusa pa á nəm.

UMusa song aghal áYawe

32 Wa nnà ta nkpktak inok aghal áYawe, Aghal Mbut á kur. OIsarila nəm iza nggo, wa nva uYawe nak uMusa.

33 Te oza ba ka aghal áYawe ava ta ũMusa, aghal ká oga iyám inunok, oga iyám iga nzuzong, ká oga ndar nsungsung, ká oga ndar nnárnàr, ká oga ndar, ká oga atak mmùmwak,

34 ká oga awá inagam aga nggugún ava mmá bán ká ñzazí, ká oga awá anənan, ká atani aga nká atak,

35 ká akwati aga nsar nnap-nlà ká nkpa ng-gankpa nggang, ká anunung,

36 ká atebəl ká nkpktak iyám inunok ka nzəngkəng aYawe,

37 ká idari apitila iga azənariya anənan, ká oga apitilapitila, ká nkpktak iyám inunok, ká mmì oga apitila,

³⁸ ká atak nshì iyám awop aga azənariya, ká mmì ngga nggar, ká inéngnəng ichángchàng kang ká atani aga anung asal aghal,

³⁹ ká atak nshì iyám awop aga acham arəzang, ká alariya aga acham arəzang, ká oga nkpa nggankpá nggang, ká nkpektak iyám inunok, ká asu, ká izəzan,

⁴⁰ ká oga atani aga agəlan, ká oga ndədar, ká oga atak mmùmwak, ká atani aga anung asal agəlan, ká oga asəsang, ká oga iyám iga mpak aghal, ká nkpektak iyám iga nnəm inok ka atak Aghal Mbut,

⁴¹ ká ilukwan iloklok inənan kakul nnəm inok ka ashe Atak Ayéryər, ilukwan iyéryər kakul áHaruna unəm uga mpyal awop ká ilukwan kakul ovəvan na oza á nəm inok onəm oga nshì iyám awop ká.

⁴² OIsarila nəm nkpektak oga inok iva uYawe nak uMusa.

⁴³ UMusa song nkpektak inok te, á ya oza nəm dakdak wa nva uYawe nak. Te uMusa nak nnap nnənan ôza.

40

MPak aghal áYawe

¹ Te uYawe là ûMusa pa,

² <<Pak aghal áYawe, Aghal Mbut kà nra ngga nggəshi ka ashe apye aga azəng.

³ Te wa nak akwati aga nsar nnap-nlà ka ashishe wa gún ká atani.

⁴ Wa ɓa ká atebəl kang bu dàt oga iyam inok ka apəpal, kang bu ɓa ká idari apitila kang bu chwong oga apitila ka apəpal.

⁵ Te wa nak atak nshì iyam inəngnəng iga azənariya kà mpyal akwati aga nsar nnap-nlà kang bu zong atani aga anung asal aghal áYawe.

⁶ <<Wa nak atak nshì iyam inana iga nshì pa ɗwot kà anung asal aghal áYawe, Aghal Mbut.

⁷ Wa cher asu kà ishimshe Aghal Mbut ká atak nshì iyam awop, kang bu yəl ndəng ka ashishe.

⁸ Wa ká agəlan á gang pa kpaktak kang bu zong atani aga anung agəlan kà.

⁹ <<Te wa yar mmì ngga nggor na u gor aghal áYawe ká nkpaktak oga iyam inok iva ka ashishe, na oza á yà iyam iyéryər.

¹⁰ Wa shang mmì ngga nggugor ka apal atak nshì iyam inana iga nshì ká nkpaktak iyam inunok na u gòr atak nshì iyam awop á yà atak nshì iyam awop ayéryər ava ji.

¹¹ Te wa gòr asu ká izəzan, na u gar oza.

¹² <<Wa ɓa ká uHaruna ká ovəvan ka anung Aghal Mbut, na u wòr oza ká ndəng.

¹³ Te wa mwak ilukwan iyéryər ûHaruna kang bu gor na, bu gar na uza i yà unəm uga mpyal awop mi.

¹⁴ Wa ɓa ká ovəvan wa mwak ilukwan iga ashe ôza,

¹⁵ Gor oza wa nva u gor upo oza, na oza á yà onəm oga mpyal awop á mi. I yà óza nggor ngga akum onəm oga mpyal awop mbyet mbyet kakul oga nlwàk oza ngga mba.>>

¹⁶ Te uMusa nəm nkpaktak iyam va uYawe nak na kà. Wa nnà ta uza nəm.

¹⁷ Te mmá pak aghal áYawe ka apal nra ngga nggəshi ka apye aga zəng ka ashe izun iga iparəm.

¹⁸ UMusa pak aghal áYawe, à dat oga atak mwak ndar, kang uza mwak oga ndədar, ká oga ndar nnárnàrnárnàr, kang à ghap oga ndədar.

¹⁹ Uza nàr atani aga akpap íbəl ka apal aghal áYawe kang à nak iyam iga nggugún iga awá ka apəpal, wa nva uYawe nak uMusa.

²⁰ Uza yar oga achuchwal ipang iga nsar nnap-nlà kang à nak oza ka ashe akwati. Te uza mwak oga ndar ka ashe oga nkalbang ka izər akwati ava ta, kang uza nak anung akwati ava ta ka apəpal.

²¹ Uza tar ká akwati aga nsar nnap-nlà ka ashe aghal, te uza zong atani aga nká atak akwati aga nsar nnap-nlà wa nva uYawe nak uMusa.

²² Uza nak atebəl ka ashe Aghal Mbut ka asal mpal aghal kà mpyal atani.

²³ Te uza dàt nzəngkəng ka apal atebəl kà mpyal aYawe, wa nva uYawe nak uMusa.

²⁴ Uza cher idari apitila ka asal nkwandal ka ashe Aghal Mbut, mal ikwoksok ká atebəl.

²⁵ Te uza mal oga apitila kà mpyal aYawe, wa nva uYawe nak uMusa.

²⁶ Uza nak atak nshì iyam awop aga azənariya ka ashe Aghal Mbut kà mpyal atani,

²⁷ te uza shì iyam inəngnəng ichángchàng ka apəpal, wa nva uYawe nak uMusa.

²⁸ Uza zong atani ka anung aghal áYawe.

²⁹ Uza nak atak nshì iyam inana iga nshì ka anung asal Aghal Mbut, te uza yichi iyam inana

iga nshì pà òwot ká iga òpìrkur kà apəpal, wa nva uYawe nak uMusa.

³⁰ Uza cher asu ká ishimshe Aghal Mbut ká atak nshì iyam awop, te uza nak ndəng kà ashishe.

³¹ UMusa ká uHaruna ká ovan aHaruna i nàl awo ká ashar oza ká.

³² Awalang awa oza i tar Aghal Mbut kang awalang awa oza i dat atak nshì iyam awop te, oza i nàl awo ká ashar oza, wa nva uYawe nak uMusa.

³³ Te uMusa dàt agəlan gang nkpaktak aghal ká atak nshì iyam awop, te uza zong atani kà anung agəlan va ta. Wa nnà ta uMusa gbal ká inok iva ta.

Izhàn áYawe

³⁴ Te ilulu gún Aghal Mbut, kang izhàn aYawe yəl ashe aghal áYawe.

³⁵ UMusa chu ntar ashe Aghal Mbut nva ta kat, kakul ilulu dāngchi apəpal, kang izhàn aYawe yəl ashe aghal áYawe.

³⁶ Nkpaktak awalang va ilulu i wong kà apal aghal awa ta te, oIsarila i wong achen oza.

³⁷ A yà pà ilulu ya wong chit kat te, oza i wong kat, ya nda va ilulu i wong kang.

³⁸ Kakul ilulu aYawe kà yà kà apal aghal ká alum kang apər kà ashishe ká izwam, kà iwu nkpaktak nzhi aIsarila kà ashe nkpaktak achen oza.

Tarok Bible

The Holy Bible in the Tarok language of Nigeria

copyright © 2024 Luke Initiative for Scripture Translation

Language: (Tarok)

Contributor: The Seed Company

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-07-10

PDF generated using Haiola and XeLaTeX on 10 Jul 2025 from source files dated 10 Jul 2025

501af3c5-12fd-5965-ade7-9600b2d02717